

**ADMIRANDA  
METHODUS  
NOVAE  
PHILOSOPHIAE  
RENATI DES...**

---

Marten Schoock



14

17-c

35

35  
1.613.



7-c.55

~~6.2.5.11.17.18.19.20.21.22.23.24.25.26.27.28.29.30.31.32.33.34.35.36.37.38.39.40.41.42.43.44.45.46.47.48.49.50.51.52.53.54.55.56.57.58.59.60.61.62.63.64.65.66.67.68.69.70.71.72.73.74.75.76.77.78.79.80.81.82.83.84.85.86.87.88.89.90.91.92.93.94.95.96.97.98.99.100.~~



1111



A D M I R A N D A  
M E T H O D V S

Novæ Philosophiæ  
RENATI DES CARTES.



V L T R A I E C T I  
Ex Officina JOANNIS V A E S B E R G E,  
Anno c13 Ic c xliix

100

100

100

100

100

MARTINVS SCHOOCKIVS

Philosophiæ in Academ. Groningo-  
Omlandica Professor, Lect. S. D.

**A** Quo tempore primum No-  
bilissimus Amplissimusque  
Magistratus Trajectinus, heroi-  
co conatu Illust: Gymnasii (quod  
præter multorum opinionem ci-  
to in Academiã excrevit) fun-  
damēta moliri cæpit; cujusdam  
Renati des Cartes nomen primo  
mussitari, dein, quod Philoso-  
phorum aquila diceretur, apud  
nobiles quosdam & magnates  
maxime, jactari inceptum est,  
famæ ejus præcipuo buccinatore  
viro quodam non indocto, qui  
persuadere laboravit, alicubi  
(antrum enim hominis ut ut ro-  
gatus nunquam monstrare cu-  
piebat) nobilem quem virũ la-  
titare, qui non tantum sufficeret

\*

2

de-

# P R Æ F A T I O.

*debellanda Philosophiæ Peripatetica, verum etiam suo tempore, subsidio Mathematicos & maxime Algebra, tam perspicuum & solidis demonstrationibus suffultū Philosophiæ systema daturus esset, ut nunquam perfectius Sol aspexerit. Quanquam autem tū temporis, oppido adhuc juvenis, ex Aristotele meo scirem; sapientem non facile admirari, usque & assidua recentiorum Philosophorum lectione didicissem, Novatores in Philosophia facilius posse explodere receptæ philosophiæ dogmata, quam meliora in eorum locum substituere; nihilominus D. OÜTIS, occultus scilicet philosophantium dictator, tacite mihi placere cepit, quod credere non possem, virum*  
*inge-*



# P R Æ F A T I O.

*ingeniosū, (qualis fuit ille, quem modo designavi) toto cælo circa hominem (ut dicebat) à multis annis exploratum, errare posse. Eoque multoties apud eundem institi ut me aut ad novi Apollinis cortinam deduceret, aut explicaret responsa, quæ ex ea prodiiſſe dicebat. At ut occultū Sophiæ sacrarium monstraret, nūquam adduci potuit, quod diceret ejus antistitem paucorū hominum esse; dogmata per pauca quoque indicavit, maxime ea, quæ Problematicis quibusdā disertatiunculis subinde immiſcere solet; nō quod ea ignorare videretur, aut æternum premere vellet; sed maxime ut mihi multisq; aliis salivam moveret lintei alicujus libri, in quo absol-*

\* 3

ven-

# P R Æ F A T I O.

*uendo authorem totū esse iden-*  
*tidem dicebat. Dum ego ergo,*  
*mecumque plurimi per annos a-*  
*liquot patienter has novæ phi-*  
*losophiæ tabulas, velut quod è*  
*cælo scutū expectant; de impro-*  
*viso anno 1637. Leydæ liber quis*  
*Gallicus, nullum authoris nomē*  
*præferens, quadruplicique titulo*  
*insignis evulgatur; cujus patrem*  
*simulac virum sc. ex annalium*  
*memoria Cartesiū esse intellexi,*  
*eum mihi cōparavi & pro qua-*  
*licunq; scientiæ modulo in Gal-*  
*lica lingua, quam primum perti-*  
*naci diligentia evolvere cæpi,*  
*identidem ex me quarens; hiccir-*  
*ne esse ille αὐτός inter philosophos,*  
*qui brevissimo temporis spatio*  
*magna illa Aristotelis, Platonis,*  
*nomina oblitterare posset? nihil*  
*tamen*



P R Æ F A T I O.

*tamen definire audebam, quod  
existimarem me ex turba infeli-  
cium illorū hominum esse, quos  
ut mysteriorum suorum incapa-  
ces nō semel in Methodo author  
proscribit, & ad sacræ ignorantiæ  
insulas ablegatos cupit. Postea  
alios, quos credebam nomē quod  
inter eruditos ferre, in consiliū  
adhibere cæpi, & quid de nova  
Cartesii philosophia videretur,  
sciscitari; ex quibus cum disce-  
rem, in spisso libro, quicquid nō-  
nullis videretur, magno conatu  
maximas nugas agi; per otium,  
ut idem propius explorare pos-  
sem, librū sepositum relegere cæ-  
pi; in quo cū primo authoris me-  
thodū, & dein superbam perti-  
nacemque cōfidentiam, in qua-  
que pagina proditam, diligenter*

P R Æ F A T I O.

annotassem, certo apud me statui  
nullas in posterum horas taliū  
apinarum examini consecrare;  
credidique neminē in eruditorū  
caveis in ventum iri, qui utroq;  
pollice has abortivas nugas à  
fluctuāte patre expositas proba-  
turus esset. Oblivionis ergo sup-  
paro apud me multosq; alios ad  
tempus aliquod Cartesii nomen  
tectum fuit, & adhuc tegeretur,  
nisi sequēti anno Medicus quis,  
ad cathedram Medicam in Aca-  
demia eodem mecū die evectus,  
Cartesiane philosophiæ signum  
erigere incepisset, publice priva-  
timque eam loco antiquæ & re-  
ceptæ philosophiæ docēdo & in-  
culcādo, ut autem fieri solet, pau-  
culi rerum imperiti adolescen-  
tes, quorum aures Sirenum can-  
tū

## P R Æ F A T I O.

*tui nō assueverant, avide nova  
 opinionum monstra in pectoris  
 sacrarium deduxerint, tātosque  
 spiritus Cartesio, (qui dictaturā  
 in nova Academia à primis ejus  
 incunabulis animo agitaverat)  
 addiderunt, ut præcedenti anno  
 ausus fuerit nomen suū sex Me-  
 ditationibus, quibus percellere  
 studet obfirmatos atheorū ani-  
 mos, præscribere, Specimenque  
 philosophiæ suæ non uni aut al-  
 teri offerre, sed ipsi Sorbonæ Pa-  
 risiensi, quæ tamē hætenus an-  
 tiquæ philosophiæ veritatem  
 quā pertinacissime contra quos-  
 cunq; Novatores defendit. Sed  
 ut spes, citra judicium suscepta,  
 quam fallax & raro diuturna  
 esse solet; Cartesii philosophia,  
 jam principatum in novā Aca-  
 demia*

# P R Æ F A T I O.

*demia obtenturam se sperabat, quod minus decore se gereret & imprudentius à Medico defenderetur, præter multorū opinionem uno Senatus Academici decreto, approbante Nobiliss. & Ampliss. urbis Magistratu, nunquam in posterū per Dei gratiā reditura, proscripta fuit. Effertior proinde factus est, Renatus des Cartes; qui ut ab orbe universo agnosci posset, sibi ipsi larvam detraxit, ut enim bilem cōmode eructaret, Amstelodamēsi prælo iterū subjici Meditationes suas curavit, iisq; auctarii vice Epistolam, quam si Archilochiū edictū vocavero nequaquam calumniabor, subjunxit. Omnia epistolæ puncta scurram & sycophantam olentia in antecessum*

*non*



# PRÆFATIO.

non representabo, quid mihi acciderit solum referam. Simulac abominandum carmen ex syco-  
phantiis, fallaciis, & Thrasonif-  
mis consutū legi, omnia quæ ab  
homine unquam scripta erant  
cum eo cōponere cæpi, quo illius  
indolem explorare eamque ali-  
quando ex fidei legibus orbi de-  
lineare possem. Omnia vero cum  
accuratius expendisse viderer,  
mihi δῖχα ῥιθὺν secundum Pinda-  
rum; ita ut difficile initio fuerit  
ἀτρέκεια ἐπεῖν. Existimabā enim  
initio novatorem hunc aut Da-  
vidis Georgii, aut Iohānis Tor-  
rentii antehac ergastuli Harle-  
mensis inquilini vestigiis insiste-  
re, & novarum opinionum por-  
tentis vanos & opulentos velle  
dementare, quo marsupiū & ar-

## P R Æ F A T I O.

cam eorum manciparet, secureq;  
tātis pecunia subsidis suffultus,  
Genio ac naturæ indulgeret: Sed  
mox suspicioni illi nuncium mi-  
si cum perpenderem sacculos non  
araneis plenos, sed numis ab illo  
circumferri, eorumq; auxilio &  
opera ea oppugnari, quæ omni  
auro cariora esse deberent. Fu-  
gatis ergo prioribus cogitationi-  
bus novis indulgere cæpi, & post  
serium scrupulosumq; examen,  
triapotissimū novæ philosophiæ  
architectum agere deprehēdi, de  
quibus cum ex re sit omnes edo-  
ceri, libere ac sine ullis ambagi-  
bus prodam. Primo, ut ut mode-  
stia simulet, omni tamen studio  
ac conatu hoc agit, quo per ami-  
culos & artes ingenuo homine  
indignas, velut alteram Baby-  
loni-

## P R A E F A T I O.

*lonicam turrim, erigat, & quidem in iis locis, ubi hactenus publice privatimq; antiqua ac recepta philosophia doceri consuevit. Fateor, non quidem aperte hoc hominem agere; interim tamē, ut clare Lectorem docemus, dum videri vult Scepticos refutare, quod facere solent quicunq; per patricias artes, in aulis magis quam scholis notas, studiosos eorumque professores, ac consequenter Ecclesiam, & Rempubl. disputationibus & contentionibus distrahere laborant, & sic viā sternere ad periculosissimas hereses & scismata. Ita Faustus Socinus dicere solet, se ea reformare, quæ omissa à Luthero ac Calvino erant, quo secure per orbem Christianum*  
*Pho-*

## PRÆFATIO.

*Photinianismi semina spargere posset; item Adolphus Venator quondam Alcmarianus pastor, vera ac mera Theologiæ professor videri voluit, quo nefanda quæque dogmata propagare posset, ac sub tertii sacramenti prætextu, virginum & viduarum pedes lavare. Secundo, cum libris & lectioni bellum indixerit Cartesius, pro virili studiosam juventutem, à studiis & laboribus, ætati illi maxime congruis, abducere laborat, pelliciendo eam non quidem Epicuri exemplo ad hortum & mensam, aut instar Torrentii ad speciosas fœminas, cantharum & aleam; sed ad otium & meditabundos lectos, & quidem prætextu cogitationum, observationum & experien-*



## PRÆFATIO.

*perientiarum, per quæ eruditio-  
nis compendia, si homini crede-  
re volumus, citra pulveris ja-  
ctum, quotquot Promethea fa-  
ventem experiuntur, docti non  
tantum, verum & celebres eva-  
dere possunt. Tertio, ut omnes  
in hoc tractatu doceo, cognovi  
hominem cū Vaninio paria fa-  
cere, & dum videri vult Atheos  
Achilleis argumentis oppugna-  
re, subdole ac admodum occulte  
Atheismi venenum iis affri-  
care, qui anguem in herba lati-  
tantem præ ingenii imbecillita-  
te ubique deprehendere non pos-  
sunt. Enimvero multi rationa-  
les Theologo-philosophi, quibus  
sordet Scriptura, Atheismum  
docent, dum detegere ac refuta-  
re eum laborant. Sic diabolus  
dum*

## P R Æ F A T I O.

*dum Christum, benedictum sal-  
vatores nostrum, divina pro-  
videntia admonere præsūmit,  
longissime ab ea adducit, exsti-  
mulando eum ad Dominū Deum  
tentandū. Hæc enim subtilium  
Atheorum praxis: Vnum aut  
alterum contra Atheos, ut in-  
fallibile argumentum jactare,  
quod quia pauci vix capere pos-  
sunt, tacite ostenditur nulla ar-  
gumenta esse, quibus certo ac ci-  
tra fluctuationem ullam numen  
quod esse evincatur. Et tantum  
quidem de hominis instituto,  
prout colligere potui ex sedula  
tum lectione, tum iterato scrip-  
torum ejus examine. Quibus  
moribus in vita præditus sit,  
difficulter aliquis expedire pos-  
set: quis omnia enim ejus lati-  
bula,*

P R Æ F A T I O.

*bula, & sæpius quam ab Ham-  
xobiis fieri solet, mutata domi-  
cilia explicet? Modo in West-  
frisia, modo in Geldria, iterum  
in Hollandia aut Transisula-  
nia, aut Trajectina Dixcesi  
vivere dicitur, ut non inju-  
ria quis prima fronte suspicari  
posset eum ex Societate Fra-  
trum Rosæ crucis prodiisse, quo-  
rum jactabundam vocem ante  
annos non ita multos Germa-  
nia quidem audire potuit, eos  
ipsos autem, ut ut diligenter  
quæsitos, difficulter invenire.  
Cui suspicioni & ego non invi-  
tus accederem, nisi scirem ho-  
minem ambitiosissimum velle  
nomē suum (quod studiose dicti  
Fratres silentio premi curabāt)  
apertis*

P R Æ F A T I O.

apertis tibiis per omnes orbis  
angulos decantari. Non videtur  
quoque Anachoretarum voto se  
obstrinxisse, quos aut quas enim,  
invisere amat, ipso meridie in-  
visit & salutatur; & quanquam  
antiquorum Philosophorū vix  
nomen ferre potest, eorum tamē  
exemplo redvivus Satho scil.  
Phrynes quas in delitiis habere  
arctēq; complecti dicitur. Vt ego  
vero libere profitear, quid de ho-  
minis latibulis judicem, existi-  
mo eum aut mala consciētiæ sti-  
mulis exagitari, forte quod bi-  
dental (Deus novit) alicubi con-  
tractarit; aut esse ex Timonis,  
alteriusve trīstis *μίσανθροπος*, po-  
steritate, aut denique amabili  
insania deludi. Sed quæ necdum  
in proscenium sunt adducta, an-  
te



## P R Æ F A T I O.

*te diem fusius detectum ire non possum. Ut ut ergo sit, hoc saltem verissimum, hominem esse graviter impudentem, superbū fastidiosum, maledicum, & cōvitiatorem, qui quid dicat, nihil pensi habere videtur. Ut alia huius rei documenta prætereā, abunde hoc docet vel una Epistola ad Dinetum: non contentus enim in ea omnes Academiarum Professores, imo omnes, quotquot vixerunt & vivunt, viros doctos contempsisse; nominatim incurrit in inclytā Academiā Ultrajectinam, præ cæteris vero in Theologum, superiori anno in ea Rectorem Magnificum. Pro Academia, in qua ad quadrienniū publice privatimq; docui, nihil dicam; ipsa, ut opinor, pro se respon-*

P R Æ F A T I O.

*Spondebit, hominisq; calumnias  
& mendacia, ut in posterum si-  
milis farinae hominibus exem-  
plum esse possit: pro Theologo di-  
lectissimo mihi præceptore pau-  
cula tantum verba faciam, orbi  
enim Sacrosæ Theologiæ Do-  
ctor & Professor Voetius, ita ho-  
die innotuit, ut hæc necessū sit  
eum proluxa oratione defendere  
contra sacrum carnis & mundi  
sacerdotem Renatū des Cartes.  
Duum vero generum convitia,  
dictæria, & mendacia sunt, qui-  
bus irritò conatu integerrimam  
Doctõis Voetii existimationem  
ledere & collutulare studuit:  
Quædam ad causam hanc non  
pertinent; quædam vero caus-  
sam ipsam tangunt. Ex iis quæ  
ad causam hanc non pertinent  
illud*

# PRÆFATIO.

*illud primum est, quod Epist. p. 178. Edit. Elz. dicit: Eum in potentiores invehendo ferventem & indomitum pietatis zelum præ se ferre. Si Cartesius formulam hanc, qua jam olim falso carnales quidam Libertini, omnium horarum vertumni, hybrida Christiani, & alii quibus mens male conscia, immerentem & ex conscientia ad Dei gloriam munere imposito fungentem in propatulo ferire solent, suam hic facere voluit, ne in prudentia leges peccat, quod calumniam, quam ejus architecti hæcenus necdum ex antro suo protrahere ausi fuerunt, pro sua adoptare ausit: Si vero quod ex parte credo si ingenium ejus propius explorem, ipse diabolicum hoc men-*

# PRÆFATIO.

*mendacium per indomitā mentiendi ac calumniādi libidinem fabricatus est, videat ne aliquādo alibi secundum aliam figurā & modum de eo disputatio incidat. Sed his diaboli delitiis larvā detrahāmus. Dicit Renatus des Cartes, vir scil. mentiri nescius, Theologum in potentiores invehēdo ferventem & indomitū pietatis zelum præ se ferre. Mirum ergo quod in vico vicino Sylvæducis per annos sex, & Huesdæ per annos 17. Magistratus eum civem & Ecclesiæ suæ ministrum toleraverit; & dum inibi Christi evangelium prædicaret ad ministerium Ecclesiæ Hagæ-comitaneæ, Roterodamensis, Harlemensis, ac Sylvæ-ducensis in forma sit.*



PRÆFATIO.

*sit vocatus. Tētatus vero & sollicitatus aut per literas aut delegatos ab Ecclesia Dordracena, & Middelburgensi, applaudentibus & dimissionem ejus flagitantibus Illustr. & Celsiss. Principibus, Mauritio Nassovio, & Henrico Frederico, item Celsissima Principissa, Illustrum & Potentissimorum Ordd. Generalium delegatis, Nobilibus & potentibus Ordd. Hollandiæ delegatis, nec non Curiarum Senatoribus, & Amplissimis urbium earum Magistratibus. Ito, mi homo, & in alio orbe fatuis persuade à tot Illustrissimis, Potentissimis, Nobilissimis, Amplissimisque viris aliquoties ad ministerium capeffendum invitatum fuisse Theologum, ut quotidie  
ejus*

## P R A E F A T I O.

*eius immoderatum Zelum, ef-  
 freneque os in se debacchans ex-  
 perrientur. Sed quorsum tā pro-  
 cul discedimus? An non Nobilif-  
 simi & Amplissimi Senatores  
 Ultrajectini ei professionem the-  
 ologicam decreverunt, & post-  
 modum ab Ecclesia, quæ Christo  
 in ea urbe colligitur, pastorem  
 electum approbarunt? nisi forte  
 propterea hoc factū existimes, ut  
 quotidie, aut pro re nata, ipsi ab  
 eo possēt perstringi. Sed, si placet  
 mi homo, indicatiū fac eorū potē-  
 tiorum, qui indomiti ferventis-  
 que Zeli à Theologo prodeuntis,  
 experti sunt. Quid dixit Theo-  
 logus? aut qui tu, qui ignoti  
 antri perpetuo inquilinus esse  
 amas, hoc scire potes? Taces  
 ad *ἡμετέριον* redactus? Loqui  
 vero*

P R Æ F A T I O.

*vero potuisti & ausus fuisti in  
Epistola; propterea secundo e-  
nim ostendere laboras pag. ead.  
Theolog. ferventis indomitique  
Zeli igni æstuarè, quod modo  
in Romanam religionem,  
modo in alias quascunque à  
sua diversas invehatur. Scili-  
cet, mi vir, nosti quæ & qualia  
dona verbi divini ministrum  
commendent & exornent: pro-  
pterea, ne plures causas laudem,  
à tam variis Ecclesiis Theol. ex-  
petitus fuit, ut orthodoxam ve-  
ritatem contra Romanæ Eccle-  
siæ, aliarumque sectarum dog-  
mata, machinationes, strophas,  
ac sophismata defendere posset.  
Nec tamen concionandi dotes,  
quibus à Deo instructus Theo-  
log., aut tantum, aut principa-  
liter*

\* \*

— —

## P R Æ F A T I O.

*liter in elenchis consistunt, sive, ut tu loqueris, in vectivis in adversarios. Vis ac Suada solidæ & vere divinæ sapientiæ amplius se prodere solet in patheticis usibus & applicationibus adhortationum, consolationū, &c. Sed quorsum porcis margaritas projicio. Pergit vero Cartesius, & tertio pag. 178 sic ait. Interdum etiam dicteriiis plebeculę aures demulcet. Quasi vero Theologus sit Cartesius, aut emulari debeat mundanos crassosque Libertinos. Novimus vero quorum pharetræ hac & similia tela Theologi adversariis ad eum jugulādū supeditare solent: sed, ut spero, Deus aliquando occasionem cōcedet contra eos & Cartesium alia*



P R Æ F A T I O.

lia ratione super his calumniis  
disputandi. Dicit calumniator  
Theologum plebeculæ tātum  
aures demulcere, ut incautis  
persuadeat turbæ & plebis fa-  
vore ac præsidio virum doctum  
& pium tantum niti, & propte-  
rea Magistratus in eū serio nec-  
dum decrevisse animadvertere,  
quod pro tempore vix tuto  
hoc liceat per eos, quibus multi-  
tudo virtutem ac audaciam ad-  
dere solet. Sed toto cælo errat.  
Trajectina civitas multos ad-  
huc purpuratos per Dei gratiam  
in sinu suo fovet, qui nequaquā  
sinent pietatem, Zelum, & in-  
nocentiam per paucorum calum-  
nias, mendacia, ac Sinonias ar-  
tes opprimi. Progreditur, &  
quarto pag. 177. ita dicit:

\* \*  
— —

2

Cluet

P R Æ F A T I O.

Cluet Theologus, Concionator, Disputator. Rhetoricationes hæ Rhetoricam Socinianam & Remonstranticam olent. Sed quid ad rem faciunt? Ad esdum, mi homo; quando Voetium audire dicis Theologum, Concionatorem, ac disputatorem, licet ringaris & femur ferias, verum dicis. Sed quid interim hoc ad defensionem philosophiæ tuæ? Novimus quidem; neque enim cornea nobis fibra est, quo tendas, quidve, rerum ignaris tacite innuere velis: Sed quid diceres, si quis pari importunitate prefaretur: Cartesius cluet lucifuga, alter Cainus, vagus, &c. ganeo, venerens nepotulus, &c. an non mox exciperes nequaquam illud ad rem facere, etiam-

# PRÆFATIO.

*etiamsi verum esset? Sed quid  
dein quinto ex locis communi-  
bus Calumniarum profertur?  
Multos quotidie libellos, sed  
à nemine legendos, emittit.  
Si Voetii scripta publica intelli-  
gat, an quis ea legere dignetur,  
(quandoquidem ipse neq. libros  
legit, neque bibliopolia obit) dis-  
cere posset vel ex uno suo Medi-  
co: ne contra hominem in pro-  
patulo mendacem bibliopolas nō  
tantum nostræ, sed suæ etiam, ac  
Remonstrantiæ professionis te-  
stes laudem. Sin vero in animo  
habuit Theses, aut Diatribas in  
Academia ad disputandum pro-  
poni solitas: quamvis oculi ipsi  
doleant, multarum Disputatio-  
num à Typographo exemplaria  
haberi amplius non possunt; ad-*

\*\*\*

3

eo

# P R Æ F A T I O.

*eo a vide mox ab evulgatione nō tantum à nostratibus, verū extraneis etiam Ecclesiarum pastoribus, & Theologiæ studiosis, quin etiam Professoribus, Philosophis, Iurisconsultis & Medicis, & quod miretur quis à viris politicis ac in dignitate constitutis expetuntur. Pudor & modestia non permittunt exhibere literas magnorum virorū, quibus ipsius Theses quotidie efflagitant. Sexto, hæc os mendax eructat ead. pag. Varios authores, sed sæpius contra se, quam pro se facientes, citat. Sed an Cretensis Thersites unquam aut Theol. publica scripta, aut Theses legit? Si legit, an etiam authores legit qui ibi citantur, & cum Theol. libellis*



## P R Æ F A T I O.

*lis contulit? Quod si vero ex in-*  
*stituto Scepticæ ignavia, igno-*  
*rantia, & audacia sua bonos au-*  
*thores non legit, qua fronte ju-*  
*dicium sibi arrogare audet! Sed*  
*age, specimen edat authorum, nō*  
*semel atque iterum tantum, sed*  
*sæpius contra Theologū facien-*  
*tium. Nec tantum sæpius, si*  
*homini ex mendaciis consuto*  
*credimus, autores contra e-*  
*um faciunt, sed amplius (ut se-*  
*ptimo innuit ead. pag.) autho-*  
*res forte ex indicibus tātum*  
*notos citat. Quam stolidū hoc*  
*mendacium sit, norunt, qui*  
*semel tantum Theol. scripta in-*  
*spexerunt: nam pro re nata, &*  
*usu ita postulante, non raro in*  
*ipsis ipsæ sententiæ ac formalia au-*  
*thorum verba citantur proposi-*  
\*\* 4
tisque

PRÆFATIO.

*tisque sententiis applicantur: nonnunquam etiam citata verba aut explicantur, aut examinantur: alias etiam dicta cum dictis conferuntur, quo sibi invicem lucem fœnerari queant. Tantam autem authorum, quos ad partes vocat, fiduciam Theolog. habet; ut non tantum eorum libros, & capita, sed sæpe etiam paginas, numeros, sectiones, ac paragraphos citet. Si Cartesio animus, in lucem prodeat, experiaturque an Theol. authores ex Indicibus tantum cognoscat, aut quem subornet ex mystagogis suis, alium si reperire non possit Medico suo eas partes deleget, jubeatque non de Theologis ipsi propriis, sed philosophis, historicis, literatoribus,*

## P R Æ F A T I O.

*toribus, antiquariis, &c. collationem cū eo instituere. Quam vero, librorum belluo Theol., omnis generis authorum notitiā habeat, non tantum studiosi sed multi alii viri docti norunt, qui omnigenos scriptores ex ipsius bibliotheca quotidie commodato accipere solent. Non contentus eruētasse has calūnias Cartesius, ita dein octavo pag. 178. in Theolog. debacchatur: De quibuslibet scientiis tāquam si earum gnarus esset, audacissime, sed & imperitissime, loquendo, admodum doctus indoctis videtur. Quam male coheret hoc mendacium? Renato si fidem habere volumus: quādo Theol. Disputationes & lectiones in Academia habet, aut*

## P R Æ F A T I O.

*eius immoderatum Zelum, ef-  
 freneque os in se debacchans ex-  
 perrientur. Sed quorsum tā pro-  
 cul discedimus? An non Nobilif-  
 simi & Amplissimi Senatores  
 Ultrajectini ei professionem the-  
 ologicam decreverunt, & post-  
 modum ab Ecclesia, quæ Christo  
 in ea urbe colligitur, pastorem  
 electum approbarunt? nisi forte  
 propterea hoc factū existimes, ut  
 quotidie, aut pro re nata, ipsi ab  
 eo possēt perstringi. Sed, si placet  
 mi homo, indicatiū fac eorū potē-  
 tiorum, qui indomiti ferventis-  
 que Zeli à Theologo prodeuntis,  
 experti sunt. Quid dixit Theo-  
 logus? aut qui tu, qui ignoti  
 antri perpetuo inquilinus esse  
 amas, hoc scire potes? Taces  
 ad ἰκεχυθία redactus? Loqui  
 vere*



P R Æ F A T I O.

*vero potuisti & ausus fuisti in  
Epistola; propterea secundo e-  
nim ostendere laboras pag. ead.  
Theolog. ferventis indomitique  
Zeli igni æstuarè, quod modo  
in Romanam religionem,  
modo in alias quascunque à  
sua diversas invehatur. Scili-  
cet, mi vir, nosti quæ & qualia  
dona verbi divini ministerium  
commendent & exornent: pro-  
pterea, ne plures causas laudem,  
à tam variis Ecclesiis Theol. ex-  
petitus fuit, ut orthodoxam ve-  
ritatem contra Romanæ Eccle-  
siæ, aliarumque sectarum dog-  
mata, machinationes, strophas,  
ac sophismata defendere posset.  
Nec tamen concionandi dotes,  
quibus à Deo instructus Theo-  
log., aut tantum, aut principa-  
liter*

\* \*

— —

*liter*

## PRÆFATIO.

*liter in elenchis consistunt, sive, ut tu loqueris, in vectivis in adversarios. Vis ac Suada solidæ & vere divinæ sapientiæ amplius se prodere solet in patheticis usibus & applicationibus adhortationum, consolationū, &c. Sed quorsum porcis margaritas projicio. Pergit vero Cartesius, & tertio pag. 178 sic ait. Interdum etiam dictariis plebeculę aures demulcet. Quasi vero Theologus sit Cartesius, aut æmulari debeat mundanos crassosque Libertinos. Novimus vero quorum pharetræ hæc & similia tela Theologi adversariis ad eum jugulādū supeditare solent: sed, ut spero, Deus aliquando occasionem cōcedet contra eos & Cartesium a-*  
*lia*

P R Æ F A T I O.

lia ratione super his calumniis  
disputandi. Dicit calumniator  
Theologum plebeculæ tātum  
aures demulcere, ut incautis  
persuadeat turbæ & plebis fa-  
vore ac præsidio virum doctum  
& pium tantum niti, & propte-  
rea Magistratus in eū serio nec-  
dum decrevisse animadverte-  
re, quod pro tempore vix tuto  
hoc liceat per eos, quibus multi-  
tudo virtutem ac audaciam ad-  
dere solet. Sed toto cælo errat.  
Trajectina civitas multos ad-  
huc purpuratos per Dei gratiam  
in sinu suo fovet, qui nequaquā  
sinent pietatem, Zelum, & in-  
nocētiam per paucorum calum-  
nias, mendacia, ac Sinonias ar-  
tes opprimi. Progreditur, &  
quarto pag. 177. ita dicit:

\* \*  
— —

2

Cluet

P R Æ F A T I O.

Cluet Theologus, Concionator, Disputator. *Rhetoricationes hæ Rhetoricam Socinianam & Remonstranticam olent. Sed quid ad rem faciunt? Adesdum, mi homo; quando Voetium audire dicis Theologum, Concionatorem, ac disputatorem, licet ringaris & femur ferias, verum dicis. Sed quid interim hoc ad defensionem philosophiæ tuæ? Novimus quidem, neque enim cornea nobis fibra est, quo tendas, quidve, rerum ignaris tacite innuere velis: Sed quid diceres, si quis pari importunitate præfaretur: Cartesius cluet lucifuga, alter Cainus, vagus, &c. ganeo, venerens nepotulus, &c. an non mox exciperes nequaquam illud ad rem facere, etiam-*



# P R Æ F A T I O.

*etiamsi verum esset? Sed quid  
dein quinto ex locis communi-  
bus Calumniarum profertur?  
Multos quotidie libellos, sed  
à nemine legendos, emittit.  
Si Voetii scripta publica intelli-  
gat, an quis ea legere dignetur,  
(quandoquidem ipse neq. libros  
legit, neque bibliopolia obit) dis-  
cere posset vel ex uno suo Medi-  
co: ne contra hominem in pro-  
patulo mendacem bibliopolas nō  
tantum nostræ, sed suæ etiam, ac  
Remonstrantiæ professionis te-  
stes laudem. Sin vero in animo  
habuit Theses, aut Diatribas in  
Academia ad disputandum pro-  
poni solitas: quamvis oculi ipsi  
doleant, multarum Disputatio-  
num à Typographo exemplaria  
haberi amplius non possunt; ad-*

## P R A E F A T I O.

*eo a vide mox ab evulgatione nō tantum à nostratibus, verū extraneis etiam Ecclesiarum pastoribus, & Theologiae studiosis, quin etiam Professoribus, Philosophis, Iurisconsultis & Medicis, & quod miretur quis à viris politicis ac in dignitate constitutis expetuntur. Pudor & modestia non permittunt exhibere literas magnorum virorū, quibus ipsius Theses quotidie efflagitant. Sexto, hac os mendax eruēt ead. pag. Varios authores, sed sepius contra se, quam pro se facientes, citat. Sed an Cretensis Theristes unquam aut Theol. publica scripta, aut Theses legit? Si legit, an etiam authores legit qui ibi citantur, & cum Theol. libellis*

## P R A E F A T I O.

*lis contulit? Quod si vero ex in-*  
*stituto Sceptica ignavia, igno-*  
*rantia, & audacia sua bonos au-*  
*thores non legit, qua fronte ju-*  
*dicium sibi arrogare audet! Sed*  
*age, specimen edat authorum, nō*  
*semel atque iterum tantum, sed*  
*sæpius contra Theologū facien-*  
*tium. Nec tantum sæpius, si*  
*homini ex mendaciis consuto*  
*credimus, autores contra e-*  
*um faciunt, sed amplius (ut se-*  
*ptimo innuit ead. pag.) autho-*  
*res forte ex indicibus tātum*  
*notos citat. Quam stolidū hoc*  
*mendacium sit, norunt, qui*  
*semel tantum Theol. scripta in-*  
*spexerunt: nam pro re nata, &*  
*usu ita postulante, non raro in*  
*his ipsa sententia ac formalia au-*  
*thorum verba citantur proposi-*  
\*\* 4
*tisque*

## PRÆFATIO.

*tisque sententiis applicantur: nonnunquam etiam citata verba aut explicantur, aut examinantur: alias etiam dicta cum dictis conferuntur, quo sibi invicem lucem fœnerari queant. Tantam autem authorum, quos ad partes vocat, fiduciam Theolog. habet; ut non tantum eorum libros, & capita, sed sæpe etiam paginas, numeros, sectiones, ac paragraphos citet. Si Cartesio animus, in lucem prodeat, experiaturque an Theol. authores ex Indicibus tantum cognoscat, aut quem subornet ex mystagogis suis, alium si reperire non possit Medico suo eas partes deleget, jubeatque non de Theologis ipsi propriis, sed philosophis, historicis, literatoribus,*



# P R A E F A T I O.

*toribus, antiquariis, &c. collationem cū eo instituere. Quam vero, librorum belluo Theol., omnis generis authorum notitiā habeat, non tantum studiosi sed multi alii viri docti norunt, qui omnigenos scriptores ex ipsius bibliotheca quotidie commodato accipere solent. Non contentus eruētasse has calūnias Cartesius, ita dein octavo pag. 178. in Theolog. debacchatur: De quibuslibet scientiis tāquam si earum gnarus esset, audacissime, sed & imperitissime, loquendo, admodum doctus indoctis videtur. Quam male coheret hoc mendacium? Renato si fidem habere volumus: quādo Theol. Disputationes & lectiones in Academia habet, aut*

P R Æ F A T I O.

*theses edit, aut libellos cavea eruditorum cōsecratos, evulgat, indoctis loquitur. Enimvero fortis imaginatio hic Cartesium in vertiginem egit. Dic vero, mihi homo, quādo aut quo loco Theologus de quibuslibet scientiis tanquam earum gnarus locutus fuit? Putasne eum tui similem esse? minime. Intra terminos suos se continet, & si quæ sint ex alienis scientiis, quæ ad Scripturæ & Theologiæ suæ explicationem necessaria esse iudicet, ea quærere ac discere solet ex expertis & primæ notæ Medicis, Iurisconsultis, Chirurgis, Mathematicis, &c. Ut sicubi erret, saltem cum eruditis & in quaque arte sapientibus errans veniam ab omnibus æquis Censoribus*

# P R Æ F A T I O.

*Soribus mereatur: Memor enim  
perpetuo Aristotelici effati est:  
Artifici in sua arte credendum.  
Pergit bipedum mendacissimus,  
& nono pag. ead. sequentem  
calumniam eruñtat: Sæpe, ubi  
fuit disputandum, convitia  
pro rationibus attulit. Quan-  
dò hoc accidit, mi tenebrio: hu-  
jus rei non meminit Academia  
Trajectina: si possis, testes, eos-  
que testabiles, lauda, qui hoc Vl-  
trajecti unquam accidisse depo-  
nant; aut si nulli tibi occurrant,  
debitam calumniatoribus mer-  
cedem, aliquando tibi exsolven-  
dam, expecta. Decimo ut vi-  
deatur Cretensum dictator cū  
ratione loqui, ignorantia impu-  
dentiaque Theologi specimen  
adferre laborat, & pag. 182. I-*

\*

6

gna-

## P R Æ F A T I O.

gnaris persuadere laborat, Gorlaum ac Taurellum nunquam forte ei visos esse, quia sibi erant ignoti. Sed quam putidum hoc impuri calumniatoris argumentum? Ego authores in vulgus notissimos nunquam aut salutavi aut inspexi, Ergo & alii, nominatim Theol: per omnia ignoti esse debent. Enimvero neq; Theolog., neque ego, neque quis alius ex ordine eruditorum sexcenta talenta mereri vellet, ac tam hospes in libris esse, ac Cartesius, qui eos pro inutili philosophaturo suppellectile habet. An vero Voetius ignoret Gorlaeum ac Taurellum discat ex studiosis, qui authores eos, quotidie ab eo commodato accipere solent, aut si iis fidem deroget, in consilium adhi-



## P R Æ F A T I O

adhibeat suum Medicum. Unde decimo, Theol., si credere volumus sacer intestabilisque habendus est, quoniam Cartesii philosophiam in magie suspicionem vocare voluit. Sic enim pag. 199. loquitur: Tantum interrogo an recte intelligat istam philosophiam, quam condemnat, homo usque adeo stolidus (aut, si mavult, malignus) ut eam in Magiæ suspicionem voluerit adducere, quia figuras considerat. Quæ tua occulta (per Dei gratiam deinceps magis detegenda) philosophia esset, quod latitaret adhuc in materia phantasticæ potentia, non noverat Theol. cum principia Philosophiæ Medici tui detegeret, neque enim

sum

# P R A E F A T I O.

*tum lucem adhuc aspexerant  
 Meditationes tuae Metaphysi-  
 cae, ac prae ter eas nullus libellus  
 ad manum erat, in quem ut tuū,  
 tuto stylum stringere potuisset.  
 Tantum Medici tui imprudens  
 effatum publice propositum, &  
 ut audiui, quam infelicitè de-  
 fensum, inter alias objectiones,  
 hac quoque difficultate preme-  
 bat. Sed an hac ratione Philo-  
 sophiam tuam, ut Magicā pro-  
 scripsit? quam infelicitè soles  
 πορσεύεσθαι. Videris vero qua fron-  
 te, & consciētia, hominem do-  
 ctum, pium, & innocentem, sto-  
 lidum ac malignum vocave-  
 ris. Duodecimo, epitheta The-  
 ologi quae deinceps pag. 187. &  
 194. per satyram coacervat, ut  
 quod sit, ineptus, importunus  
 in*

## P R A E F A T I O.

in aliis provocandis , sæpius  
turpiter victus decesserit, &  
quæ alia ejusdem notæ sunt, o-  
mnia condonari debent calami-  
tati, quam Cartesiana philoso-  
phia in Academia Vltrajectina,  
etiam opitulantibus doctissimis  
Theologi Disputationibus, præ-  
ter spem & opinionem passa est.  
Ferunt alicubi in Gallia (fabula  
an historia sit, nescio) litiganti-  
bus, qui publice causa ceciderunt,  
concedi, ut bilem suam impune  
effundant. Theologus orthodoxæ  
philosophiæ ac Theologiæ asser-  
tor neminem importune unquã  
provocavit, ne quidem Cartesi-  
anæ philosophiæ fautores : nisi  
forte propterea importunus pro-  
vocator haberi debeat, quod D.  
Renato quam importune & a-  
lienissi-

## P R Æ F A T I O.

*lieniſſimo tempore acciderit, ut  
 philoſophia ejus à Theologo in  
 lucem protracta & protrita, nec  
 non publice proſtituta, Aca-  
 demia Ultrajectina, in qua ſe  
 dominaturam crediderat, ex-  
 terminaretur non tantum Se-  
 natus authoritate, ſed amplius  
 ſtudioſorum, veritati ceden-  
 tium, judiciis. Importune pro-  
 vocando ſi alicubi ſit peccatum,  
 ne à parte Cartesii eſt peccatum,  
 qui Theologum volentem no-  
 lentem importunis convitiis,  
 calumniis, & mendaciis in pro-  
 ſcenium protrahere laborat. Et  
 tantum de iis, quæ cauſſam ip-  
 ſam non tangunt: ſuccedunt  
 dein calumnie & mendacia,  
 quæ cauſſam ipſam, ob quam  
 bonus ſcilicet vir Cartesius vi-  
 ruten-*



## P R Æ F A T I O.

*ruentam Epistolam divulgavit, propius concernunt. Cum ea enim velut infelici saburra caudam libri sui onerare voluerit, ut imperitis persuaderet philosophiam suam paucis annis in Academia Vltrajectina per Medicum tradi solitam, per iniquitatem proscriptam & eliminatam fuisse; incautis & rerum gestarum ignaris persuadere laborat per unum Theologum tum temporis Rectorem Magnificum importune hoc procuratum fuisse. Hoc verò dum agit, quot pene verba, totidem hominis flagitia deprehendere licet: tam cruda enim & crassa per quamque prope lineam mendacia eructat, ut pari jure & halitu scribere potuisset,*  
*Theo-*

## P R Æ F A T I O.

*Theologū superioris anni Reċto-  
rem Magnificum voluisse pa-  
triam prodere, parricidiū Prin-  
cipi intentare, urbem hanc Vul-  
cano consecrare, latronum &  
seditiosorum manum ducere,  
Turcismum, aut hæreses Socini-  
anas, aut Iudaismum introdu-  
cere, & quid non? Ut ad rem  
vero accedamus, homo noster  
subdole admodum, & plane se-  
cundum Methodum pseudo-  
politicorum & pseudo-prag-  
maticorum omnem bilem in unum  
Theologū, sive Magnificū Re-  
ċtorem, exonerare laborat, fin-  
gendo ab eo uno factum fuisse,  
quod à toto Professorum Colle-  
gio conditum est decretum; quo  
aut Theologum cum collegis suis  
committat, aut maiorem gra-  
tiam*

# P R A E F A T I O

i Recto- tiam à Patribus Societatis Iesu  
 iſſe pa- ineat, quibus Theologus, quod  
 ã Prin- ſtylũ aliquando in quædam Ec-  
 nc Vul- cleſiæ Romane dogmata strin-  
 num & xit, præ aliis in viſus eſt. Sed ſi  
 ducere, placuiſſet Cartefio Medicum  
 Socini ſuum conſulere, aut potius ſi  
 etro du- Medico placuiſſet veritati lita-  
 aâ rem re & conſcientiæ rationem ha-  
 noſter bere, nequaquam diſſimulare  
 ane ſe- aut potuiſſet aut debuiſſet fal-  
 ſeudo- ſum eſſe. Theologũ aut ſeſtina-  
 agma- bundum aut importunum in  
 unum proſcribendis nova philoſophiæ  
 cũ Re- commentis fuiſſe, ſed potius va-  
 t, fin- rios ex aliis Profeſſoribus, Medi-  
 fuiſſe, ci item collegas, ſomnia & com-  
 Colle- menta in ipſa herba voluiſſe  
 ; quo opprimi, ſæpeque conqueſtos  
 ſuis fuiſſe apud ſuum Rectorem Ma-  
 gra- gnificum, nimis diu ea tolerari,  
 tiam  
 qua



## P R Æ F A T I O.

*que aliquando pacem Academicam turbatura essent, fibulam esse imponendam novaturientibus, omnem heterodoxiae occasionem procul averruncandam; Rectorem vero, hoc est ipsum Theologum, saepius tela intentata à Medici jugulo avertisse, quod lenitate, ac longanimitate eum ad officium opportune revocari posse speraret. Etenim si aut Medicus, aut ipse Cartesius hac quæ certiora sunt iis quæ apud Sagram, cogitasset, aliud etenim premium indulgentiæ ac moderationi Rectoris decrevisset; nec contra solem primo sic mentitus fuisset pag. 180. Ac vero hæc satis magna occasio visa est Rectori Theologo ad Medicum circum*



# P R Æ F A T I O.

cumveniendum, hæreseos-  
que condemnandum, & ita,  
vel invito Magistratu, si res,  
ut sperabat, successisset, de  
Professione deturbandum.

*Ipse Medicus loquatur, qui non  
tantum Theologū expertus est,  
qualem reliqui Collegæ, sed pri-  
vatim etiam amicum & fauto-  
rem, ut ipse variis indiciis sæpe  
testatus fuit. Quando vero aut  
per quos Theologus unquā Me-  
dicum tuum de Professione de-  
turbare studuit: loquere, ne om-  
nes tibi, ut Sycophantæ, aut & aut  
decernant. Sed quomodo tan-  
dem Theologus Medicum Car-  
tesianum exauctorare labora-  
vit? invito magistratu. Pa-  
pæ! tantane autoritate & po-  
tentia Ultrajecti pollet Theolo-  
gus!*

# P R A E F A T I O.

*theologus! Disce, tenebrio, ex Nobilissimo & Amplissimo Senatu Ultrajectino, disce ex Professoribus, velex uno Medico tuo, imo disce ex quovis idiota Ultrajeno; non per Professore unum, aut Rectorem Academiae, imo ne per omnes quidem Professores constitui aut destitui Professore Academicum, sed à pleno totius Senatus consensu, sive à xl. hujus urbis viris. Si dicas vero Rectorem hoc molitum, ut ab ipso Senatu, invito quidem, sed coacto per ecclesiasticum consistorium, aut capitulum, aut ejus potestatem removeretur; memineris in laudatissima hac Rep. nequaquam curiae Romanae praxin observari. Sin vero confugas ad familiare tuum Cogito,*

P R A E F A T I O.

gito, aut ad lepidum hoc som-  
nium; Cujus idea est in me,  
illud ipsum est; Ergo hoc à  
theologo factū fuisset, quia talem  
apud me circumfero ideam, for-  
teque medicum deposuisset aut  
per seditionem popularem, aut  
armatam manum, aut magicas  
artes, immisosque demones;  
(aliud enim fingi nō potest) jam  
ablegabo te ad Medicum tuum,  
ut helleboro Chimericas has &  
adustæ bilis imaginationes a-  
verruncet, aut si Medicus neget  
αἰετοειδῆ φαντασμάτα, si non δαίμονας, te  
laborare, ad sacerdotem sacrosā-  
ctæ Iustitiæ, qui virgis talia dæ-  
monia abigere potest, & solet.  
Sed (Secundo) progreditur Re-  
natus, ut probet per unum theo-  
logum philosophiam suam pro-  
scrip-

# P R Æ F A T I O.

*scriptam fuisse, & pag. 195. ita loquitur: Ipse antea, non laceratus, libellos duos, thesium nomine in Collegam suum ediderat; eosque etiam SS. Facultatis Theologiæ auctoritate munire conatus erat, ut innocentem circumveniret, & per calumniam everteret. Vbi pudor! hoc cine molitus unquam Theologus? ipse Medicus audiatur, ut totus orbis Cartesium Cratensium sceptro dignissimum esse agnoscat. Ita ergo ille in Præfatione ad D. Theologi theses profatur: Magnifice rector, visis doctissimis & subtilissimis tuis thesibus, quas nuper de formis substantialibus, aliisque rebus Physicis ad ventilandum pro-*



## PRÆFATIO.

propositas, præter alios, etiã  
Medicinæ & Philosophiæ in.  
Academia nostra Professori-  
bus, inter quos & ego ali-  
quam partem facio, tibi de-  
dicare placuit; maximo cer-  
te gaudio sum perfusus, tum  
quod virtutis & stylum, &  
ingenium, & nos in tali ma-  
teria exercere voluerit, cum  
nullus dubitem, quin ratio-  
nibus, ad sententiam tuam  
defendendis quam validissi-  
mis sis usus, adeo ut post tu-  
as si quis validiores expecta-  
ret, merito ipsum frustra fo-  
re sit existimandum; tum eti-  
am, quod, cum maxima earũ  
pars è diametro pugnet cum  
dogmatis, quæ ego antehac  
docere consuevi, tua præfa-

\*\*\*

tio-

## P R Æ F A T I O.

*lieniſſimo tempore acciderit, ut  
 philoſophia ejus à Theologo in  
 lucem protracta & protrita, nec  
 non publice proſtituta, Aca-  
 demia Ultrajectina, in qua ſe  
 dominaturam crediderat, ex-  
 terminaretur non tantum Se-  
 natus authoritate, ſed amplius  
 ſtudioſorum, veritati ceden-  
 tium, judiciis. Importune pro-  
 vocando ſi alicubi ſit peccatum,  
 na à parte Cartesii eſt peccatum,  
 qui Theologum volentem no-  
 lentem importunis convitiis,  
 calumniis, & mendaciis in pro-  
 ſcenium protrahere laborat. Et  
 tantum de iis, quæ cauſſam ip-  
 ſam non tangunt: ſuccedant  
 dein calumnie & mendacia,  
 quæ cauſſam ipſam, ob quam  
 bonus ſcilicet vir Cartesius vi-  
 ruter-*

## P R Æ F A T I O.

*ruentam Epistolam vulgavit, propius concernunt. Cum ea enim velut infelici saburra caudam libri sui onerare voluerit, ut imperitis persuaderet philosophiam suam paucis annis in Academia Vltrajectina per Medicum tradi solitam, per iniquitatem proscriptam & eliminatam fuisse; incautis & rerum gestarum ignaris persuadere laborat per unum Theologum tum temporis Rectorem Magnificum importune hoc procuratum fuisse. Hoc verò dum agit, quot pene verba, totidem hominis flagitiaprehendere licet: tam cruda enim & crassa per quamque prope lineam mendacia eructat, ut pari jure & halituscribere potuisset,*  
*Theo-*

## P R A E F A T I O.

*Theologũ superioris anni Reċto-  
rem Magnificum voluisse pa-  
triam prodere, parricidiũ Prin-  
cipi intentare, urbem hanc Vul-  
cano consecrare, latronum &  
seditiosorum manum ducere,  
Turcismum, aut hereses Socini-  
anas, aut Iudaismum introdu-  
cere, & quid non? Ut ad rem  
vero accedamus, homo noster  
subdole admodum, & plane se-  
cundum Methodum pseudo-  
politicorum & pseudo-pragma-  
ticorum omnem bilem in unum  
Theologũ, sive Magnificũ Re-  
ċtorem, exonerare laborat, fin-  
gendo ab eo uno factum fuisse,  
quod à toto Professorum Colle-  
gio conditum est decretum; quo  
aut Theologum cum collegis suis  
committat, aut maiorem gra-  
tiam*



## P R A E F A T I O

tiam à Patribus Societatis Iesu  
ineat, quibus Theologus, quod  
stylū aliquando in quadam Ec-  
clesiæ Romanæ dogmata strin-  
xit, præ aliis invisus est. Sed si  
placuiſſet Cartesio Medicum  
suum consulere, aut potius si  
Medico placuiſſet veritati lita-  
re & conscientia rationem ha-  
bere, nequaquam dissimulare  
aut potuiſſet aut debuisset fal-  
sum esse. Theologū aut festina-  
bundum aut importunum in  
proscribendis novæ philosophiæ  
commentis fuisse, sed potius va-  
rios ex aliis Professoribus, Medi-  
ci item collegas, somnia & com-  
menta in ipsa herba voluisse  
opprimi, sæpeque conquestos  
fuisse apud suum Rectorem Ma-  
gnificum, nimis diu ea tolerari,  
qua

## P R Æ F A T I O.

*quæ aliquando pacem Academicam turbatura essent, fibulam esse imponendam novaturientibus, omnem heterodoxie occasionem procul averruncandam; Rectorem vero, hoc est ipsum Theologum, sæpius tela intentata à Medici jugulo avertisse, quod lenitate, ac longanimitate eum ad officium opportune revocari posse speraret. Etenim si aut Medicus, aut ipse Cartesius hæc quæ certiora sunt iis quæ apud Sagram, cogitasset, aliud etenim præmium indulgentiæ ac moderationi Rectoris decrevisset; nec contra solem primo sic mentitus fuisset pag. 180. Ac vero hæc satis magna occasio visa est Rectori Theologo ad Medicum circum*

P R Æ F A T I O.

cumveniendum, hæreseos-  
que condemnandum, & ita,  
vel invito Magistratu, si res,  
ut sperabat, successisset, de  
Professione deturbandum.

*Ipse Medicus loquatur, qui non  
tantum Theologum expertus est,  
qualem reliqui Collegæ, sed pri-  
vatim etiam amicum & fauto-  
rem, ut ipse variis indicis sæpe  
testatus fuit. Quando vero, aut  
per quos Theologus unquam Me-  
dicum tuum de Professione de-  
turbare studuit: loquere, ne om-  
nes tibi, ut Sycophantæ, aut x aut  
x decernant. Sed quomodo tan-  
dem Theologus Medicum Car-  
tesianum exauctorare labora-  
vit? invito magistratu. Pa-  
pe! tantane autoritate & po-  
tentia Ultrajecti pollet Theolo-  
gus!*

PRÆFATIO.

*theologus! Disce. tenebrio. ex Nobilissimo & Amplissimo Senatu Ultrajectino, disce ex Professoribus, vel ex uno Medico tuo, imo disce ex quovis idiota Ultrajeno; non per Professorem unum, aut Rectorem Academia, imo ne per omnes quidem Professores constitui aut destitui Professore Academicum, sed à pleno totius Senatus consensu, sive à xl. hujus urbis viris. Si dicas vero Rectorem hoc molitum, ut ab ipso Senatu, invito quidem, sed coacto per ecclesiasticum consistorium, aut capitulum, aut ejus potestatem removeretur; memineris in laudatissima hac Rep. nequaquam curiæ Romanæ praxin observari. Sin vero confugas ad familiare tuum Cogito,*



P R A E F A T I O.

gito, aut ad lepidum hoc som-  
nium; Cujus idea est in me,  
illud ipsum est; Ergo hoc à  
theologo factū fuisset, quia talem  
apud me circumfero ideam, for-  
teque medicum deposuisset aut  
per seditionem popularem, aut  
armatam manum, aut magicas  
artes, immisosque demones;  
(aliud enim fingi nō potest) jam  
ablegabo te ad Medicum tuum,  
ut helleboro Chimericas has &  
adustæ bilis imaginationes a-  
verruncet, aut si Medicus neget  
a' p' eosia. phantasias, si non diavolias, te  
laborare, ad sacerdotem sacrosā-  
ctæ Iustitiæ, qui virgis talia de-  
monia abigere potest, & solet.  
Sed (Secundo) progreditur Re-  
natus, ut probet per unum theo-  
logum philosophiam suam pro-  
scrip-

## P R Æ F A T I O.

*Scriptam fuisse, & pag. 195. ita loquitur: Ipse antea, non laceratus, libellos duos, thesium nomine in Collegam suum ediderat; eosque etiam SS. Facultatis Theologiæ auctoritate munire conatus erat, ut innocentem circumveniret, & per calumniam everteret. Vbi pudor! hoc cive molitus unquam Theologus? ipse Medicus audiatur, ut totus orbis Cartesium Cratensium sceptro dignissimum esse agnoscat. Ita ergo ille in Præfatione ad D. Theologi theses profatur: Magnifice rector, visis doctissimis & subtilissimis tuis thesibus, quas nuper de formis substantialibus, aliisque rebus Physicis ad ventilandum pro-*

## PRÆFATIO.

propositas, præter alios, etiã  
Medicinæ & Philosophiæ in  
Academia nostra Professori-  
bus, inter quos & ego ali-  
quam partem facio, tibi de-  
dicare placuit; maximo cer-  
te gaudio sum perfusus, tum  
quod virtutis & stylum, &  
ingenium, & nos in tali ma-  
teria exercere voluerit, cum  
nullus dubitem, quin ratio-  
nibus, ad sententiam tuam  
defendendis quam validissi-  
mis sis usus, adeo ut post tu-  
as si quis validiores expecta-  
ret, merito ipsum frustra fo-  
re sit existimandum; tum eti-  
am, quod, cum maxima earũ  
pars è diametro pugnet cum  
dogmatis, quæ ego antehac  
docere consuevi, tua præfa-

\*\*\*

tio-

P R Æ F A T I O

tione potissimum me spectare, & ad respondendum invitare, atque ita ad honestam quandam veritatis curiosius inquirendæ æmulationem incitare voluisse videaris. Et certe est, quod de hoc assultu summoperè glorier; nam etiamsi in ipso certamine essem inferior, etiam vinci per tantum adversarium mihi gloriosum foret. Ingentes itaq; propterea tibi ago gratias, addoque hoc cumulo maximorum beneficiorum, quo me antehac tibi obstrinxisti, dum in Professione mea Medica & provincia problematica obtinenda paratissimam operam mihi semper exhibuisti, atque in multis aliis



# PRÆFATIO.

Iis patronus, fautor & ami-  
 cus summus mihi perpetuo  
 fuisti. Vtri credam Cartesio  
 homini mentiri solito, qui pro-  
 nuntiat Theologum laborasse  
 Medicum innocentem cir-  
 cumvenire & per calumniã  
 evertere, an ipsi Medico, qui  
 Theologum post editas Theses  
 patronum, fautorem & ami-  
 cum summũ prædicat & agnos-  
 cit. Etenim Medico populari  
 meo ac quondam etiam collega  
 malo credere, quam Renato;  
 neque enim ad calumniandum  
 & mentiendum æque factus es-  
 se videtur. Tertio contra veri-  
 tatis formulam sic Theologum  
 Cartesius prostituere studet pag.  
 177. Qui evissent fortasse de-  
 inceptis reliqui (Medici) Col-  
 \*\*\* 2 legæ,

VII.

Ventriculi cerebri nō sunt  
Spiritu animali distenti.

IX.

Naturalis 'circulatio san-  
guinis non datur,

X.

Qui propter eam artis Me-  
dicæ fundamenta eversum  
eunt, graviter errant.

XI.

Qui Medicos eam non ad-  
mittentes pro Empiricis ha-  
bent, si praxim viderint, ini-  
qui sunt; si non viderint, de  
praxi

## PRÆFATIO.

praxi, tanquam qualitate ipsis occulta, ut cœci de coloribus, judicant.

## XVIII.

Solanum Hortense non est amara dulcis: Nisi plantarum nomina ignorātibus, liceat aliena nomina ignotis plantis indere.

*Si Gallis tuis, infelix veri sacerdos, quid memoria dignum narrare voluisses, Corollaria hæc, chartulis cito evanescentibus subtracta, libro tuo, velut quod eruditionis ac philosophiæ novæ trophæum inseruisses. Quid dein vero dicis? Quarto pag. 187. Cum in omnibus conventiculis, quæ cōgregabat,*  
\*\*\* 4 *sede-*

# P R Æ F A T I O

federet ut iudex, essetque idem acerbissimus accusator, &c. *Et pag. 166.* Quid autem iniquius esse potest, quam quod Rector collegam suum injuriarum reum faciat, ob id unum, quod tam manifestas & veras rationes attulerit? &c. *Quid actum fuerit in secretiori Vestæ sacrario, ego, qui illi non interfui, dicere haut possum: audio tamen ipsam Academiam propediem rerum gestarum Historiolam evulgaturam, visurumque Cartesium in ea omnium & singulorum Professorum nomina (etiam ejus qui dicitur pag. 188. jussisse nomen suum tanquam non approbantis annotari) subscripta libello supplici, qui oblatus est*  
*Nobi-*



# P R Æ F A T I O.

*Nobilissimo Amplissimoque Senatui Ultrajectino, quem mox excepit Cartesianæ philosophiæ per publicam auctoritatem in Medico deturbatio. Quinto, Pag. 198. Rectori, hoc est, Theologo soli invidiam conflare pudent, quod convitiis Medicum proscindere voluerit, sic enim loquitur: Denique ea quæ hic notantur de Choræbo, item de Atheis, aut bestiis, &c. nō sponte à Medico fuisse scripta, sed prius injuriose ac falso à Theologo in ipsum jacta, quæ ut posset refellere, coactus fuit veris & evidentibus rationibus ostendere illa nomina non sibi, sed potius adversario suo convenire. Quid actum fuerit, ut audio,*

PRÆFATIO.

diō, propediem historia, cujus modo mentio facta est, docebit: interim, quæ retaliandi animo Medicus dixisse & scripsisse perhibetur, non feriunt tantum Ultrajectinum Rectorem, sed omnes per totum terrarum orbem antiquæ philosophiæ professores, propterea enim Choro-bo alicui similes sunt, ut ipse Medicus innuit in Respons. ad II. Theologi Thesin; quoniam ad unum principium activū, formam nempe substantialem, eamque incognitam, omnia revocant, & consequenter omnium rerum naturalium ignorantiam satis manifeste profiteri solent. Sexto, pag. 179. eidem Rectori invidiam conflare studet, quod Medi-

P R Æ F A T I O.

*Medicus inter disputandum factus fuerit explosionis victima. Quid de explosionibus, censendum sit, ego qui Academiæ Ultrajectinæ membrum esse desii, liquido non scio : qua occasione vero cur, & quomodo evenerint norunt Auditores omnes, Professoresque qui disputationibus Medici interfuerunt, propediemque historia veritatis testis, ex rerum gestarum luce docebit. Septimo, pulchre se causæ patrocinari existimat, quando Theologum pag. 188. turbulentum Rectorem, & pag. 211. seditiosum rectorem non semel autem, Disputationem seditiosam vocat. Novit scilicet homo lucifuga, in aliena republ. & Academia curiosus, aut potius*

\*\*\* 6                    tius

P R Æ F A T I O.

tius *Academiarum turbator*,  
 forteque ejusdem commatis cum  
*Vaninio Collegii Atheorum e-*  
*missario & legato*, quid sit se-  
 ditio. Sed de hoc mendacio cum  
 bono Deo aliquando alibi, aliis-  
 que chartis agendum erit. Inte-  
 rim nota, humanissime Lector,  
 seditionem vocari, quod Profes-  
 sor publicus, & Academia Re-  
 ctor, ex decreto Facultatis suæ,  
 consentiētib; reliquis Cll. DD.  
 Professoribus, horis ac loco con-  
 venientibus, disputationem in-  
 stituit, & quidem ex occasione,  
 quam propediem historia nar-  
 rabit. Postremo etiam Medi-  
 co suo citra Senatus authorita-  
 tem populiq; imperium, trium-  
 phum decernit pag. 203. & seq.  
 quod Rectoris filius irritò cona-



# PRÆFATIO.

tu patris argumenta repetierit, aliusque ab eodem Rectore subornatus, nomine Lambertus vanden Waterlaet prodromum Iustæ Responsionis ediderit: quasi vero filius, Metaphysices in eadem Academia Professor, non potius ex ordine Metaphysicarum Disputationum & velut ἐκ τῆς μετὰ, quam ex Professo, Cartesiana περὶ τὸ οὐκ ἔστιν perstrinxerit; Dominusque Lambertus in Academia Leidensi vivens (ut mihi probè aliquando affirmavit) in scio Theologo (neque enim de Prodromi editione, quæ sub prælo esset, quicquam audiverat) commentationes suas evulgarit, quarum solutio nec data nec danda. Infelix historicus, non cum Theologo (neque enim

## P R Æ F A T I O.

*enim aliena præstare tenetur) sed cum ipso Dn. Waterlaet hic agat; qui ut mihi hæc commentanti sæpius testatus, sese offert aut Coram, aut scripto cum D. Cartesio, aut etiam ipsius Medico, collatione instituta, ad Corollariorum suorum absque præsidio aut auxilio Theologi, legitimam justamque defensionem. Et hæc quidem hætenus. Volui autem scenam hanc in prologo paulo uberius detegere, quo Cartesii, qui vir modestissimus & à calumniando alienissimus videri vult, ingenium ab omnibus cognosci queat. Quamquam verò per Dei gratiam, nova ejus philosophia nullas hætenus adhuc turbas in Academia, in qua Philosophiam doceo*

## PRÆFATIO.

eo excitavit ; antiquæ tamen  
philosophiæ studiosos , institu-  
tionis nostræ alumnos in tem-  
pore contra nova monstra , quæ  
nonnullis etiam & inter eos al-  
bæ gallinæ filiis (rerum nova-  
rum fortè nimis avidis) in deli-  
tiis esse perhibentur , munire  
volui. Quatuor autem com-  
mentarioli partes constitui. Pri-  
ma Cartesii discipulum delineo:  
Secunda philosophiæ , quam  
jactat, principia ac Methodum:  
Tertia obiter Metaphysicam ,  
& quædam Physica dogmata  
speciminis ergo examino: Quar-  
ta breviter ostendo novam hæc  
philosophandi methodum , re-  
cta non tantum ad Scepticif-  
mum , verum Enthusiasmum  
quoque, Atheismum ac phrene-  
siam

*sin ducere. Homini me nihil  
 voluisse affingere, testis est con-  
 scientia, videbuntque omnes,  
 quibus placebit horis succisivis  
 ad ipsa Cartesii Cartesianorum-  
 que scripta divertit, eaque æqua  
 iudicii lance examinare. Si no-  
 lit forte Cartesius omnia ut sua,  
 amplecti quæ à Medico ipsius  
 scripta & dictata sunt, rumine-  
 tur sua verba, quæ occurrunt in  
 Epist. ad Dinetum pag. 174. &  
 seq. Doctor quidam Medici-  
 næ, vir acerrimi ac perspi-  
 cacissimi ingenii, atque ex  
 eorum numero qui quamvis  
 Scholarum Philosophiam  
 recte didicerint, quia tamen  
 ei non credunt & sunt inge-  
 nui, non ideo multum super-  
 biunt, nec se admodum do-  
 ctos*



P R Æ F A T I O .

ctos esse fingunt, ut aliis quibusdam in more est, qui ipsa sunt inebriati: Legit dioptricam meam, & Meteora, cum primum edita sunt in lucem ac statim aliqua verioris Philosophiæ principia contineri judicavit: Quæ colligendo diligentius, & alia ex iis deducendo, ea fuit sagacitate, ut intra paucos menses integram inde Physiologiam cōcinnârit, quæ, cum privatim à nonnullis visa esset, eis sic placuit, ut Professionem Medicinæ, ibi tunc forte vacantem, pro illo, qui antea ipsam non ambiebat, à magistratu petierint & impetrarint. *Quibus verbis erectior Medici Theses, Dictataque Physi-*

## PRÆFATIO.

*Physica, ut novæ philosophiæ  
compendium, in tractatulo hoc  
laudare sustinui : si amplius  
Medici quod erratum notem,  
non tam ipsi Cartesio, quam  
philosophiæ novæ, quam profite-  
tur imputari cupio. Quod re-  
liquum Deum Opt. Max. rogo  
ut clementer Academias, Scho-  
lasque respiciat, ab iisque om-  
nia nova dogmata, quæ  
periculosa aleæ plenif-  
sima esse solent,  
avertat.*

IN

IN METHODUM  
PHILOSOPHIAE R.D.C.

PER

*Clarissimum, Celeberrimum, ac  
Subtilissimum*

VIRVM,

D. MARTINVM

SCHOOCKIUM,

In alma Groningo-Omlandica Acade-  
mia Philosophiæ Ordinarium Pro-  
fessorem &c. Luci datam.

**S**catere nuper nocte plurimâ Sophos  
Ænigmatisque; qua nec Oedipi labor,  
Apollo non dissolvat, aut Grajus Senex.  
Hæc nempe quisque pro libidinis suæ  
Exponere genio, & Lycei Pulpita  
Contaminare sordida mentis probo.

Exinde tenebris omnia, & mero chaos  
In horruere, somniorum inanias,  
Ineptiasque, sive anniles fabulas,  
Dum quisque profert pro Stagiricâ dape.

*Sed*

*Sed nunc tenebris omnibus promens  
facem,*

*Cispellit umbras hinc MARTINVS, &  
probâ*

*Signat monetâ, quidquid in scholas Sopham  
Evomuit atrâ conditum caligine*

*RENATVS. omne SCHOOCKIO re-  
nascitur*

*RENATI abortivum, anima meliori da-  
tum.*

*Quid? gratia hoc an robur? O mentem bo-  
nam!*

*Quæ lumen orco pandit & nocti diem;*

*Quæis animus ire tutiori semita*

*Procul beati; quod necis; vita datum.*

**Nam juxta PLAVT:**

**Viam qui nescit, qua veniat  
ad mare, eum oportet a-  
mnem quærere comitem  
sibi.**

**VW.**

**INTRO.**













# Paralipomena ad præfationem.

## DE MAGIA.

**P**Ag. 199. *Istam philosophiam meam in Magiæ suspicionem voluit adducere, quia figuras considerat. Quam vere hoc dicatur patebit ad oculum conferenti verba Theologi, quæ falso glossemate suo huc detorquere voluit. Sic habentur thesi 2. appendicis ad corollaria: Cum quantitati & figuræ tribuitur efficientia & motus, qui formis earumque qualitatibus activis tribui solet: videndum ne aliquando adolescentes imprudenter per consequentiam admittant axioma illud magicum ab omni Theologia & philosophia Christiana hætenus rejectum: Quantitatis & figuræ aliqua est efficacia, eaque aut per se aut cum aliis concurrat tanquam activum transmutationis principium.*

## De Atheo aut Bestia.

**P**Ag. 198. *Quis ferat hominem tam importunum, ut sibi velit licere alios per calumniam Atheos & Bestias vocare. Te-*

\*\*\*\*\*

la

la quæ contra Atheos in altũ jacta sunt ista, quibus si Cartesius aut quisquam alias sponte se induere velit, Theologus præstare non potest. Sic enim in appendice ad corollar.thesi 2.

Thes. 2. *Velim videre quomodo ii, qui negant facultates seu potentias naturales, Contra Atheos scepticos infideles vindicaturi sint habitus (quorum necessitatem scriptura & ratio suadet) ne pariter in pentagonum illud ergasterium motus, quietis, quantitatis, positurae, figurae, compingantur.* His adde ex historiã triduanæ disputationis: ubi cum primus opponens primo disp. die, Ad Coroll. primum de formis substantialibus, Inter alia inferret, sequi ergo negantes & impugnantes eo modo & argumento formas, esse Hæreticos & Atheos: Negata fuit consequentia, additaque ratio negationis, quia nō vident tantum absurdorum syrma, nec eo fine sic argumentātur. Vrgēti autem denuo & instanti OppONENTI Responsum est: Quod si absurdis illis quæ notat corollarium, detectis, pergat quis Thesin illam (*Cujus originis modus ignoratur aut non satis explicari potest, illud ipsum non est*) pertinaciter cum hypothesi-



thesibus & Confectariis defendere, cum  
posse ad eam absurditatem adigi ut sit  
aut Bestia aut Atheus.

Hocce est per calumniam alios vo-  
care Atheos & bestias ? O Therfiticum  
caput!

### *De Elias veniet.*

**P**Ag. 184. & 183. Præterquam quod in  
*Thesibus* suis nomen meum expresserat,  
ut & *Medicus* sæpe in suis, etiam inter dis-  
putandum me nominabat, quærebatque ab  
Opponente mihi nunquam viso, num ipsi  
argumenta suggessissem, & indignissima  
comparatione utens, aiebat, eos quibus vul-  
garis philosophandi ratio displicet, aliam à  
me expectare, ut *Iudei* expectant *Eliam*  
qui eos deducat in omnem veritatem. Stu-  
dio videtur hoc agere *Cartesius* noster  
ne unquam verum dicat. Sic res se ha-  
bet.

Triduanę disp. die tertia, opponente  
N. & inferente, absque formis & quali-  
tatibus prætensis omnia naturalia ex-  
plicari posse: Cum ejus specimen edi-  
peteret Defendens & cum eo præses vel  
in uno magnete: excepit arcanum quid  
in esse, atque dum ita concederentur  
\*\*\*\* 2      qua-

qualitates occultæ , quas tamen semper negare videntur : propositus fuit æstus Maris , & in ejus explicatione per nova principia specimē philosophiæ novæ postulatum. Prætensa necessitate tabulæ & cretæ , cum tamen situm maris sibi satis constare regereret Defendens, adeoque vanam esse illam pretensionem : provocavit opponens ad demonstrationem præceptoris sui jam datam , & si opus dandam. Reposuit Respondens , ita fieri solitum apud eos quibus deficient rationes , scil. ablegare tum eos ad adversarios promittentes quod nec præstant nec præstabunt in æternum. Imo nec Ipse Cartesius , quidquid etiam spei quisquam faciat. Cumque ita Opponens ad exitū rei provocaret ad philosophiæ Cartesianæ editionem eāq; promitteret : Respondit præses , similes esse tales philosophos Iudeis seu Rabbiniis , qui quotiescumque aqua ipsis hæret aut nodus insolubilis occurrit , dicere solent *Elias veniet*. Interim spem pretio apud nos non emi.

Quod autem subdit Cartesius præsidem quæsiuisse ex Opponente, num Cartesius argumenta ipsi suppeditasset, ignotum est auditorio Ultrajectino : itaque



que inter fabulas deputandum.

## De Choræbo.

**P** Ag. 198. *Quæ hic notantur de Choræbo, Item de Atheis & Bestiis &c. Non sponte à Medico fuisse scripta, sed prius injuriose à Theologo in ipsum jacta. Veritas manifesta evincitur ex thesi 2. sub finem cujus hæc verba: In genere quidem & indefinite dicit esse effectus naturales à quinquercione illo accidentium, quod Choræbus quisque unius atque alterius horule spatio doceri posset: sed nec in specie nec in individuo determinatè explicat aut probat, &c.*

Hæccine sunt dicenda injuriosè in Medicum jacta esse: siquidem ipse sponte ea sibi non applicet?

## De duobus Libellis.

**P** Ag. 195. *Ipse enim antea non laceßitus libellos duos (thesium nomine) in Collegam suum ediderat.*

Commentum hic geminum:

1. *Duos libellos scriptos esse, cum non nisi tria nuda Corollaria in genere & indefinite*

definitè disputationi seu diatribæ Theologicæ de Iubileo Romano subjecta sint: quibus postea occasione oppositionis (ut fert præfatio) adjecta appendix, seu, mavis Corollariorum explicatio.

2. *Quod in Collegam suum*: Hęc falsa: (videantur corollaria cū appendice) nisi dicendum pari jure omnia in genere disputata, in specie & individuo, seu nominatim in aliquem dicta esse. Imo ne sic quidem præcise in Collegam suum magis, quam in Cartesiū aut alium quempiam, qui neget unionem substantialem animæ cum corpore, aut motum cœli &c. Theologi cum in Academiis disputant contra Atheos, Epicureos, Iudeos, Enthusiastas, Socinianos, Libertinos, Scepticos, &c. ideo dicendi non sunt emittere libellos in collegas suos, quamvis forte inter collegas (ipsis insciis aut conscjis) esset quis aliquis istorum errorum fautor. Alioquin Theologis nunquam esset disputandum. Sed ex ipsâ disputationis triduanæ, & totius abortûs novæ philosophiæ historiâ plane contrarium constabit. Quidquid æstuet Cartesius, & quo magis Theologo abortum illum unicè aut præcipuè imputat, hoc magis vires atque eruditionem ejus extollit,

collit , & philosophiæ suæ infirmitatem  
ac miseriam prodit. Ipsa enim nunc Deo  
annuente ita oblivione sepulta est in  
Academiâ Ultrajectinâ , ut ne unus qui-  
dem ex studiosis hodie notus sit , qui  
eam sectetur aut alicujus faciat , aut ur-  
nam ejus vel unâ lacrymulâ perfundat.  
De busto Cartesianæ ferociæ , & nimie  
atq; inauditæ in aliena Academiâ, Repu-  
blicâ, & ecclesiâ curiositatis suo tēpore  
videbitur. Neque enim putamus arri-  
dere usquequaque prudentioribus , ut  
peregrinus quis tenebrio professione ex-  
ternâ Pontificius , & sensu Scepticismi  
si non Atheismi candidatus , perpetuò  
protestetur se Theologica atque ecclesi-  
astica non attingere , interim in unos  
Theologos, prætextu philosophico to-  
tam belli molem convertat , Medicis &  
Philosophis præteritis, res & sacra The-  
ologiæ & Politix nostræ Ecclesiasticæ  
perreptet atque ecclesiarum & Acade-  
miarum perturbationem moliatur : un-  
de aliquando nihil aliud quam Reipu-  
blicæ concussionem , & Optimatum ac  
Procerū quorundam collisionem exspe-  
ctandam nōrunt illi , quibus est genius  
incolarum Belgii notus.

Typo-

## Typographus Lectori.

**S**Phalmata Typographica si a-  
liunde irrepserint, Lector hu-  
manissimus iudicio excipiet hu-  
mano; non quod abesse persua-  
sum habeam, sed quia temporis  
injuria invidet exhibere.


Pag. 55. in præfat. lin. 7. pu-  
det, lege, studet.

Pag. 65. in præfat. lin. 16.  
probo, lege, probro.

IN-



# INTRODUCTIO.



**I**Nter præsentis se-  
culi virtutes, aut vitia,  
nescio, an censeri debeat  
epidemica subactorum a-  
lias ingeniorum prurigo;  
quæ simulac blanda titillatione animum  
perfundere incipit, antiquitatis (vене-  
randæ tamen) tantum fastidium mo-  
vet, quantum novitatis (in Ecclesia, Re-  
pub. & Scholis ut plurimum periculose)  
desiderium concitat. Ut amictus cor-  
pori serviens, non tam materia, aut ap-  
posito auro, quam formæ recenti artesi-  
cio, (quod instar Horatiani pictoris, ple-  
rumque in somnio febricitans quis Ve-  
neris nepotulus excogitavit) censetur;  
sic vulgo ea solum eruditio habetur,  
quæ secura monumentorum, (ad quæ  
ab ipso Apolline sapientiæ candidatus  
Zeno ablegatus fuit) omnibus antiquis  
Sophis medium digitum ostendere au-  
det, & oracula in proprio cerebro nata  
(quæ sæpe apud fusos, forfices & fur-  
nos audiri quoque solent) gravi vultu,  
loquaci dextra, præfracta pertinacia, in  
A                      impe-

imperitorum senatu profunderet. Vbi frons, ubi cor! novitius Doctor neque sibi, neque fautoribus, ut plurimum à fidere ejus pendentibus, satisfacere putatur, nisi plenis paradoxarum opinionum, ac in vulgus ignotarum saccis, onustus incedat; quos si alicui trutinare lubeat, mox apud se disputare occipiet, quanto aranearum telis, & nebula, mendaces hæ bullæ leviores sint. Professioni ab ipsa pueritia destinatus professoriam linguam reprehendere citra vocationis ignominiam non possum; & tamen ringor, quod quidam qui ordinis nostri ornamenta videri cupiunt, proprio judicio, velut sorices, prodantur esse vibices. Nolo in præsens ad partes vocare Theologiæ Doctores, qui ut præcollegis videantur sapere, subtilitates sæpe aut ab infaustis Pelagii & Socini insulis accersunt, aut immoderato concordiae Zelo ipsam orthodoxiam ac pietatem consumunt. Non lubet quoque Iuris Professores traducere; per me quidem aut Iustiniani excelsique Tribonianum ac Theophili proditores sint? aut usque ad risum eorum qui sacra & juridica leviter solum exploratâ habent, convitiis.

vitiis, (qualia in comœdiis sibi invicem lenones dicere solent, ac in foro piscario ebriosæ mulierculæ) juris civilis tabulas ex Mose castigandas esse contendunt; aut denique quamque, quam proponunt thesin, suppressis nominibus eorum qui pro ea stant, *contra communem Doctorum opinionem* arietare ad ravim usque improvidæ juventuti inculcent; quo ridiculi musculi videantur, qui juris elephantibus, si impunè eorum jugulum per catorum conniventiam arrodere liceat, pavorem incutere possint. Per me etiam medici transeant aliquando in Asclepidarum ordine Censura fungetur Cato, qui neque Fludi somnia Mosaicorum areanorum velo palliata, neque Thrasonismum Helmontii (qui bonum factum solus benedicto hoc scilicet secundo febrium propriam naturam elucidavit) in Ceritum tabulas referre negliget. Cum Philosophis hic mihi res aut potius cum Philosophiæ mangonibus; quorum scruta, ingenii que prurientis excrementa si quis ex castissimæ Deæ sacrario deportare vellet, plus laboris exantlare deberet, quam in expurgando Augiæ stabulo Hercules. Fertilis monstrorum

Aphrica est. Olim per familias distribu-  
 ti philosophantes in sua quique classe  
 haut difficulter censeri poterant; hodie  
 vero totidem sectæ sunt, quot prope phi-  
 losophiæ perficiendæ (mystico utor vo-  
 cabulo) se consecrarunt capita. Quod  
 maxime autem ridiculum, quasi omnia  
 vetustatis monumenta à Caligula quo  
 submota essent; ambitiosa ingenia, quæ  
 jam olim ab antiquis Philosophis, rudi  
 & impolita adhuc Philosophia, ad per-  
 ficiendam pulcherrimam artem excogi-  
 tata fuerunt, pro suis adoptare sustinent,  
 credulisque in legis Talaris fraudem,  
 velut extra libros concepta ac nata *μη-  
 λημένα* obtrudere. Ab inferis si resur-  
 geret Democritus, septuplici pulmone  
 indigeret, quo exhibilare posset tam mul-  
 tos atomorum suorum decerptores &  
 deformatores; qui quanquam omnia  
 quæ in volitantibus corpusculis jucun-  
 da & quadantenus plausibilia videntur,  
 illi accepta referre debent, tam diligen-  
 ter tamen nomen ejus dissimulât; quam  
 subdole paupertini ingenii jejunaque e-  
 ruditionis factum, specioso investigan-  
 dæ veritatis (quam neque definiere ne-  
 que dijudicare sciunt) titulo incrustât, ut  
 vero



vero digito monstrari, & in cavea imperitorum (hic enim scopus est) fortes duellatores, audaces disputatores, & terribiles contradictionis magistri haberi possint, Scholis & Academiis bellum indicunt, Aristotelemque innoxium de gradu præcipitare laborant, cum tamen ut plurimum ejus dogmata vix explorata habeant, ac more Andabatarum cum adversario congrediantur, quem neque vident, neque cognoscunt. Quamquam autem imperitiæ suæ spiculis, alium quem, aut ex antiquis, aut recentioribus philosophis petere possent, in misellum tamen magni Alexandri præceptorem ea dirigunt, quia ex eo prostrato uberiores inanis gloriæ messes sperant. Quis adeo enim iniquus, qui lauream ei invidet, qui liquidis rationibus ostenderit, Aristotelem, magnum illum Aristotelem, non tantum esse atheum, sed delirum ineptumque philosophum, malevolum disputatorem, intricatum doctorem, contradictionisque magistrum maximum, etenim quisquis hoc egerit, non tantum stultitiæ omnes Academiarum Ephoros, antistitesque (qui volunt Aristotelica monumen-

## PHILOSOPHIA

ta juventuti inculcari) redarguet, sed simul de ipso Platones Philosophorum Homero triumphabit: ejus quippe calculo Aristot. ὁ τῆς ἀληθείας φιλόσοφος hoc est, *veritatis philosophus* est. At quam infelicitè interim omnes Aristotelico mastiges cum ipsa mente (vñ quippe à Platone salutabatur Aristoteles) congregiantur, ex inanibus eorum conatibus liquet: ne quid enim dicam de antiquis Philosophi adversariis, quas quæso tenebras sapientiæ soli objicere potuerunt Ramus, uterque Patricius, Bern. Tilesius, sententiæ antiquorum Philosophorum interpolator ineptus Basso, per disputandi pruriginem Atheismo proximus Nicol. Taurellus, & ejus sectator quamvis haut æquis passibus, Gorlaeus? Quin & Lullistarum Paracelsistarumque & chimerica fratrum roseæ crucis caterva? unum Ramum si excipias, reliqui aut duos sectatores, aut neminem habent: illique aliqui adhærent, non quod Aristotelem (quanquam conatus fuit) prostraverit, aut ejus philosophiam luce sua obscuraverit; sed quoniam methodū indicasse videtur, cujus subsidio quis feliciter per Peripatetica latifundia progredi potest.

test: Quam imperfectū enim corpus Philosophiæ sit, imo ipsa dialectica, quam Ramus cognitam ex parte habuisse videtur, vel hinc manifestum, quod plerique qui eum æstimant aut Aristotelico-Ramei haberi velint, aut si ab uno Ramo nomen ferre pulchrum putent, ejus tamen egestati ex Peripateticæ Philosophiæ cornucopiâ succurrant. Tanta scilicet Aristotelis majestas, ut eum magnum Philosophum fuisse, illi ipsi fateri cogantur, qui in propatulo odisse videri volunt. Pygmæi instar pulicum pungere & excitare quidem Herculem possunt, simul ac tamen serio evigilare intendit, integra eorum agmina inter leonis exuvias collidit, ac enecat? Quos mordere non audent catelli, latratu petunt. Non catellorum tantum minorum, sed Molossorum quoque insultus expertus Aristoteles est, nullum tamen vulnus accepit; in excelsa enim gloriæ fastigio consistit, ad quod ipsius invidiæ dentes nunquam pertingent. Adeo ut videre satis non possim eorum vanos conatus, qui quicquid ingenii eruditionisque possidere videntur ad invicti hujus Philosophi scripta oppugnanda cogunt:

gunt: quasi, vero quis palliastro solem  
 obscurare, corporisque angustis termi-  
 nis excurrentis Oceani impetum suffla-  
 minare queat. Quod maxime vero ri-  
 diculum, aut verius deplorandum, tan-  
 ta Gigantum horum præsumptio, ut nu-  
 perrime quis ex ordine eorum, quem  
 certo possum probare, ne quidem ter-  
 minos Philosophiæ Peripateticæ intelli-  
 gere, in scurrili ac mendaci epistola ad  
 Dinetum pag. 169. hunc in modum scri-  
 bere ausus fuerit: *Quinimo profiteor ne  
 unius quidem questionis solutionem ope  
 principiorum Peripateticæ Philosophiæ pe-  
 culiarium, datam unquam fuisse, quam non  
 possim demonstrare esse illegitimam & fal-  
 sam: Fiat periculum, proponantur, non qui-  
 dam omnes, neque enim opera pretium pu-  
 to multum temporis ea in re impendere, sed  
 paucæ aliquæ selectiores, stabo promissis.*  
 Quis hunc tenebrionem cum porculo  
 Anticyras ablegandum non esse judicet?  
 & tamen, quod gaudeat opinione viti  
 ingeniosissimi, audet planam & perspi-  
 cuam scilicet suam philosophiam partim  
 otiosis quibusdam hominibus, nullius  
 studii, nullius eruditionis, partim viris  
 quibusdam Politicis obtrudere; quasi  
 vero



vero Theoreticæ philosophiæ effata, optime à Jurisconsultis, virisque Historiarum aut Grammaticorum, & Poëtarum sanis innutritis dijudicari possint: quodque quis miretur, homo alias dama timidior ac in solis lustris sui tenebris animosus, nuper steriles & abortivas nugas suas, velut veram & ineram Philosophiam, per Medicum quem in novam aliquam, sed tamen non incelebrem, Academiam, explorâ scilicet omni antiquâ Philosophia. introducere serio laboravit. Cum potius multorum calculo, eundem Medicum hortari debuisset de rite temperandis in tempore hellebori poculis; ne forte herba, quæ Camendi profuit, per novum Lexicon Botanicum investiganda, inveniri non possit, quando alicui ex discipulis post pertusam mediam venam, propinanda fuerit. Lepidi hujus hominis, & ad risum usque inepti philosophiam, in gratiam juventutis, (quæ ignara non esse debet initorum certaminum quibus Aristoteles suus peritur) imo aliorum, (quibus mendacissimus homo imponere & fumos vendere laborat) paucis detegere decretum est.

Antequam vero per certa capita ordine novæ & superbissimæ philosophiæ mysteria proponam, illius architectum (ne videar nomen ejus prodere non audere) indicare debeo. Nomen ergo illi ad tempus silentio preſsum, & ab eo ipso indicatum, est *Renato des Cartes*: patria illi est Gallia orbis Europei fidus. Si aliorum titulis fides adhibenda, nobilissimus, aut saltem nobilis est. Natalium hanc prærogativam, quæ pessimis ac fatuis etiam nascendi sorte contingere potest, non invideo: emolumenta ejus videbimus ubi filium legitimum genuerit, illi enim quorum hæcenus pater perhibetur subsequentibus annis infelices nobilitatis paternæ testes futuri sunt. Internas dotes, si iis tenebras non laboraret offundere prædicarem ipsi: ingeniosum enim quis eum esse neget? nec tamen Deus quis (nisi aliquis Iovem omnigenæ libidinis architectum cogitet) habendus est, quemadmodum cæci ejus sectatores imperitis persuadere student. Ingeniosi quoque seu subdoli, nec minus vesani ac furiosi fuerunt, Epicurus, Marcion, Aphon. Thyanobus, Manes, Lucianus, Mahomet, David Georgius

orgius, Machiavellus, Julius Cæsar Vani-  
 nius, Campanella, Godefridus de Valle,  
 Martinus Seidelius Silesius, Franciscus Da-  
 vidis, Faustus Socinus, Anselmus Par-  
 menfis, Doctor Faustus, Henr. Corne-  
 lius Agrippa, R. Lipman Mulhusinus,  
 Iohannes Torrentius, quamvis vulgaris  
 & illitteratus pictor, alique sine nume-  
 ro, omnes ἀνδρες ἑριδανοὶ & πονηρὸς κόμμα-  
 τος. Non unum ingenium quem ad  
 unguem perfectum reddit, sæpe enim  
 male habitat. Cæterum qua occasione  
 vir noster ingeniosus philosophari ince-  
 perit liquido affirmare nō possum. Con-  
 jecturæ probabili si locus dandus sit, di-  
 cerem sub Ignatii Loyolæ fidere natum  
 esse: ut hic enim supersticiosæ sectæ mo-  
 litus est fundamenta, postquam contu-  
 sis membris de murati aut navali in  
 bello corona indipiscenda desperaret;  
 ita noster post militiæ non longæ tyro-  
 cinia, desperans mareschalli aut legari  
 imperium, fultus qualiscunque mathese-  
 os præsidio, novam philosophiam, ut  
 novum ad gloriam iter, meditari cœpit.  
 Ex superstitione trophæum erigere du-  
 bio procul studuisset, nisi infirmitatis  
 suæ conscius, vir fibulæ aut cuculli im-  
 patiens

patiens, indomitam libidinem proditricem hypocrisicos aliquando metuisset. Quod admiscere philosophiæ successum & sectatores, author ejus videri vult quosdam decepisse, & ad deliriorum ἀπρίωλιν pertraxisse: cæterum si eos consideremus, aut devotos ignorantia fratres, aut improvidos adolescentes, aut minus idoneos philosophicorum effatorum judicesprehendemus. Quis enim tribus quatuorve viris alias summis, sed negotiis rei communis districatissimis, qui Cartesiana oracula ut quascumque alias Novellas, ad tœdium animo à gravioribus curis obortum diluendum audiunt & legunt, fidem adhibere velit præ tot viris doctis, qui omnem ætatem philosophicis sacris impenderunt, eaque quotidie adhuc non sine applausu tractant. Novimus quæ vis agiliū manuum adulantisque linguæ blanditiis insit. Hamo illo multi capiuntur, quibus lapides loqui videberis, si aut immotæ veritatis oracula, aut divina testimonia urgeas. Sed forte aliquis ex ordine Professorum, Cartesio adhærere videtur? Quid tum in quo orbis angulo una hîrundo unquam ver fecit.

Quos-



Quosdam nova præ veteribus delectant, quia vetera aut non didicerunt, aut perfecte non didicerunt, aut si quid didicerint, alios commode docere non possunt. Paracelsus deliriis suis parcius indulgisset, nisi ignatissimus Galenicæ medicinæ, maximus tamen medicus saluari voluisset, quid quod quidam pro dolor! ex ordine publice docentium ex eo gloriolam captant, quod quæ à se proponuntur, quam longissime distent, ab iis, quæ vulgo ab eorundem disciplinarum magistris doceri ac tractari solent. Quasi scilicet nullus Spartam Academicam ornare possit, nisi ut heteroclitum caput à collegis immo ab omnibus sapientibus in alia omnia discedat, communique opinioni bellum indicat. Paupertinum ingenium, sterilisque eruditionis egestatem cordatis ut plurimum produnt, quotquot secundum hanc formulam docent. Cæterum persuadere quidem credulis in cautisque bonis Cartesius vellet, propterea philosophiam suam verissimam scilicet, ac proinde antiquam, licet admodum plana ac perspicua sit, paucos invenire sectatores quoniam à malevolis quibusdam

dam professoribus, ejus tamen ignarissimis, persecutionem patitur, horrendisque calumniis ac convitiis oneratur: At quam falsum hoc sit, cuique liquebit, si placuerit sequentia capita, quibus Cartesianam philosophiam propriis coloribus candide & absque fuce delineabimus, citra præjudicium legere & examinare.

## SECTIO PRIMA

### CAPUT I.

*Cartesiane Philosophiae omnes capaces non sunt, ejus sectator omnium quæ didicit oblivisci debet.*

**Q**uemadmodum antiquæ philosophiæ magistri, qui fumos juventuti vendere nolebant; ingenium ante explorare solent, quam aliquem in disciplinam recipere, ne forte oleum & operam perderet in addiscenda disciplina, ad quam perficiendam capax ingenium adferre non poterat: ita & *Renatus des Cartes*, vir antiquis scilicet moribus ut fide, in popello stropharum suarum ignaro candidus & à fallendi studio

dio alienissimus videatur, revera autem  
 omnia errata infelicibus discipulis he-  
 betique eorum ingenio imputare possit;  
 in ipso philosophiæ vestibulo omnia in-  
 genia mysteriorum suorum capacia non  
 esse, gravi vultu & oratione, quo vir  
 quantivis pretii habeatur, pronunciat,  
 multosque quod Promothea minus fa-  
 ventem sint experti, à cortina suæ σοφίας  
 arcet. Vt alia loca, quibus, in libel-  
 lis suis thuri strombrisque propediem  
 consecrandis, hoc testatur, compendii  
 ergo omittam; unus qui occurrit in Re-  
 sponsonibus quartis ad Meditationes  
 pag. 284. Edit. Elz. instar omnium esse  
 potest. Ita autem ibi: *Itaque quod ea,*  
*que in prima Meditatione, atque etiam in*  
*reliquis continentur, ad omnium ingenio-*  
*rum captum non sunt accommodata, plane*  
*concedo, idque ubicumque sese obtulit occa-*  
*sio testatus sum, atque in posterum testabor.*  
*Et hæc unica fuit causa cur eadem in disser-*  
*tatione de Methodo, quæ gallice scripta*  
*erat, non tractarim, sed ad has meditatio-*  
*nes, quas à solis ingeniosis, & doctis legen-*  
*das esse, premonui, reservarim.* Disci-  
 puli, potissimum juniores, quos sacer  
 superba præsumptionis morbus dement-  
 rayit,

tavit, ulterius progrediuntur, *Beatisque* in publico auditorio accensere audent omnes, qui aut deliriorum Cartesianorum sunt incapaces, aut ea implicita fide amplecti non volunt. Ignoscendum Suffenis. Videant vero sedulo omnes hi ingeniosuli, ne dormienti & iactabundo lepori, ut in fabulis est, similes evadant, quem diligens ac constans testudo antevertit. Cleanthes & Xenocrates licet à condiscipulis, quod hebetiori ingenio essent, viderentur, &, ut alicubi Plutarchus prodidit, vulgo assimularētur ἀγγεῖο βραχυτόμοις & πινακίδι χαλκαῖς, hoc est, vasis angustioris, ac aeneis tabellis; summi tamen evaserunt philosophi, universumque orbem docuerunt sedulam lectionem, taciturnam modestiam, ac pertinacem diligentiam de indoctorum sannionum dictariis triumphare posse. Delectum ingeniorum novus Pythagoras habeat, sed simile eos, quos in ordinem discipulorum adoptavit, modestiam doceat; à superbo enim nihil boni expectari potest. Admodum autem vereor ut hoc unquam fiat; quomodo enim Salmones, qui prae se nullum mortalium putat, quique sibi longesu-



gè supra Archimedem, Euclidem, Platonem, Aristotelem, omnesque antiquos & recentiores philosophos sapere videtur ad sanctam modestiam, per quam ut specularem lapidem omnis eruditio excitatur, dux esse queat? Sed progrediamur ad *κρίθηα*, secundum quæ in nova superbiæ schola ingenia censentur, ea potissimum quinque sunt, hoc, & quatuor subsequenter capitibus ordine pensitanda. Quanquam autem secundum M. Tullium virum non tantum disertum, sed etiam judiciosum, *memoria insigne divinitatis argumentum est*, eamque ut thecam ac capsam eruditionis in magno pretio habere solent, quotquot unquam inter eruditos censerì voluerunt: *Renatus des Cartes* tamen, ut ipse pluribus fide dignissimis viris dixit & testatus fuit, per integros viginti annos in eo occupatus fuit, ut omnium eorum, quæ unquam didicerat, oblivisci possit. Imo hoc faciendum esse, sedulo monet in *Methodo* Gallice edita Anno 1637. pag. 16. & 17. agnoscitque id dogma suum in responsione ad *Objectiones septimas* pag. 32. Edit. Elz. Videantur amplius ejusdem Responsionis pag.

7.21.23. & 24. Hinc in schola ejus *prima* futuri discipuli nota est, *si possit omnium quæ ab aliis didicit, oblivisci.* Enimvero quam beatus fuisset Themistocles, si in tale hominis dæmonium incidisset; Simonidem non sollicitasset de condenda oblivionis arte. Examinemus autem Iepidam hanc probam. Omnium quæ didicit oblivisci debet Cartesianus discipulus; quo felicius contemplari, hoc est, incorari exemplo Claudii possit. Quisquis enim ex hominibus omnium quæ didicit, obliviscetur, aut rationem sibi eruere, aut memoriam admirandam animæ cellam prorsus obliterare debet: quædā quippe ex iis ita evidētia sunt, ut non possit eorum oboriri oblivio, nisi simul ipsum rationis lumen extinguatur. v. g. quo pacto aliquis, cui mens non læsa est, verissimi hujus effati (cujus veritatem citra præceptorum diligentiam discimus) *bi bina efficiunt quatuor*, oblivisci potest. Rei, cuius quis oblitus est, ejus nulla in eo est cognitio, neque enim putandum est Messalam Corvinū, postquam per diuturni morbi sævitiam proprii nominis oblitus erat, amplius illud exploratum habuisse. Age vero  
quis

quis destinato, omni molimine modo dicti effati oblivisci velit; quam diu mens in statione manebit integra, cognoscet *bis bina efficere quatuor*, ac consequenter verissimi axiomatis nequaquam oblitus erit. Ad hoc si omnium, quæ quis didicit, in novæ philosophiæ vestibulo oblivisci debet, quid logicæ naturali fiet? An ejus quoque apud Cartesianos obrepere debet oblivio? Sed quomodo quis oblitus illius, homo sana ratione præditus amplius saluari potest. Quicquid prætexant philosophiæ mangones, dum omnium efflagitant à philosophaturo oblivionem, jubent eum hominem exuere, nec tam ad sapientiæ sacrarium, quam ad Moriæ delubrum deducunt. Vbi enim omnium in homine adulto est oblivio, ibi omnium etiam ignorantia: ubi vero omnium ignorantia, ibi rationis ac mentis læsio est; quædam enim per naturam ob summam sui evidentiam nota, ignorari non possunt, nisi rationis lucerna extinguatur, homoque ex sapientiæ candidato, stultitiæ epoptes evadat. Cogitet quæso hoc sedulo bonus vir, maxime cum in se dignis meditationibus liquido satis ostenderit,

detit, post infelicitèr jactatam experientiam, ad rationem, velut *δι' ὅτι ἐγγύ πλῆν*, confugiendum esse. Nec expediet se si verba sua restringat, velintq; eorum tantum esse obliviscendum, quæ quis aut à præceptoribus, aut ex libris, multis scilicet magistris, didicit. nam quæ quis hoc modo didicit ea aut omnia falsa sunt, ut videtur ex parte Cartesius innuere (licet profari adhuc palam vix ausit) in epistola ad dinctum pag. 170. & 171. aut si non omnia saltem magnam partem vera sunt. Si vera sunt, quorsum eorum quis oblivisci velit; nisi, quæ multorum est ambitio, videri velit nihil aliis debere, & per familiarem maniacorum syllogizationem à particulari ad universale progrediatur; hunc in modum cum multis fatuis doctotoculis argutando: Hoc ego excogitavi, ergo nemo ante me scivit, & quotquot in posterum cognoscent, mihi ut primo architecto ac doctori volentes nolentes acceptum referre cogentur. Vnum idemque multis incidere potest, & quæ extra libros excogitata finguntur, in sexcentis eorum quadratis literis scripta sunt. Necessaria quoque non est falsorum obli-



vio : quorum enim quis oblivisci velit  
 ejus dogmatis quod novit esse falsum :  
 memoria ejus neque veri cognitioni  
 obesse potest, constat quippe esse fal-  
 sum : neque impedire progressum in ve-  
 ri investigatione, quoniam enim falsum  
 esse constat, seponitur, nec pertinax ei  
 destinatur propugnatio. Si dicant in se  
 falsa dogmata saepe vera videri iis, qui  
 eorum memoriam circumferunt ; ac  
 proinde præstare saburram illam abjice-  
 re, quam ab ea molestias in veri cogni-  
 tione perpeti ne adhuc quidem divam,  
 ἀντὶς, sive *oblivionem* ad solium suum  
 evexerunt. Facilius & tutius enim lon-  
 ge est, per diligens examen ejusmodi do-  
 gmatum falsitatem investigare, paula-  
 timque per eorum eversionem ad veri-  
 tatis possessionem appropinquare, quam  
 post profundam omnium dogmatum &  
 literarum oblivionem, obstetricante in-  
 genio, saepe mirum quam infirmato, no-  
 vas opiniones parere, quas licet abfur-  
 dissimas, quisquis tamen, qui eas primus  
 excogitasse videri cupit, arctissimo com-  
 plexu fovere assolet. Animadvertite ve-  
 ro quotquot candidi veri judices haberi  
 vultis, Cartesiani cerebri circulationem  
 & ver-



& vertiginem. Omnium monet esse obliviscendum, nec quem probæ notæ discipulum putat, nisi strenue divæ Oblivioni litare queat: & tamen magistraliter velut quis in republ. literaria dictator, de omnium philosophorum sententiis pronunciare iustinet, Aristotelisque atque omnium scholarū dogmata instar Plautini Pyrgopolynieis, velut ventus folia diffilare valet. Qui oblitus est rei alicujus, eam amplius non cognoscit: qui verorem non cognoscit quomodo eam condemnare & ex æqui bonique formula proscribere potest. Quis ferat enim cæcum judicantem de coloribus? quis alium calonem condemnantium dogmata Hippocratis, Galeni, Aristotelis, Platonis, Themistii, Aphrodisæi, Averrois, Avicennæ, Alberti, Thomæ, Scoti, Occami? quis denique *Renatum des Cartes* oblitum diu Peripateticæ philosophiæ, insulsum ejusdem judicem? Videat vero bonus vir, ne secundum primum Philosophiæ imaginariæ principium iis accensendus sit, quos notat Apostolus Iudas v. 10. Epist. Cathol. quod *calumniarentur ea, quæ ignorabant*. Quandoquidem autem pauci nosse videntur an versipellis

Car-

• Cartesius tam sedulo universalem oblivionem urgeat, paucis amplius *μυσνησι*.  
 • *des* hoc dogma excutiendum est. Notandum ergo bonum Dominum *des Cartes* esse ex ordine eorum, qui amant omniscii aut *παντοδαείς* ab omnibus salutari: inter quos Cardano alicubi fidem faciente professus quoque nomen quoque suum *Raimundus Lullius* est, cujus sectatoribus pro symbolo erat compendiosum hoc ad famam scitum: *Omniem scientiam jactare, nullam didicisse*, ne vero vir catus exemplo Lullistarum & Ioannis Torrentii (qui similiter inter indoctos ipse indoctissimus omnium rerum exactam cognitionem jactabat) impostoribus, circulatoribusque accenseatur, & forte à Luciano, aut Athenæo quo Pantaleoni celeberrimo plano accenseatur, qui fere secundum eandem fallendi methodum, jam jam decessurus utrique filio imposuit, seorsum iis prodendo, qua parte domus aurum infodisset, quod nusquam erat: consilium specie quidem Palamedæum aut Sisyphium excogitavit, re autem fatuum ac ridiculum. Omnium rerum in gratiam philosophiæ, quæ à circulo hoc in *Prytanæo*

tanquam alendo coronidem scilicet ac ultimam manum expectare debet, profundam oblivionem jactat, si ergo viris doctis homo noster adsit, tuto gloriari potest se nosse Hebraica, Chaldaica, Thalmudica, Syriaca, Arabica, Aethiopica, Persica, Armenica, Iavanica, Coptica, Graeca, Latina, Turcica, Slavonica, Italica, Hispanica, Anglica, Germanica, Belgica, Polonica, Danica, Islandica, Russica, & quidquid linguarum aut unquam excultum fuit, aut adhuc hodie excolitur; adhuc omnes sacrosanctae Theologiae, antiquitatis & Historiae Thesauros in pectore suo esse reconditos: neminem omnes juris nodos se feliciter posse solvere: nec non Hippocratem, Galenum & Paracelsum praese uno esse pueros & tirones, posse se scilicet vitam & mortem aegrotantium certissime praesagire, quin & phreneticos non aëris sono, quod Asclepiades facere solet, mentis sanitati restituere, sed appositis omnigenis dapibus, quas si tantum à manu magistri accipere voluisset, suis forte flere & plangere non reliquisset; denique Euclidem, Archimedem, Pappum, Ptolemaum, Vitellionem,



onem, Albategnium, Alphonsum, Baconem, Cusanum, Cardanum, Copernicum, Rheticum, Stevinum, Kepleium, Tychonem, Zarlinum, Mersennum, Clavius, omnesque Astronomos, Geometras, Opticos, Algebraicos, Staticos, Musicos unum tantum habuisse oculum, se vero esse Argum illum Mathematicum, siue *ἀεὶ πὶν ἐν νεφέλαις*, hoc est, *aquilam in nubibus*, qui radium sit sublevaturus, & solus posthac in erudito pulvere, submotis omnibus aliis dominaturus. Quid rides vero, qui hæc legis? omnia eruditionis *κεφάλαια* ad huc hodie latitarent in penitiori scrinio Cartesiani cerebri, nisi ex re philosophiæ fuisset, omnium eorum oblivisci. Frustra vero es, quisquis ad risum Catonianumque jactabundi hominis ineptias detegere studes: si enim V.C. jubeas versiculum quem in Ebræis Bibliis, aut Arabico Alcorano explicare, ipsæque ignotos libros exemplo Latinorum Codicum evolvere & legere pareret, ne in præproperum cachinnum erumpas, & forte ilia tibi rumpantur, præmeditata hæc oratio abunde existimationi iater ejusdem farinae homines

B

fartæ

sartæ rectæque conservandæ velificabitur: *Omnia hæc quondam mihi æque explorata ac digiti fuerunt, sed eorum ut & infinitarum linguarum ac scientiarum in gratiam unius philosophiæ non citra magnam molestiam sponte oblitus sum. Papæ quam cate! admirare posteritas cor Zenodoti & jecur Cratetis!*

## CAPVT. II.

*Cartesianus discipulus libris bellum indicare debet, & si ex iis profecerit, sedulo dissimulare?*

**D**E Gallo Vibio scriptores testantur, quod tantæ fuerit eloquentiæ, quam postea insaniæ: ei uni autem, quanquam iidem accidisse existimant, ut in insaniam non casu incideret, sed iudicio perveniret; idem tamen plerisque Cartesii discipulis accidit: quoniam enim destinato omnia illa præsidia, per quæ tacite obrepentem insaniam arcere possent, redargunt & rident, ultro & quasi iudicio in illius præcipitia ruunt neque enim tantum omnium, quæ unquam didicerunt, ut superiori capite ostendimus, oblivisci debent, sed amplius  
libros

liberos mutos illos magistros insectari.  
 Hæc quippe secunda lex in quam deli-  
 riorum mystæ jurant : *Cum libris nullum*  
*unquam nobis futurum commercium.* Cœci  
 hi cœcorum ducum sectatores si à con-  
 filiis propudio mortalitatis Caligule  
 fuissent, ultro cum ad bibliothecas o-  
 mnes, & quicquid alicubi amplius li-  
 brorum supererat ultricibus flammis  
 consumendū extimulassent. Libris re-  
 divivi Flavii non utentur, quia non uti  
 videtur Cartesius. Si quæras causam  
 è vestigio reddam. nihil cum Aristote-  
 le, quo longe sibi & ingeniosiores & sa-  
 pientiores videntur, commune habere  
 debent. Ille enim licet portentoso ipso  
 Platone teste, præditus esset ingenio,  
*ἀναγνώστης* tamen dictus est, quod esset  
 lector infatigabilis. & *χαλκείπτερος* pla-  
 ne, ut Græci dicunt, ac sititor inexplabi-  
 lis. At belluinam legem propius ex-  
 pendamus? Si infesto odio libri digni,  
 cur bonus Renatus cum sua pullicie  
 passim experientiam crepat? Aut an  
 sibi persuadet, *hominem nondum senem*  
 ut de se ipso loquitur in Epistola ad Di-  
 netum pag. 163. omnium rerum na-  
 turalium exactam & minime fallacem

experientiam habere posse? nisi forte  
 somniet abunde experientiarum eum  
 habere qui novit horologium, baculum  
 cœci, cœmentarium, & paucas alias si-  
 militudines, haut dextre tornatas, & mi-  
 nus feliciter adhuc applicari solitas. O-  
 mnium rerum exactam experientiam,  
 unus homuncio, qui raro ad octuagesi-  
 mum annum pertingit, nequaquam ha-  
 bere potest. Vt priorum experientia in  
 rebus naturalibus, posterioribus pro-  
 fit, paulatimque perfectam naturalem hi-  
 storiam, quæ Physiologiæ ac Medicinæ  
 certissimum fundamentum est, gignere  
 possit in publicis tabulis, sive libris, opus  
*in αἰῶνι ὀβελῶ* existimat, & secure conte-  
 mnere audeat, haut magis potest *quasi li-  
 bet* difficultates in scientiis resolvere (ut  
 omnium Thrasonum ineptissimus Re-  
 natus de se ipso gloriatur in Episc. Ded.  
 Meditat. pag. 5. Ed. Elz.) ac cœcus colo-  
 rum omnium naturam explicare. De-  
 inde quisquis omnium, quotquot un-  
 quam vixerunt, philosophorum senten-  
 tias ad examen non tantum vocare, sed  
 citra difficultatem quoque condemna-  
 re audeat, nequaquam peregrinus esse  
 potest in libris, quibus eorum dogmata  
 cum



cum rationibus proponuntur: ut non ignorat ipse noster, quando passim in qualibuscumque responsionibus ad examen Meditationum, ignaro lectori persuadere studet, adversarios, qui sæpe ingulum petunt, minus candide suam mentem interpretari, quod haud accurate ea, quæ patientissimo etiam lectori nauseam pariunt, legere & relegere dignati fuerint. Videat vero homo, qui aliis legem hanc præscribere audet, quæ conscientia libris bellum indicere possit & tamen omnium sententias librorum monumentis mandatas condemnare nisi forte probare possit se ducibus meditationibus ea etiam cognoscere posse, quæ ex unis libris innotescunt. Sectatores vero, mortalium superbissimi, serio apud se cogitent, an quando Pelopis, fatui medici exemplo omnium se rerum causas & effectus scire jactant, dissidentes & aliena dogmata amplexos citra calumniæ crimen aut condemnare, aut saltem ridere possint: quando quidem ipsi ad ravim usque non tantum in libellorum quisquiliis, sed Academicis quoque auditoriis clamant, se explodi & oppugnari ab iis qui sua dogmata

gnata neque cognoscunt, neq; chartaceis tabulis inscripta aspicere dignantur. Etenim oblivionis alumni, qui nullos libros contrectant, salva conscientia aliorum dogmata ex sola librorum lectione innotescencia condemnare non possunt: hoc enim si faciant, ab omnibus habendi sunt *αὐτοκατάκριτοι*. Deniq; si librorum lectio philosophanti nocet, quorsum Renatus des Cartes libros scribit, eosque omnibus caveis eruditorum pariter & indoctorum obtrudere laborat. Si præsumeret vivere ex præscripto familiae Scepticorum, (quam dum evertere laborat validissime erigit) audire deberet Arcesilæ Academici consilium: docuit enim Pyrrhonis sectatores libros propterea non esse aut scribendos aut evulgandos, ne ea, quæ operose à præceptoribus in scholis inculcatur, ab elinguis magistris per certissimam sequelam evertantur. Sed noster per omnia similis est Enthusiastis, David Georgianis, VVergelianis, similibusque fanaticis, qui sine missione quidem clamant præter Academias & Scholas, omnes libros, unis forte Bibliis exceptis, abolendos esse. Nolo amplius in antecessum probare, postea

postea quippe distincte fiet, Cartesium, quicquid aut in Meditationibus aut scripto Gallico, boni habet ut ut etiam dissimulet, aliis qui ante eum vixerunt, & qualicumque rerum lectarum memoriæ, debere. Fatale seculi hujus sidus virum bonum quoque afflavit: quæ in libris maxime obviis occurrunt, suo Marte didicisse vult videri. Per Dei gratiam nunquam nos ita insanemus, neq; enim pudet candide profiteri per quem profecerimus.

CAPVT III.

*Cartesianus Philosophus Renatum des Cartes ut alterum Pythagoram suspicere, imo adorare debet.*

**A**D principatum in republ. literaria obtinendum compendiosissimum subsidium authoritas confert; ea enim rationibus omnibus potior, sæpe ipsam veritatem submovet, industriosq; ac doctos ejus assertores adeo percellit, ut remissiores certissime sententiæ patroni fiant. Quemadmodum vero in circulis eruditorum varia Helenæ hujus comoda sunt, ita hoc nequaquam ex postremis est, quod securum contra quorumcunque objectiones eum reddat,

si hoc Medusæ caput ostendat, oppo-  
nens mox pisce magis mutus redditur;  
cui facillimum alias est confodere tri-  
sulcis telis sublestam opinionem, sub  
unius sepe viri existimatione velut sep-  
templici Ajacis clypeo (ita in vulgus  
jactari solet) latitantem. Exploratum  
hoc habuit Samius Pythagoras, versi-  
pellis magis quam rationalis philoso-  
phus: exemplo enim Delphici Apolli-  
nis tripoda divinumque afflatum jacta-  
vit, quo incauti discipuli decantatum  
illud *ἡ πρὸς ἴφρα* amplecterentur, proscri-  
ptaque è Schola ratione, una valeret au-  
thoritas: norat quippe recoctus Sisy-  
phus neminem judicium suum adhibe-  
re, & ad alienæ sententiæ examen inten-  
dere, quando ratum habet illud, quod  
ab eo, quem errare non posse putat, ju-  
dicatum videt. Hinc & Græci soni de-  
cus Aristophanes, quo invidiam imme-  
renti Socrati crearet, eum *ἡ πρὸς* voca-  
vit; quasi schola ejus similis foret Py-  
thagoricis conventiculis, ac in ea præ-  
ratione, quæ in philosophia præ cæte-  
ris attendenda est, una docentis autho-  
ritas valeret. Pythagoricam hanc au-  
thoritatem, quam nullus ex melioris  
notæ



notæ philosophis post primum ejus architectum unquam vel affectavit, (sibi Dominus noster Renatus arrogat) non tantum quando in editis scriptis semet Philosophicum vatem jactat, *unius rationes sint omnium accuratissimæ & evidentissimæ*, quæ ab humano ingenio sciri possunt; (sic enim loquitur compendium scilicet omnium hominum, vir πάντων ἀνθρώπων ἀντάξιον ὁμῶν, in synopsi sex Meditationum pag. 5. & 6. qui tamen passim modestus haberi cupit) sed maxime quando à discipulis cœcā obedientiam exigit, eosque in hanc quasi legem tertiam (ut liquet tum ex praxi, tum ex philosophandi methodo) jurare cogit: *Cartesii præceptoris authoritas instar omnium rationum futura est.* An omnes, qui homini deliro quid tribuere videntur, æque ad servitium nati sint, ego qui in extremo Belgii angulo docco, dicere non possum: hoc unum scio, philosophum quem Cartesii admiratorem, & miserè ab illo infatuatum aliquando rogatū ab Amplissimo quo viro; Quidnam ageret in Academiā, respondisse se auditores decipere (docebat autem receptam philosophiam), philosophaturum

rum vero serio, simulac typis Cartesianæ Meditationes exscriptæ essent. Quâ conscientia ejusmodi Dubitantes imposita provincia defungi existimandū est? De cathedra loquuntur, salario annuo fruuntur, ex privatis collegiis munuscula cogunt, ut incautos scil. improvidosque auditores decipiant. Etenim mirandum viros prudentes seriosque propriæ estimationis adeo securos esse posse. Si ex asse saperent, Iudæorum modernorū prudentiam imitarentur; quanquam enim multa se ignorare lubentes fatentur, perplexorumq; doctorem Eliam expectant. qualiscunque tamen scientiæ demensum, quo in præsens gaudent, quam diligentissime ab omnis fraudis contagione vindicare laborant. Ferendum foret si à Cartesio magni hiatus promissore aliqua Philosophiæ perfectio expectaretur; at intolerandum præ illius excrementis omnes solidioris philosophiæ dapes arianeæ telis accenseri, ex quibus aliquando edulia apparasse Heliogabalus dicitur. Sues præ unguento sordes affectant: catillonumq; alpha Philippus apud Minidium hospitem Casini, quum appositum è proximo flumine lu-

ne lupū gustasset atque exspuisset. Multis infirmi iudicii viris sententię absurdissimę quoque si tantum novitatis speciem præ se ferant Gangeticę & Ægyptię aves videntur, præ quibus reliqua omnia fercula contemnenda, atrisq; calonibus mittenda. Qui mendacibus deliciis nauseabundum stomachū pascunt, non tantum manescunt, sed omnis etiam eruditionis succus, quo surgere ante videbantur, paulatim in iis decoquitur. Præter philosophum, unus adhuc notus, qui infelicissimo veritatis sacerdote his coloribus in Epistola ad Dinetū p. 174. & seq. describitur: *Doctor quidam Medicinæ, vir acerrimi ac perspicacissimi ingenii, atque ex eorū numero qui quamvis Scholarum Philosophiam recte didicerint, quia tamen ei non credunt, & sunt ingenii, non ideo multum superbiunt (exemplo sc. modestissimi mortalium Cartesii) nec se admodum doctos esse fingunt, ut aliis quibusdam in more est, qui ipsa sunt inebriati: Legit Dioptricā meam, & Meteora, cū primū edita sunt in lucem, ac statim aliqua in iis verioris Philos: principia contineri iudicavit: Quę colligēdo diligentius, & alia ex iis deducendo, ea fuit sagacitate, ut intra paucos*

*menses integram inde Physiologiam concinnarit, quæ, cum privatim à nonnullis visa esset, eis sic placuit, ut Professionem Medicinæ, ibi tunc forte vacantem, pro illo, qui autem ipsam non ambiebat, petierint & impetrarint. Ita professor factus officii sui esse putavit, ea potissimum docere, propter quæ ad illud munus vocatus fuisse videbatur: Præsertim cum ipsa vera esse; ac quæcumque cum iis pugnant, falsa iudicaret. Elogio autem hoc, longe augustiori quam unquam à patria Academia (inqua docet) impetrabit, vir ætèrrimi scilicet ac perspicacissimi ingenii condecoratur, quia obsequio reliquos magistri Renati sectatores serio superare laboravit, ex quo eodem mecum die Professioni initiatus est. Adeo quippe redivivum Pythagoram suspicit, ut nō dubitarit lepidæ Physiologiæ, quam privatim adolescentibus aliquibus dictavit ac prælegit, carmen hoc Academico profesore indignissimum, mox pag. 1. post laudes scientiæ naturalis propriasque, præscribere: Si vestigiis & principiis Nobilissimi viri Renati des Cartes libere insistens, hic plusculum à receptis quorundam opinionibus recessero, amor anti-*

*anti-*



*antiqua & charissima veritatis, qua hæc à me extorquet, apud æquos rerum æstimatores, me, ut spero, à calumniis vindicabit. Ut mutuum muliscabunt. Philosophia Cartesii est antiqua & charissima veritas. Quis dicit? Medicus. Sed me conu sine teste loquenti credendum? Non videtur. An vero instar rediuiui Carneadis caput helleboro adeo expurgavit ut omnem veritatem uno mentis intuitu cernat? Quis credat: ut enim in publica Disputatione illi doctiss. medicinæ studiosus sub præsidio collegæ, alterius in eadem Academiâ Medicinæ Professoris, viri longe eruditissimi & experientissimi Coroll. xviii. exprobravit, ex eorum infelicium Botanicorum numero est, qui secundum novæ, sed sapientibus omnibus ignotæ Philosophiæ Botanicæ scita existimant licere, Plantarum nomina ignorantibus, aliena nomina ignotis plantis indere. Quod effatum, si quod, per omnia primæ Cartesii legi, de qua cap. i. hujus sectionis actum est, respondet. Quisquis enim, antequam serio philosophetur, omnium oblivisci debet, secure quoque nomina absurdissima, exemplo Pyrrhonorum, finge-*

fingere potest. Ex animo vero doleo,  
 quod Calvisio Sabino homini diviti & u-  
 pua hoc ignotum fuerit: cum enim Se-  
 neca teste, ita memoria nulla esset, ut illi  
 modo Vlyssis nomen excideret, modo  
 Achillis, modo Priami: quos tam bene  
 scil: noverat, quam pædagogos; & tamē  
 eruditus haberi vellet, compendiariā ad  
 eruditionem viam excogitavit. *Magna  
 summa servos emit: unum, qui Homerum  
 teneret: alterum, qui Hesiodum: novem  
 præterea Lyricis singulos assignavit. Post-  
 quam vero hæc illi familia comparata est,  
 cæpit convivas vexare: habebat ad pedes  
 hos, à quibus subinde quum peteret versus  
 quos referret, sæpe in medio versu excide-  
 bat.* Longe compendiosiori semita ad o-  
 stentationem eruditionis, omnium lite-  
 rarum ignarissimus grassari potuisset, si  
 ex Cartesii, & boni Medici præscripto  
 quascunque enunciationes in fœcundo  
 cerebro cufas pro Homericis aut Hesio-  
 dicis versibus obtrusisset. Album si vo-  
 cetur nigrum, aut *Helleborus ferulaceus,  
 Doronicum Americanum*; non peccabi-  
 tur tamen, quia falli non potest epoptes  
 scil: antiquæ & charissimæ veritatis, &  
 quod caput, obsequentissimus Renati  
 des

des Cartes discipulus. Ridete quotquot  
 splenem habetis, & *deus* infallibilis no-  
 vae philosophiae hæc est : Non falli-  
 tur aut falli potest philosophus Car-  
 tesianus , quia des Cartes hoc dicit ;  
 ac per regressum , des Cartes non fal-  
 litur quia hoc philosophus Cartesia-  
 nus dicit. Ut manus manum lavat.  
 Quotquot Cartesium sectari vultis ,  
 oculos vobis eruite , Iudicium effur-  
 cillate , mentem captivate , fide tan-  
 tum implicita opus est ; In Philosophia  
 credere debes , quod Cartes credit : &  
 iterum Cartes tenetur idem credere ,  
 quod tu credis. Quotquot has compe-  
 des menti suæ injicere nolunt , neque  
 Cartesii amici , neque *dociles* sunt. ne  
 vero noceant obloquendo , & nugas ho-  
 minis delirantis constituent , in anteces-  
 sum ferreis convitiis contunduntur , &  
 ut hominum indoctissimi traducuntur ;  
 quemadmodum nuperrime quis erudi-  
 tissimus ex Societate Iesu Professor , &  
 Celeberrimus pientissimusque Theolo-  
 giæ Doctor Medici non tantum col-  
 lega sed promotor præcipuus experiri  
 debuerunt. Quamdiu in gradu perstabit  
 hæc hominis autoritas philosophia  
 quo-

que ejus apud fervilia ingenia adorabitur, eruntque inter philosophicarum rerum imperitos *evidentes & certæ* opiniones Cartesii (pag. 174. Epist. ad Dinetum) quamdiu nemo ex philosophis obloquetur. Inter indoctos, si quis auctoritate tantum polleat; tam facile philosophus saluari potest, quam Theologus, aut Medicus. Auctoritatem autem hanc concilia ut plurimum aut eruditionis sapientiæque opinio, quam facile quis apud imperitos sustinere potest; aut animus eorundem vitiorum, quæ suadentur ab eo qui *μῆλας σοφὸς* saluari cupit, sive conscius sive capax. Sic sectatores nō tantum invenerunt mortalium absurdissimi Marcion & Manes, totiusque Orientis seductor Mahumethus, item patrum memoria David Georgii, cui & ex purpuratis haut pauci adhæserunt, nuperrimeq; Ioannes Torrentius artis Lenoniæ celebris per Bataviam professor; verum etiam ea sapientiæ diffusæque eruditionis existimatione inter suos gavisi fuerunt, ut majorem homo ejusdem farinae Cartesius sperare vix possit. Interim sapiens & quisquis cor habet, risu excipiet planorum

rum



rum omnium ineptias, doctrinamque eorum exemplo Athenodori, similem judicabit esse Tantalii hortis, instar eorum enim cum nihil sit, ignaris tamen imposturarumque imperitis aliquid esse videtur. Postremo, omnes quos Renatus seduxit, serio rogo, an non rationis lucernam, per quam tamen omnia investiganda ac illustranda esse clamāt, extinctum eant, quando neque rationibus, neque demonstrationibus (quæ in speciem tantum jactantur) moti, cæca obedientia amplectuntur, quæcumq; à magistro in somnio forte excogitata, ut imnotę veritatis oracula proponuntur. Qui rationalis philosophus audire cupit, omnia non ad fallacis ut plurimum authoritatis libellam, sed rationis Scripturæ ancillātis amussim exigere debet. Nisi forte propterea extra errorum fines se consistere existiment, quod in Epist. ad Dinetum pag. 176. *honestissimi & ingeniosissimi* vocantur. Eodem per omnia modo David Georgii, non minus quam Cartesius ingeniosus vir, in quadam epistola ad Hassiæ Lantgravium nō erubescit ringente frustra veritate, scribere optimum quemque

que omnesque pacifici Evangelii fautores suam doctrinam sectari. Si possit, nominet mendax philosophus illos honestissimos ac ingeniosissimos quosq; , qui aut Medicum fuerint sectari, aut utroque pollice suam philosophiā approbarint. Contrariū etenim liquet ex iis quæ acciderunt in Academia illa ubi Medicus docet, nec non ex septem aut pluribus viris doctis, qui à se impetrare potuerunt, ut male cohærentes Meditationes de prima Philosophia examinarent, item omnibus illis qui à superbissimo authore provocati nondum in vulgus editis scriptis librum Gallicū excusserunt, quibus bonus Renatus responsum adhuc debet, ac forte æternum debiturus est: ne quid dicam de omnibus, quæ in orbe Europeo sunt Academię & Scholæ, quas certo scio ad unam omnes Cartesii novam philosophiam carbone notaturas, unoque plebiscito tum Taurelli, Gorlæi, ac Bassonis deliriis proscripturæ esse. Reliqua quæ movere quem Possent, ut universa in philosophia dogmata ad regulam Cartesianę authoritatis exigat, infra Sectione secunda expendemus: omnia vero illa tam male cohærent,

rent, & absona sunt, ut si quis iis se moveri patiatur, exemplo *cementarii* minus dextre in proscenium meditationū producti p. 138. ad medicum ducendus sit, non eum quidem qui *Helleborastrum* *Helleborum verum nigrum* vocat; sed qui orationis Suada egros mentis sanitati restituere valet.

CAPUT IV.

*Cartesiana philosophia sectator spei plenus esse debet, & à magistro omnium dubiorum enodationem aliquando expectare.*

**C**artesius non contentus ad omnium rerum oblivionem sectatores suos dementasse, amplius eos videntes & vigilantes somniare jubet, vice Calliroes, aut Phrynes exhibendo illis divā ἐλπίδα aut Spem, quam haut incommode Plato vigilantium somnium vocare solet. Ne quis enim ex discipulis, magni promissoris pauca dogmata ad digitos revocet, & ex horro aut ad Academiam, aut Lyceū redeat, ante omnia spei auctoramento eum invitat, & quasi in legem hanc quasi quartam ex animi sententia jurare compellit: *Semel si Cartesium sectari incepero, nunquā ab eo divortiū faciā, sed*

*sed spe plenissimus eorum etiam resolutionem ab eo aliquando expectabo, quæ alii ab homine quo cognosci non posse, frustra jactant. Ut vero legi, quæ ex novitiæ philosophiæ præscripto sectatoribus ferri debet, ipsius quoque præceptoris praxis respondeat, passim in libellorum ineptiis, vice scitamentorum solidioris philosophiæ, spe ac incerta expectatione pascit. Ita enim ut alia multa loca omittam in Epist. ad Dinetum pag. 165 Spero, inquit, me veritatem, eorum omnium de quibus in Philosophia solet disputari, tam clare esse expositurum, ut quicumque illam quærent, perfacile ipsam ibi sint inventuri. Ut vero animose sperare hominem liqueat, alicubi etiam sperare audet sua deliria locum inventura esse circa doctrinam de Transsubstantiatione; cujus occasione se Romano-catholicæ religioni (parcus alias Deorum cultor & infrequens) favere profitetur, in gratiam scilicet Patrum Societatis Iesu, ad quorum asylum fugit, quo ab iis defendi possit contra doctissimum Merfennum aliosque Theologos & Philosophos Gallos, à quibus inflictas plagas perunacius persentiscit, quam ut dissimulare*



mulare queat. Ex re vero est verba expēdere, quo omnibus liqueat hominem non minus ab oblivione, quam superba spe magis magisque dementari. Sic vero loquitur sub finem quartarum Responsionum pag, 294. Edit. Elz. *Quapropter si verum hic sine invidia scribere licet, cursim sperare venturum tempus aliquando, quo illa opinio quæ ponit accidentia realia, ut à ratione aliena, & incomprehensibilis, & parum tuta in fide, (an ferre potestis Hæreticæ pravitatis inquisitores?) à Theologis explodetur, & mea in ejus locum ut certa & indubitata recipiatur.* At propius congregiamur cum hoc spei magistro. Si vult devotos sibi discipulos non frustra sperare omnium nodorum philosophicorum facilem & expeditam solutionem, in antecessum quædam doceat, quorum magistralis resolutio spem in multis animam agentem confirmare possit: Gloriatur quidem thrasonicè admodum, se, fremen- tibus frustra æmulis, supra omnes antiquos philosophos in Meteorologicis tale quid præstitisse, sed quis aretalogo proprias laudes ad nauseam usque buccinanti fidem adhibere velit. Etenim in  
risum

risum erumpere coactus fui, cū sequen-  
 tia in Epist. ad Dinetum p. 156. & seq. le-  
 gi : *Iamque mihi videor ejus rei fecisse ex-*  
*perimentum circa tractatum quem edidi de*  
*Meteoris ; cum enim partem Philosophiæ*  
*contineat, quæ nisi admodum fallor accura-*  
*tius, & verius in ipso explicatur, quam in*  
*ullis scriptis aliorum, nullam puto esse caus-*  
*sam, cur Philosophi, qui Meteora singulis*  
*annis in unoquoque ex vestris Collegiis do-*  
*cent, illum prætermittant.* Nisi enim ab a-  
 liis edoctus essem hominem hunc gente  
 ac domo Gallum esse, crederem eum o-  
 riginem trahere ex circumforaneis me-  
 dicis Italis, adeo audacter & illoto ore  
 sancta sua laudare sustinet, quo imperi-  
 tis ea obtrudat. Sed per Dei gratiam hoc  
 genus mangonum, paupertinæ eruditi-  
 onis sordes, non nisi indoctis, ejusdem-  
 que secum commatis hominibus, affri-  
 care solet. Quicunque nasum habent,  
 propriarum virtutum encomia ægro-  
 rum somniis vaniora esse sciunt, Car-  
 tesiique vaticinia æstimant ex prophe-  
 tia quorundam ex ejus discipulis, qui,  
 frustra obloquente quo Clarissimo &  
 experientissimo Medecinæ Doctore,  
 nuperrime Hagæ-Comitis assevera-  
 re au-

re ausi fuerunt, ægrum expleuritide animam agentem in sequentem diem certo victurum esse, viroque eximio, & nobilissime, quam profitetur, arti insultare meditati fuissent, nisi proxima nox cubanti mortem accelerasset, vanamque spem, qua Cartesiana *ἰατρίδῳ* alumni mœstos amicos recreare instituerant, coram toto orbe prostituisset. Nec tantum novorum deliriorum parens Renatus des Cartes in iis laudandis insanit, verum quod non sine ratione quis miretur illius quoque Medicus, qui viderit serio ne cum ambitiosissimo medicorum Periandro eam à philosophia gratiam referat, quam ipse per poësim, minus feliciter cultā, præter opinionem impetravit, atque ex Archidamo aliquo audiat, *αἰπὴ χερσίεντῳ ἰατρῇ κακὸς φιλόσοφος καλεῖται ὅτι θυμῷ*: hoc est, *Pro gratio- so medico malus philosophus nominari vis.* Verba vero hominis ex libello contra Collegam edito sublegamus, ita autem se habent in Resp. ad Thesin 11. *Etiam si omnia nature arcana nondum specificè ex nostris principiis, (uti ingenuè fatemur) possimus explicare: eo tamen res jam pervenit, ) ut iis constet, qui*

qui Principis nostræ Philosophiæ mundum viderunt, aut Physica nostra fundamenta sunt edocti) ut calum & terra, stellæ fixæ, planeta, cometa, æstus maris, sal, meteora, magnes, stirpium & animalium operationes, lux, lumen, colores, & innumera aliæ rerum naturalium qualitates à nobis jam perfecte intelligantur; cum ex vulgari philosophia etiam ipse calor, frigus, humiditas & siccitas, ut alia obvia præteream, revera sint qualitates occultæ. Quod de falcatis curribus Vegetius alicubi prodidit, in orationem hanc vere convenit, quæ videtur esse terrori, post evadit derisui. Academicus doctor oblitus Cætoniani effati; *Nec te collaudes* &c. instar agyrtarum propriarum mercium instituit præconium, triumphareque videtur, quod philosophiam suam titulo *Principis Philosophiæ* condecorarit: secundum eandem fandi regulam pueri crepundia sua super regiam supellectilem, & phrenetici straminea vincula quia à se contexta supra ferreas catenas prædicant. Percurre quamcumq; Philosophorum sectam augustum hoc elogium sibi arrogabit; quotquot tamen inter eos cor habebunt elogiū hoc prement,



ment, & ex alio audire gestient. Paracelsi sectatores, Mahumedici physici, Thalmudici philosophi, & quotquot amplius per philosophiæ abortum, edita sunt monstra, æque commenta sua in delitiis habent, arctissimeque foveant, & tamen quisquis catus est ratiū opinionum portenta risu explodere, quam seria lectione percurrere mavult. Si possit, bonus vir probet, sua commenta ex imaginariis sciendi principiis procusa præstare aut Paracelsi, aut Mahumedis, aut Thalmudistarum deliriis, quemadmodum enim hi cerebri sui excrementa quibusvis citra solidatum probati onum jusculum apponere audent, ita & Cartesii sectatores quo spem seductorum confirmant pauca novellæ philosophiæ scita per regulam *avrus* ipsa laudant, vice speciminum admirandæ & nunquam cognitæ, suo tamen tempore proponendæ, Cabalæ. Liquet hoc in eo ipso, quem ad partes vocamus, medico: postquam enim instar aretalogi, quo sperantibus succurrat, philosophiæ suæ laudes prædicavit, mox ibidem, ea, quæ dixerat, hoc Philosophiæ Cartesianæ demonstrativo syllogismo probat:

C

*Verum*

*Verum, inquit, ut compendium iis mon-  
 stremus, qui per nostra principia nihil ex-  
 plicari & solide demonstrari dicunt, utque  
 illi exungue leonem cognoscant, adeant illi,  
 si placet, Meteora Renati des Cartes, &  
 illa conferant cum Meteoris Aristotelis:  
 item conferant Dioptricam ejus cum alio-  
 rum scriptis opticis, & agnoscent oppro-  
 brium omne non nobis, sed diversum à no-  
 stra sententia opinantibus, delendum rema-  
 nere. Argumentum ridiculum per o-  
 mnia simile huic est: Si quis dubitet an  
 in pretio haberi mereatur physica Ma-  
 humedis, adeat ejus Alcoranum ut ex-  
 ungue leonem cognoscat. Lepida ete-  
 nim ratio; Cartesiana philosophia, est  
 princeps philosophia: quia hoc dicit  
 quis ex ejus discipulis; nec fallitur ille,  
 quia quilibet ejus Meteorologica & Dio-  
 ptricam legere potest. Item; omnia na-  
 turæ arcana celebris promissor Car-  
 tesium sperantibus in eum aliquando ex-  
 pediet, quia hoc quis ex sectatoribus in  
 libello jactare audet, cui fidem derogare  
 nemo potest. Utinam polyposi Do-  
 ctiores Græcorum lyricorum principi  
 Pindaro credant; pronunciat enim  
 περὶ τὰς τεύχεων ἀπορίων, quotquot, proprias  
 solum*

solum laudes crepare sciunt! plausibilius in gratiam fratrum bonæ spei philosopharentur, si exemplo Iohannis Faulhaberi celeberrimi Algebraici Doctoris (qui anno 1613. aut præter propter ex Algebra sua eruere meditatus est Magiam arcanam cœlestem de Gog & Magog) sigillis & plumbo Notariorum, hominum sæpe imperitorum, nugarum suarum successum muniri curarent. Enimvero circulatoria Philosophia, quæ omnia sperantibus dubia eximet, aliis præfidiis non indiget. Nec vates, nec vatis filius sum; certo tamen mecum, omnes qui nasum habent, credunt sperantes novæ philosophiæ alumnos haurire alia spe pasci, quam suis præbuit David Georgii, & in obsidione Monasteriensi rex ex sartoria palæstra Ioannes Leidenensis; aut quam de Eliæ sui adventu ad risum usque creduli Iudæi conceperunt; aut denique qua se oblectant Musulmanni quos in pulices conversos novus aries Mahumedus in paradisum transferet, quando Cartesiana philosophia, ejecta veteri, in omnibus Academiis & Scholis dominabitur.

## CAPVT V.

*Cartesianus philosophus exemplo præceptoris omnes homines præ se contemnere debet.*

**V**T omnia quasi consentiant, maleque sana philosophia ad illud gloriæ culmen contendere posse videatur, ad quod alis superbiæ & ignorantie suffulta animose satis aspirare audet; futurorum mysteriorum epoptes generosus omnium aliorum hominum contemptor esse debet, Aristotelemque, Platonem, Thomam, Albertum, Scotum, Averroem, Occamum, Scaligerum, & quotquot unquam in Philosophia fuisse celebres, præ præceptore, aquila scilicet in nubibus, cassa vix nuce æstimare. Qui Cartesius enim magnus haberi poterit nisi Aristoteles sit impostor, Scaliger medicus circumforaneus, reliqui; qui omnium calculo haut male de philosophia promeriti videtur, velut mortalitatis propudia, aut inter indoctos, aut inter eos, qui studiosæ juventuti fumos vendere solent, ablegentur. Secundum eandem morosophiæ methodum



dum Enthusiaste, cum quibus homo noster sola cerebri sui commenta, explosis omnibus libris, aliorumque, doctissimorum etiam, commentationibus, credulis obtrudere studet, ad Divæ superbiæ fanum contendere solent; ut possent enim ipsos Biblicos scriptores, quibus ne Cartesianus quidem nisi impediatur, in posterum parceret, autoritate exuere, & in contemptum adducere, convitiis plaustris onerare instituerunt, Mathæum Publicanum, Petrum Domini sui proditorem & Ioannem Euangelistam ac Apostolum Christi inflatum adolescentem, sciolumque vocando. Quis ferat hæc? Et tamen ipse Renatus, qui Modestie sacerdos haberi cupit, futurus sectatoribus ad generosum hunc contemptum strenuissimus dux est: Ne videatur enim expallescere posse ad conspectum exercitatus adversarii, non quidem ex Apollinis tripode, sed præsumptæ sapientiæ cortina pronunciat (quemadmodum videre est in Epist. ad Dinetum pag. 161.) omnes eos, qui sua deliria utroque pollice probare recusant, *doctos videri magis, quam esse*; imo ut liqueat eos quovis dama fugaciores esse, fingit.

*ibid.* eos metuere, ne detecta suæ philosophiæ veritate, *omnis doctrina*, vetus scilicet illa quæ tot per secula in omnibus Academiis exemplo majorum ab iis docetur, *abeat in contemptum*. Quasi scilicet inconcussa philosophiæ mœnia facilius ab inanis loquentiæ, stultæque jactantiæ bullis prosterni possint, quam ferreis plumbeisque pilis. In statu manebit philosophia, quæ hætenus omnes Academias Scholasque implevit, quicquid etiam sibi persuadeat ridiculus Nugator. Indoctorum, fanaticorum, & quotquot affectatæ scientiæ nullam habent fiduciam, ordinaria praxis est de se gloriari, sectatoresque docere omnes homines præ uno alterove contemnere excutiatur Mahumedi Alcoranum, Davidis Georgii liber Mirabilium aliique ejus libelli, Thomæ Munceri epistolæ ad varios Germaniæ proceres datæ, Socini Epistolæ, similiumque errorum cruda & ridicula scripta; Cartesiique discipulos ad eandem legem adigi liquebit, quam omnes tum in Theologia tum philosophia superbi novatores sectatoribus suis inaugurandis ferre laborarunt. Si homo noster saperet, speratamque modestiæ

destinæ famam tutari laboraret, in solo conscientie testimonio, aliorumque de dogmatibus suis iudicio securus acquiesceret; sed quoniam unus in omnibus disciplinis videri cupit aquila, suis in antecessum persuadere conatur reliquos fuisse talpas: si liceret enim aut improvidis adolescentulis, aut curiosis rerum novarum ruspatoribus ex præscripto præceptoris lustrare ea, quæ alii, qui cæci esse finguntur, in Philosophia vidisse perhibentur, nisi per omnia desiperent, conferre inciperent eorum oculos, cum scilicet emissitiis illis novi Argi Renati des Cartes. Quisquis hominem se esse novit, alios sine numero sibi æquales esse non tantum credit, sed lubens etiam plurimos superiores agnoscit. Ridiculæ amentie est per aliorum contemptum sibi velle ascribere, quæ in hominem quem necdum cadere potuerunt. Facilius est contemnere adversarium, quam superare, si illi qui strenui in aliis contemnendis sunt, fortes habendi essent. Plautinus miles D. Pyrgopolynices supra Milonem Crotoniatem, Cyrus, Alexandros & Cæsares

extollendus esset. Rogo vero Cartesii sectatores qua conscientia tot antiquos philosophos ausint contemnere, quandoquidem ex præceptoris lege neque eorum scripta legere possunt, neque, si legerint, meminisse debent dogmatum, quæ in iis proponuntur. An non ipse Cartesius qui ab omnibus vult æstima-  
ri, à nemine vero contemni passim in-  
vehitur in eos, à quibus dogmata sua vixdum examinata, & ut persuadere i-  
gnaris laborat, haut satis explorata, re-  
jiciuntur. Enimvero si secundum con-  
tradictionis magistrum nullius dogma-  
ta contemnenda sunt, nisi ante probe  
sint explorata, qua fronte aut ipse audet  
omnes quos non novit contemnere, aut  
omnium philosophorum dogmata, quo-  
rum jam diu oblitus est, carbone nota-  
re, aut quorum sectatores suos idem  
facere docet ac jubet. Non lubet in præ-  
sens sigillatim detegere eorum illibatis-  
simam existimationem, quos imperiti  
contemptoris spicula veneno calumniæ  
& mendacii imbuta petierunt: Vnum  
hoc ferre non possum, quod sacer ho-  
mo in Epistola ad Dinetum pag. 178.  
(ubi in gratiam Medici sui atræ loliginis  
succo



succo offuscare laborat admodum Reverendum virum & præceptorem instar parentis æternum colendum D. D. Voetium,) ringente ipso sole de eo scribere sustinuerit: *Quod multos quotidie libellos, sed à nemine legendos, emittendo, varios authores, sed sæpius contra se quam pro se facientes, ac forte ex indicibus tantum notes, citando, & de quibuscumque scientiis tanquam si earum gnarus esset audacissime, sed & imperitissime, loquendo, admodum doctus indoctus videatur.* Quis tam patiens, ut mendacissimi huius hominis ferreas calumnias perpeti possit? quam eruditus sit Voetius & ab omnibus, unicum Cartesium si excipias, Theologis quoque aliarum in religione partium habeatur, in præsens, quia toti orbi notum est, non ostendam: unum hoc à Lectore, quo hominem nostrum nosse incipiat sedulo notari velim: Cum ipse nullos libros, testibus scilicet propriis sectatoribus, habeat, gloriaturque passim nullos se libros legere, imo eorum lectionem discipulis interdicit, tamen pro ingenii maligni petulantia Voetio exprobare audet quod quos passim in The-  
sibus & aliis scriptis citet authores, ma-

gis contra se, quam pro se ad suffragium vocet. Aut ex se Renatus loquitur, aut aliorum ronchos, quod extreme imprudentiæ est, suos fecit. Ex se si locutus est, eque omnium odio dignus est, ac cæcus quis haberetur, si omnes oculatos redarguere institueret, quod in dijudicandis coloribus fallerentur, totoque cœlo errarent. Aliena vero vitula si hic aravit, quærat ex suo indice, ubi aut quando Voetius, forte quod eo die purgamentum calcaverit, infelicitè in authoribus citandis versatus fuerit: laudet autores fallaces sc. Voetii testes, simulque sui Nomēclatoris nomē prodat; nos per Dei gratiam cum Lentulosuram, orbi-que diras calumniatorum machinationes notas faciemus. Sed de calumnia in antecessum Prologus egit. Cum tantus maledicentię Hercules ipse magister sit, facile ignoscimus improvido illi poëtæ sciolo, qui in carmine addito primę disputationi Physiologicæ Medici, omnibus Peripateticis sic insultare ausus est:

*Minerva culta quibus sordet, nec ullus sapiens bonos etc.*

Quan-

Quamquam non dubitamus quin Gorgias, si resurgeret, idem dicturus fuisset, quod aliquando Chærephonti ejusdem cum nostro homine farinae dixit: *εἶδα γὰρ ὅτι ἡ γῆ τέλει, καὶ ἀνέχεσθαι ὅτι τὰς τοιαύτας φύει; hoc est, Novi enim quod terra ferulas contra tales progenerat.*

## SECTIO SECUNDA

### CAPVT I.

*Quomodo philosophica dogmata principiis natura notis respondeant. Frustra Cartesius qualicumque suæ philosophiæ antiquitatis gloriam asserere studet.*

**C**VM superiori sectione leges, quæ ut necessarium carmen à Cartesii sectatore observari debent, si ad majuscula sacra admitti velit, expendimus; deinceps hac sectione mysticam philosophiam ipsam, methodumque secundum quam acquiritur & defenditur, candide ac ex veritatis præscripto, examinabimus. Per philosophiam autem, secclusa ea philosophiæ parte quæ practica dicitur, (quam Socratis exemplo

subsidio Algebrę ac Mechanicę suę ē  
cœlo in terram Cartesius necdum evo-  
care instituit ) potissimum Physicam  
& Metaphysicam secundum usum lo-  
quendi novatoribus, contra quos dispu-  
tamus, proprium intelligimus, quanquā  
autem Philosophiæ pomæriis commu-  
niter ipsa quoque mathesis concluditur,  
adversarii que, exclusis omnibus quā an-  
tiquis quā recentioribus illius cultori-  
bus, soli in erudito pulvere videri vo-  
lunt dominari, eam tamen in præsens  
oppugnandam, aut verius detegendam  
nobis non sumimus, non quod omnia  
quę à Cartesio ( quem in mathesi ali-  
quid scire & videre nō negamus ) in Di-  
optrica & Geometria proponuntur, al-  
ba linea (ut vulgo dicitur) notanda ex-  
istinemus; aut exemplo quorundam e-  
jus sectatorum, paucas demonstratio-  
nes Opticas & Geometricas præferen-  
das judicemus utilissimis Euclidis, Pap-  
pi, Vitellionis, Rami, Campani, Peleta-  
rii, Regiomontani, Rhetici, Clavii simi-  
liumque heroum laboribus, sed primo  
quoniam Renatus des Cartes non tam  
periculose in Mathesi quam Physica &  
Metaphysica instituit esse Novator, de-  
inde



inde quoniam ipse, quam vere, infra expendemus, Mathesin, separando scilicet eam à dictis Disciplinis, earum statuit esse fundamentum, certissimumque ac infallibile principium. Ut vero hoc agamus, philosophiam naturalem habituales homini ex prima creatione cōgenitam fuisse, liquet ex communis nostri parentis Adami ( qui omnibus animalibus cura difficile examen ad primum conspectum convenientia naturę eorum nomina imponere scivit ) exemplo : cum autem velut appendix divinę imaginis fuerit, non potuit non tolli quoque, postquam primi parentes per spontaneum lapsum imaginem illam amiserunt, nec tamen ita sublata est, quin in homine, etiam irregenito, quædam adhuc ejus vestigia reperiantur, quoniam enim per lapsum non defuit esse creatura ratione prædita, eique etiamnum connascuntur quædam immotę veritatis principia, certo liquet quid superesse non tantum ex reliquiis imaginis illius, qua ante lapsum homo erat excultus, verum etiam remansisse adhuc aliquas scientię congenitæ scintillas, quas si laboret homo exuscitare, paula-

paulatim animam suam perficiet ac purgabit, introducendo in sacrarium illius divam philosophiam, quam si quis vocaverit *ιατρὸν τῆς Ψυχῆς*, hoc est, *animi medicum*, non erraverit. Collapsa autem per lapsum in homine habitualis philosophia regeneratur partim per experientiam, partim etiam per mentis operationem sive ratiocinationem, quæ experientiam acquisitam per sensuum iudicium non tantum ordinat, illustrat, & ad debitum finem dirigit, aut per modum compositionis, aut abstractionis, aut applicationis, aut denique illustrationis ad alia facilius cognoscenda; verum quam maxime qualemcumque cognitionem expendit examinatque ad immota sciendi principia, quæ haut magis obliterari possunt, ac rationis lucerna in homine, salva manente ejus humanitate, extingui. Omnis autem philosophica scientia, quæ hoc modo, ratiocinando, subserviente experientia tum sensuum tum rationis, progeneratur, dupliciter conspirare potest cum congenitis sciendi principiis, quæ cuivis terminorum non ignaro, audita tantum ob summam sui evidentiam luce meridiana clariora videntur:

dentur ; Aut enim per primam intellectu  
 ctus ratiocinationem tam manifesto cū  
 iis consentiunt , ut quivis , in quo ratio  
 non male habitat, eorum tum veritatem  
 tum evidentiam videre possit. V. C. per  
 primam operationem intellectus cog-  
 noscit omnes homines, quos oculi vive-  
 re vident, necessario debere ali, si modo  
 supernaturali gratia & extraordinaria  
 Dei virtute non sustententur : immotæ  
 enim veritatis est , vulgatum Physicorū  
 effatum, omne vivens alitur. Quicquid  
 hoc modo cognoscitur, ab omnibus eo-  
 dem modo cognoscitur , & non *χθις &*  
*αἰώλου* tantum , sed ab omni ævo sic co-  
 gnitum fuit. Quædam vero ex iis, quæ  
 cognoscuntur , consentire quidem cum  
 immotis sciendi principiis deprehendū-  
 tur, sed plures operosioresq; intellectus  
 operationes v. c. dari materiam primā,  
 hinc quidem liquet, quia secundū immo-  
 tū sciendi principiū non datur progressus  
 in infinitū, sed quoniā per primā ratioci-  
 nationem nequaquā certe sequitur: Nō  
 datur progressus in infinitū, hinc multi  
 circa veritatem eam ambigūt, nec potest  
 dici omnibus seculis nota esse. Illis solis  
 enim veritas talis exploratissima est, qui  
 hoc

hoc modo ab experientia sensuum & rationis progrediuntur, sensuum experientia docet materiam secundam resolvi, v. c. animal mortuum in elementa, experientia rationis amplius ostendit esse materiam primam, quæ ulterius in aliam materiam resolvi citra transmutationem nequit, v. c. aëre resoluta in suam materiam & formam: quoniam autem secundum vulgatum dictum, cuius modo facta mentio est, non datur progressus in infinitum, in hac materia ut prima omnisque formæ, à qua provenit existentiae actus, experte, acquiescendum est. Posteriorum huic rationi sæpe falsum subest, aut quando incerta & falsa sensuum experientia pro vera ignavis obtruditur; aut quotiescunque, quod sæpe accidit, naturalia sciendi principia ad eorum demonstrationem advocantur, cum quibus aut neque ullo modo consentiunt, aut an cōsentire possint, in incerto est. Hæc propterea notamus, ut omnibus pateat, quam falsum sit primum *κρίσις*, quod ad pelliciendos sectatores, philosophiæ suæ Renatus des Cartes venditare laborat. Sic enim in epist. ad Dinctum,

ubi



ubi intempestivè nimis totum myste-  
rium proditur, pag. 170. & seq. loqui-  
tur: *Addo etiam quod forte videbitur  
esse paradoxum, nihil in ea Philosophia ef-  
se, quatenus censetur peripatetica, & ab  
aliis diversa, quod non sit novum; nihilque  
in mea, quod non sit vetus: Nam quan-  
tum ad principia, ea tantum admitto, quæ  
omnibus omnino Philosophis hætenus cõ-  
munia fuere, suntque idcirco omnium an-  
tiquissima; & quæ deinde ex iis deduco,  
jam ante in ipsis contenta, & implicita fu-  
isse tam clare ostendo, ut etiam antiquissi-  
ma, utpote humani mentibus à natura in-  
dita, esse appareat. Ut nihil dicamus de  
inani jactantia, aut potius putido Carte-  
sii mendacio, (quemadmodum dein-  
ceps enim peculiari capite ostendemus,  
citius in mari venando apros assequa-  
ris, quam in ejus scriptis ullam demon-  
strationem) novis ejus dogmatis non  
competere antiquitatis titulum in pri-  
mo gradu, propterea quod ad congeni-  
ta sciendi principia videantur esse ex a-  
ctis, hinc manifestissimum; quoniam nul-  
li (si forte pauci excipias ab homine  
nostro dementatos) à se impetrare pos-  
sunt, ut mox citra examen iis assensum  
præ-*

præbeāt. Quod necessario tamen tā antiquissimis dogmatibus per primam rationationem applicationemque ad congenitas sciendi principia evidēter innotescētibz, ut modo ostendimus, cōvenire debet. Si enim *in ipsis principis humanis mentibus à natura inditis* continentur, quomodo fieri potest, ut quis sanæ mentis homo habeatur, & tam apertis ac antiquis dogmatibus tamen obloquatur? Enimvero quotquot hominum titulo & privilegio gaudent: Solem ac Lunam duo numero sidera esse statuunt, quoniam secundum congenitum, & proinde antiquissimum, sciendi principium: Vnum & unum faciunt duo. Oppido vero frustra est cum tota sua pullicie Cartesius, quando eandem antiquitatem suis qualibuscumque dogmatibus competere somniat. Si possit enim, vel in tribus tantum philosophiæ suæ dogmatibus, hanc antiquitatis prærogativam ostendat. Vanus si nolit promissor & ridiculus ostentator haberi, doceat nos per antiquissimum quod & à natura humanis mentibus inditum sciendi principium, glandulam pinealem esse unicū

cum sensorium, animæque domicilium:  
 Dari globulos æthereos: Colorem esse  
 globulorum æthereorum perceptibilem in lumine processum & circum-  
 volutionis proportionem: Calorem  
 esse insensibilium particularum variam  
 inter se agitationem vel ad agitationem  
 istam aptitudinem, ne quid dicamus  
 de aliis opinionum portentis. In  
 uno tantum ex quatuor his dogmatibus,  
 si antiquitatem, frustra jactatam, per  
 primam alicujus principii natura noti  
 ad illud applicationem, si ostendere  
 possit, virum eum putabimus, sed quando  
 hoc fiet? Nihil vero ad rem facit,  
 quod quædam principia natura nota locum  
 habere fingantur circa Cartesiana  
 dogmata, aut ad ea in proprio hominis  
 cerebro aut ex falsissimis hypothë-  
 sibus, aut per incertarum similitudinum  
 ineptam applicationem cusa, qualicumque  
 modo applicentur. Hoc enim si  
 opinionum antiquitatem argueret, deliria  
 Democriti, Marcionis, Valentinianorum,  
 Thalmudistarū, Mahumedi, Torrentii,  
 & quorum non errorum, antiquitatis  
 plumis se exornare possent. Enimvero si  
 Cartesiana  
 dogma-

dogmata antiquissima sint , utpote humanis mentibus à natura indita ; næ quotquot ante eum fuerunt homines , scuticam merentur , augustoque hominis elogio indignissimos se præbuerunt, quod mentis oculis ea dogmata intueri non potuerint , quæ à natura propriis eorum mentibus indita , & solis quasi radius inscripta erant. Alterutrum hic valere debet : Cartesium aut esse graphicum impostorem , aut omnium , quotquot vixerunt unquam , hominum ingeniosissimum & oculatissimum , qui primus potuerit ea dogmata videre omnium mentibus à natura insculpta esse , quæ nullus mortalium ante eum , cognoscere , aut saltem adeo certa ac vera esse , videre potuit. Sycophantis ac impostoribus si accenseri nolit , instituat dogmatum suorum per natura congenita principia demonstrationem , ut applicato principio ad ipsum dogma ( hoc enim requiritur ) mox omnibus pateat illud adeo certum esse , ut qui hoc negare audeat , extra fines eorum , qui sapiunt , ablegandus sit. Mirum vero carissimum hominem , qui philosophiam suam antiquitatis titulo in gratiam sectatorum ,

con-



condecorare gestit, nullum ex antiquis philosophię sectatoribus laudare posse, qui jam olim hæc dogmata per immota sciendi principia explorata habuerit. Quotiescunque de dogmatis alicujus antiquitate disputatur, probatio instituitur per sectatores, qui jam olim & à multis seculis ejus consortes fuerunt; ut exploratum quoque illis est, qui Ecclesię suę, per qualiscunque antiquitatis titulum, existimationem asserere audent. Omnia si quis pensiculate examinet, mysteriumque antiquitatis hujus excutiat, cognoscat in schola Cartesiana illud dogma esse antiquissimū, quod in cerebro domine Renati conceptum ac natum est, secundum aut principia, aut similitudinem, quę sectę ejus immotorum principiorum omnibus aliis hominibus in frementibus, passim vicarias operas præstant. Extra Cartesium, si quis ex ejus sectatoribus antiquitatem hanc quærere velit, unum ex tribus his probare debebit: Aut quem præter ipsum Cartesium præscis seculis eadem per omnia dogmata amplexum fuisse: Aut omnia, quę Cartesius vice principiorum jactat, à natura omnium hominum

mer-

mentibus insculpta esse : Aut denique Cartesiana dogmata, quæ ex certis principiis in vulgus notis & vere antiquis profluere jactantur, ita implicite in iis contineri, ut per primam, proximam, & certissimam consequentiam ex iis promanent. At nullum ex tribus his punctis æternum probabitur. Quid restat ergo nisi ut hominis dogmata pro novis deliriis habeantur, quibus antiquitatis exuviæ per jactantiam eodem modo aptantur, ac loquaci corniculæ aliarum avium plumæ.

## CAP V T II.

*De philosophicorum dogmatum evidentia.  
Cartesius fucum facit obtrudendo evidentiam propositionis pro evidentia probationis. Quo fine hoc faciat ?*

**V**T quarumcunque scientiarum, ita præ cæteris philosophicarum, dogmata commendat evidentia sive perspicuitas. Ea vero, quod bene distinguendum, dupliciter alicui dogmati accidit. Evidens enim illud est aut ratione veritatis,

titatis , quam illi competere perperspicua & tamen immota principia ( quibus accenseri quoque debet scriptura ex rei veritate multis locis quam perspicace de rebus naturalibus loquens ) probari potest : Aut evidentia ejus consistit tantum in modo proponendi , cum scilicet dogmata adeo dilucide & clare , hoc est perspicuis loquendi formulis nullas in se continentibus ambages ac ænigmata , proponuntur , ut ab omnibus , indoctis quoque , citra difficultatem intelligi possint. Ea evidentia deprehenditur sæpe in absurdissimis etiam & ab altera evidentia remotissimis opinionibus , deliriis Thalmudicis & Mahumeticis. Quanquam vero indocti Novatores ( ut præ aliis in Paracelsi sectatoribus videre est ) ut plurimum antiquam veritatem obscurissimis loquendi formulis intricare solent , quo nova videantur ea , quæ explorata quoque fuere antequam Theognis nasceretur : alii tamen , qui fiduciam absurdarum novitatum habent , eas posteriori evidentia exornare laborant , quo incautis & fallaciarum ignaris persuadeant , illa , quæ evidenter & plane ab omni-

omnibus cognosci possunt, evidenter quoque & certe demonstrari posse. Inter subdolos hos novatores namque quoque suum Renatus noster profitemur, ut credulis enim persuadeat philosophiæ suæ primas deberi, eam ab evidentia commendare laborat, subdoleque ut dein probabimus, posteriorem evidentiâ cū priori confundit. Verba ejus hæc sunt, prout occurrunt epist. ad Dinet. pag. 168. *Non est mirandum, si quis per planas & faciles vias, quas secutus sum, magis promoveat, quam alii multo, majori ingenio præditi per salebrosas & impenetrabiles illas, quas sequuntur, & iterum pag. 173. Ex his patet, nullam revera esse rationem, ab quam nonnulli tanto studio, reliquos homines ab iis cognoscendis velint avertere: nisi quod nimis evidentes, & certas eas esse existimantes, vereantur ne ob sint famæ doctrine, quam ipsi ex aliarum minus probabilium cognitione quasi verunt. Mi homo, antiquæ philosophiæ consulti existimationi suæ non metuunt, aut ab armato pepone, aut galeato lepore. Ad aniculas, improvidos adolescentulos, & imperitam turbam phaleras. Quam jam eas evidentiâ dogmatum tuorum, ea*  
haug



haut magis illa certa & vera reddit, ac  
 somnium Thalmudisticum de Levia-  
 than, quod multo perspicuius & evi-  
 dentioribus loquendi formulis à Rab-  
 binorum filiis, ac quod ex tuis somniis  
 proponitur. Enimvero quis evidentiam  
 narrationis non videt, quando magistri  
 Thalmudici narrant; piscem quendam  
 magnum esse, nomine Leviathan, qui  
 cauda sua totum terræ globum conti-  
 neat, motumque terræ caudæ concussi-  
 one excitet, recessum vero mari confe-  
 rat quotiescumque branchiis aquam at-  
 trahit, accessum autem, quando, quam  
 attraxit aquam, iterum expuit; quis sa-  
 næ mentis tamen inde inferat fabellam  
 evidentia narrationis sive propositio-  
 nis gaudentem, simul condecoratam  
 esse evidentia certitudinis aut probati-  
 onis. Pari enim jure posteriorem hanc  
 evidentiam quis simul assignare posset  
 Æsopi fabulis, Hesiodi Theogeniæ, &  
 Valentinianorum Æonibus. Libenter  
 damus Cartesianis ineptiis adesse evi-  
 dentiam propositionis, sed simul eas  
 gaudere altera evidentia, quæ potissimū  
 commendat philosophica dogmata, ip-  
 se ut ut omnia agat, nunquam proba-  
 bit,

D

bit,

bit. Ne videamur vero calumniatorie cum homine agere, age, evidentiam certitudinis sive demonstrationis in uno tantum ex suis dogmatibus æquè ostendat, ac per evidentiam narrationis proponere illud scivit. Lepidus Philosophus statuit glandulam conariam sive pinealem esse unicum sensorium animæque instrumentum, quod ut probabile videatur fingit eam moveri, & ne de motu quis ambigat, commentus est cum suo Medico; *eam in medio ventriculorum cerebri à spiritibus animalibus undique cingi & perfundi, motumque fibrillis nervorum impressum ad cerebrum diffundi, necessario etiam contiguis spiritibus, in ventriculis cerebri existentibus, imprimi, ac illorum ope glandula pineali, tumque animæ communicari.* Quæ omnia ab otioso speculatore ficta fateor quidem per evidentiam narrationis proponi, sed ubi evidentia probationis aut certitudinis? Cartesius, aut Cartesianus quis, si vir haberi velit, probet aut per experientiam sensuum aut rationis, aut quantumque aliam evidentem & certam demonstrationem sequentia puncta, id est, *Ventriculos cerebri, instar veli, ut alibi*  
Medi-

Medicus loquitur; spiritu animali turgere. 2. Motum imprimi febrillis nervorū. 3. Motum fibrillis illis impressum deferri ad cerebrum. 4. Glandulam pinealem in vigilantibus vel sponte moveri ab anima, vel fortuito ab arteriis carotidibus eam involventibus. 5. Dato, glandulam conariam moveri, eam esse unicū sensorium & animæ instrumentū. Quinq; harum assertionū ubi Cartesianus aliquis evidentem attulerit probationem aut demonstrationem flagitabimus idem circa alia dogmata, quæ breviter examinamus, Sect. Tertia. Si similitudines, & reliquas evidentium demonstrationum umbras in acceptum nequaquam referre volumus, solidas eas esse cupimus, & ut Cartesiani adferant, expectabimus. Sed tempus est ut evidentiae mysterium, quod philosophiæ Cartesianæ adesse fingitur, penitus paulo excutiamus. *Primo* ergo illud jactatur, quo antiqua philosophia citra pulveris jactū & prægredientiū rationū insultum de gradu præcipitetur: in ea enim cū quedā sint recōdite veritatis, quæ ab ipsis epoptis vix aut cognosci, aut verbis adeo perspicuis proponi possint, ut ab omnibus æq; evi-

ter ac fabula de Leviathan cognoscā  
 queant, subdolus homo invidiam ei  
 conciliare laborat, quasi propterea ea,  
 novis suis somniis cedere debeat, quod  
 omnia sua dogmata non eadem propo-  
 sitionis evidentia concipere possit. Sed  
 secundum eandem consequentię regu-  
 lam posset quis extra Canonicorum li-  
 brorum fines epistolas Paulinas depor-  
 tare: Petrus enim Apostolus fatetur in  
 iis quædam *δυσκόνη* sive *difficilia* intelle-  
 ctu dogmata inveniri: item triumphabunt  
 Sociniani, propterea enim ample-  
 cti recusant doctrinam de Sacrosancta  
 Trinitate, Deitate Christi, personalita-  
 te Spiritus sancti, satisfactione Chri-  
 sti, justificatione gratuita per fidem ut  
 instrumentum amplectens Christi meri-  
 ta, resurrectione hujus carnis, &c. quod  
 in iis non videant tantam propositionis  
 in scriptura evidentiam, quantam effla-  
 gitant, quamvis Scriptura certitudinis  
 & probationis evidentiam variis locis  
 contineat. *Secundo*, cum hac evidentia  
 Helena fornicantur Cartesiani, quo li-  
 berentur onere probationis, abunde e-  
 nim se officio functos esse arbitrantur,  
 quando evidentia narrationis dogma-  
 ta sua



ta sua excoluerunt. Vel in uno Cartesii Medico videre est : cum videretur præterito anno sibi in Philosophia Dictator esse, quod aliquos sectatores haberet, sæpe publice privatimque à discipulis rogatus est ut evidenter probaret ea, quæ evidenter docebat : perpetuo autem iis satisfecit, si similitudines (de quibus deinceps dicendum erit) deessent, generali dissertatione de dogmatum suorum evidentia : quasi vero propterea Cartesiana effata sint oracula & evidenter certa ac probata, quia quis ex sectatoribus ejus testatur ea evidenter ab omnibus cognosci. Hinc idem non dubitat ita gloriari in responsione ad præfatiunculam Thes. D. Voetii : *Certe, ut verum fatear, cum non utar aliis rationibus, quam solis evidentissimis, & quæ à quolibet intelligi possunt, cui tantum sensus communis est integer, &c.* Quasi scilicet nude propositiones aliquando frigida similitudine, ut illa quæ de cæci baculo, instructæ, sint *evidentissima rationes*. Tertio, versipellis Cartesius, quod forte ne ipse quidem ejus Medicus animadvertit, dum persuadere sectatoribus suis studet omnia sua dogmata eviden-

ter probata esse, tantum apud eos, quis philosophantium Deus audire gestit: certus enim alios, præter evidentiam propositionis, simul efflagitatuos esse evidentiam probationis, acquiescere nō uno loco se ostendit si tantum cœcæ obedientię affectę fidem hanc implicitam sibi impertiantur. Quod quis rideat enim in hoc contradictionis magistro, a libi fatetur sua dogmata & rationes, quas quotquōt sensu cōmuni gaudent, intelligere possunt, à paucis admodū intelligi. Sic enim in Epist. sæpius laudata pag. 115. *Quo artificio facile omnes eos, qui me non norunt, nec scripta mea viderunt, ab iis legendis avertisset; ac etiam eos, qui viderunt quidem, sed nondum satis intelligunt (N. B.) hoc est fere omnes qui viderunt, ab ipsis ulterius examinandis revocasset.* pag. 160. loquitur: *Ea est fortuna speciminum meorum, ut quāvis non à multis intelligi potuerint, quia tamen à nonnullis, iisque maxime ingeniosis & doctis, qui ea dignati sunt examinare curiosius, multas veritates; nondum ante vulgatas, continere comperta sunt &c.* quibus verbis innuere vult; opiniones suas evidēter propositas evidenter quoque probatas videri

deri paucis iis, quibus Cartesius instar omnium aliorum hominum est, non intelligi vero, aut intelligi posse ab iis, qui aspernantur illud *αὐτὸς ἴσα* & præter nudam dogmatū propositionem, amplius eorum probationem efflagitant. Hoc enim musteæ philosophiæ mysteriū est, ut evidenter superiori sectione ostendimus; Quisquis Cartesianæ philosophiæ sectator esse cupit hanc sibi legem ferre debet: Quicquid Cartesius dixerit ut oraculum amplectar, & evidenter probatum esse fatebor, si evidenter solū propositum videro. Deus hominum horū misereatur, iisque bonam mentem clementer largiatur.

CAPVT III.

*Frustra Cartesiani ad asserendam philosophiæ suæ evidentiam discipulorum progressus jactant. Hominibus misericordia dignus nullus invidet.*

**I** Actabundus homo Renatus des Carres, quo philosophiæ qualicumq; per evidentiam, quam superiori capite expendimus, applausum cōciliet; gloriatur nō uno loco de progressibus, quos brevissimo temporis spatio sectatores sui facere solent, hunc pœne in modū argutādos:

D 4

Illi.

illi philosophiæ principatus est deferendus, quæ facillimo negotio addiscitur, & per cujus principia rerum naturalium arcana nullo negotio recluduntur. Quo enim, nisi huc, ejus verba spectant, superiori etiam capite à nobis laudata: *Non est mirandum, si quis per planas & faciles vias, quas secutus sum, magis promoveat, quam alii multo majori ingenio præditi per salebrosas & impenetrabiles illas, quas sequuntur.* Vltterius secundum Cartesianæ jactantiæ regulas Medicus progressus, in Resp. ad præfatiunculam D. Voetii ita loquitur: *Iam diu per novæ, magnos auditorum meorum progressus, quos brevissimo temporis spatio apud me faciunt, quosdam male habere, &c.* Quasi vero ringatur philosophus, si quis citius aut in sutoria, aut textoria palæstra, quam in sua, laurum adipiscatur. Iam olim antiqui sophistæ quo plures pellicere, & majorem rem facere possent, discipulorum ac auditorum suorum progressus jactare solent. Brevem ac facilem libellum facilius quis ediscere, & memoriæ scrinio includere, quam difficilem & elephantinum potest. Cartesius pro rara scilicet sapientia diffusas prolixasque

discr-



disciplinas in arctas compendiorum angustias contrahere ut & momento quasi obediētes auditores docere. Doctrina de male-cohærente sanguinis circulatione secundum ejus philosophiam Theoreticæ Medicinæ est fundamentū, ad ejusque praxim via compendiaria Metaphysica pars philosophiæ alias ardua, Cartesii sectatori in principalibus dogmatibus exploratissima erit, si per suum COGITO ostendere possit, præter nihil esse aliquid, animam à corpore distinguere, Deum existere, animamque immortalem esse. Physica Theoreticarum disciplinarum diffusissima ac maxime jucunda, perfecte tradita creditur, & contendere posse cum quorumcumque tum antiquorum, tum recentiorum philosophorum systematibus, si omnia ea complectatur, quæ Cartesius præ omnibus philosophis exploratissima habere videtur. Secundum eandem methodum idiota quis, qui quatuor aut quinque tantum Scripturæ textus interpretari scit, citius Theologiæ candidatum formabit, quam omnes ejus in Academiis Doctores, si possit enim credulo & decipi cupienti discipulo persuade-

re totius Theologiæ cardinem in paucorum illorum locorum qualicumque explicatione verti, antevertet omnium Theologorum labores & sedulam institutionem; quandoquidem hi ignorant quantum *overap* sive *somnium* in jactabundæ ignorantia compendiis situm sit. Eodem modo medicaſtri formari solent in agyrtarum & circumforaneorū empiricorum conventiculis: facilius enim quis alicujus balsami, cui omnigenæ virtutes affinguntur, confectionem addiscere potest, quam cuncta medicinæ arcana cognoscere. Sed omnia pressius expendamus? *Facilius quis in Philosophia Cartesiana, quam in antiqua illa, quæ in omnibus Academiis docetur, proficere potest.* Rationes quæris? quatuor reddam. Id est, si omnium rerum ignari adolescentes, aut quicumque philosophicorum myſteriorum imperitiſſimi à jactabundo magistro pauca theoremata didicerint, ultra Aristotelem ac Platonem spirare audent, sibi que jam tum summi philosophi videntur, quando alii vix ultra cortinam progressi sunt. Grammaticam sequitur superbia, rudimenta philosophiæ in Cartesii schola

con-

contemptus & vanissima persuasio. 2. Quæ in aliorum philosophorum scholis ad *ἀπλῆτα* philosophandi, ut per omnia necessaria, ab auditore efflagitantur, ab hac palæstra sunt proscripta, in eam quippe intrare potest non tantum logicæ ignarus, sed altissimus quoque ignorantiae gurgis: Cartesio enim si obsequi velit, mox felicissime philosophabitur. Non dico quod omnia hic per theorematâ nuda proposita, ut certissimo probata habentur, quoniam ex Domini Renati tripode promanarunt, quæ alii philosophi, nasutiores scilicet, non nisi per evidentes probationes confirmata, sectatoribus suis aut proponere, aut inculcare audent. 3. Pauca, imo paucissima sunt, ut modo ostendimus, quæ Cartesianus sectator in Philosophia scire tenetur; quid mirum vero brevissimo temporis spatio carmen non admodum prolixum addisci. 4. Alii, qui philosophiam docent, auditores suos ad libros ablegant, quo in iis repetere possint ea, quæ ex præceptoribus suis didicere, omniaque,

D 6

quæ

quæ audiunt , velut ad aliquem Lydium lapidem examinare : immunis vero ab hoc onere est Cartesianus , libros enim quia neque legit, neque, ut superiori sectione ostendimus , legere potest, (pendet enim ab unius Cartesii ore ) omnia Cartesiana oracula, quemadmodum Pythagoræ discipuli Doctores sui scita , ediscere potest dum alii in præceptorum suorum opinionibus examinandis occupantur. Sed addit Medicus : *Diu per me magnum auditorum meorum progressus, quos brevissimo temporis spatio apud me faciunt, quosdam male habere. Itane? invidia ibi regnabit, ubi locus misericordiae est? artem hanc didicit à domino Renato, qui passim videri vult per quorundam invidorum malevolentiam opprimi ac submoveri. Quasi scil. quis ex unctorum munere pauperum pannos oculo retorto aspicere, aut sani & veri amantes philosophi Epicuro turbam & sectatorum frequentiam invidere cōsueverint. Secure homines mei dormite, & per me quidem, in utramque aurem & oculum : nullus ex philosophis vobis invidet, quia invidia dignum nihil in nugis vestris invenire potest. Credite*



dite homini mentiri haut solito : non  
 magis quis ex iis, qui in Academiis Phi-  
 losophiam docent quisquiliis vestris i-  
 rasitur, ac juris Antecessores nupero  
 juris carcinomati, qui ut intra sex men-  
 ses juris Doctorem formare posset do-  
 ctorem omnibus iis, qui ex Academiis  
 prodeunt, post inculcatas qualitercunq;  
 generales definitiones, amplius indica-  
 bat legum tum Pandectarum tum Co-  
 dicis numerum, item quoties in toto  
 corpore aut vocula *Et*, aut *etiam* in-  
 veniretur. Agyrtarum & honestissima-  
 rum artium mangonum hoc seculo u-  
 berior numerus est, quam muscarum  
 fervente Canicula. ut vero omnes, qui  
 cor habet & quid in re literaria vident,  
 generoso contemptu contra eos se mu-  
 niunt, ita & improvidam juventutem  
 contra eorum insidias ex conscientie  
 dictamine quam fideliter monere labo-  
 rant. quare & aliquando contra eos  
 scribunt, non quod tanti farfari folia  
 putent, ut contra illa sit concitandus  
 Boreas; sed ut ea nosse incipiant, qui aut  
 per ætatem, aut rerum imperitiam o-  
 mnia dijudicare non possunt. Quod si  
 Cartesius, homo nimis quam supercili-  
 osus

osus, animadvertisset, se ipsum haut titullasset, nec hoc prudentiæ suæ p. I 64. epist. ad Dinetum, specimen edidisset: *Quanto vehementiores in meis impugnandis esse animadverti, tanto pluris me ab ipsis fieri existimavi.* Quorsum, mi homo, cristas tollis? qui contra te scribunt tui tuarumque apinarum nullam habent rationem, sed eorum solum, quos per patricias artes, quibus commenta tua nituntur, posses decipere. Homines seculi hujus Thracibus haut similes sunt, qui per avitam simplicitatem decipi vix poterant, novis rebus nimium quam student, iisque dum inhiant, sæpe haut difficulter circumveniuntur. In tui gratiam quisquis scribere visus fuit, ea quæ menti molestias creant, submovere voluit: quæ utinam velis abjicere, quando in paucis his chartis philosophiam tuam coloribus suis delineatam videbis!

CAPVT

CAP V T I V.

*Antiquæ & receptæ philosophiæ nullum periculum à Cartesio imminet, quoniam verbis tantum ab eo oppugnatur : quæ occasione ostenditur, quæ modis philosophiæ illa infelicitè à variis oppugnari solet.*

**P**ergimus Cartesianam philosophiam velut in tabella repræsentare, quæ ut antiquissima & evidentissima haberi possit, antequam ex suis principiis nova dogmata procudere instituat, omni conatu & molimine veterem philosophiam submovere instituit. in vacua enim arena quomodo regnare possit, nisi ante omnium sectarum dogmata semita cedant. affectat autem hæc mustea morosophia ἀνταρχίαν, & quidem astute. Omnes veritatis thesauros sola possidere creditur, reliquæ philosophantium familiæ nulla delubra habeant, in quibus sua ἀμύματα recondere possint. Secundum ejusdem notis regulas loquaces mendacesque de circo maximo medicastrum à popello adorantur, quando per machinationes eorum,

ut

ut aliquando accidit, docti & exercitati medici submoventur. Quomodo vero dominus Renatus veteris philosophiæ mœnia concutit & oppugnat? Exemplo Torentiani Thrasonis, verbis. Libet vero ea hic iterum adferre, quanquam supra in antecessum lectori exhibita fuerunt: Ita autem habent, prout occurrunt in Epist. ad Dinct. pag. 169. & seq. *Quin imo profiteor ne unius quidem questionis solutionem, ope principiorum Peripatetica Philosophia peculiarium, datam unquam fuisse, quam non possim demonstrare esse illegitimam & falsam: Fiat periculum, proponantur, nō quidem omnes, neque enim opere pretium puto multum temporis ea in re impendere, sed pauca aliqua selectiores, stabo promissis. Expavescite Peripatetici, & quotquot antiquam, in Scholis & Academiis philosophiam docetis; adest novus ex Gallia Hercules, ut uno clavae ictu contundat & cōfringat omnes inanium dogmatum substructiones, quas vos nocte dieque fulcire laboratis. Quid fiet si homo noster sine mente sone hæc opera vestra diffiant? an non gallam bibere, rugasque ventri indicare cogemini? Trepidarem vobis,*



vobiscum, nisi scirem sermonem hunc inficetore inficetorem esse, vanos hominis insultus substantiales nostræ formæ expertæ sunt, & adhuc instar immotæ rupis in statu stant. λόγος certe tantum scit Renatus. Verba ejus, quæ occurrunt in laudata sæpius Epistola pag. 204. *In omnibus* (libellis in quibus scilicet disputatur pro formis substantialibus) *nulla, vel minima, ex rationibus Medici, non dicam solide, sed ne quidem verisimiliter est refutata*; haut magis veritatis assertores ferire aut cōcutere possunt, quam prætervolans noctua Atlantem montem. Hoc modo si expugnari posset antiquæ philosophiæ veritas, cujus strenuissimus assertor Aristoteles, jam millies de ea triumphatum fuisset, laurumque saltem Renato, præripuisset Robertus Fluddus; in libris enim variis atheismo-libertinismum spirantibus, tantum vellicando contra Aristotelem præstitit, quantum hic jactabundus minis. Ne vero quis, qui haut exploratum habet antiquam philosophiam inconcusso fundamento niti, præter necessitatem ei metuere incipiat, amplius hoc capite artes notabimus.

qui-

quibus, validorum arietum loco, non tantum à Renato, sed aliis pluribus, eo longe doctioribus ac ingeniosioribus, pulsari ac oppugnari solet. *Principio* ergo, quidem existimantes à sanæ mentis philosophis unum Aristotelem, ejusque scripta quæ supersunt, sola, antiquæ philosophiæ compendium haberi, omnibus machinis tum philosophum, tum ejus libros cedro dignissimos, auctoritate exuere laborant. Contra illum quidem plaustra convitiiorum colligunt, objiciendo ei, quicquid tot per secula quis aut Aristotelico-mastix, aut veri parum curiosus scriptor ab aliis deceptus, de viro supra viros minus candide perhibuit. Quasi vero adversariorum, imo juratorum hostium, testimonia contra infontem quem, ad eum condemnandum audiri debeant, aut viri boni existimatio lædi possit per rumusculos ab Outide quo de eo in vulgus sparsos. Eodem modo atheus quis benedictum nostrum Salvatorem Christum convitiiorum fuligine offuscare posset, si ex historia Evangelica Pharisæorum, Sadducæorum, aliorumque diaboli clientum calumnias, quibus ipsam

ipsam innocentiam gravare voluerunt, colligeret. Quod ad scripta, in iis multa redarguunt, sed nihil ex iis lædere potest philosophiam antiquam, quæ ubique, pauca si excipias commata Aristoteli propria, in illis proponitur. Multa ergo ea esse clamant, quasi hoc quisquam unquam negarit. Aristotelica scripta instructum quidem antiquæ philosophiæ promptuarium sunt, non tamen perfectissimum ac ad unguem factum systema: ad hoc quisquis in iis versatus est, novit quædam in illis explicite, quædam vero implicite contineri. Dein *ταυτολογίαν* carpunt, quasi vero quædam quæ suo loco plene pertractantur, alibi incidenter non liceat attingere. Tertio obscuritati infesti sunt, sed ante bellum indicere suæ ignorantie. deridēdū se cæcus propinat, si lucis, quam animadvertere non potest, obscuritati irascatur. Quarto, contradictionum cogunt æcervos, sed simul totidem putidæ inscitiae, & ingenii ad calumniam compositi, trophæa erigunt. Quinto, methodū carpunt: verum ante inquirere deberent in leges ordinis, quem philosophus ut quoque tracta-

tractatu servare instituit: Denique, diversum tractandi modum ferreis conviciis contundunt: sed simul observare debuissent diversam rerum materiam styli diversitatem exigere. Alio characterē in Evangelio, alio in Epistolis, alio in libro Revelationis Iohannes utitur, & tamen tria illa scripta ex æquo auctorem habent Spiritum sanctum. *Secundo*, belli quidam homines, antiquæ philosophiæ, quæ thronum in omnibus Academiis ac Scholis erexit, muros se funditus evertere somniant, quando placita sua per omni ab ejus principiis discrepantia & in vulgus jactata aliqua, ex iis nempe qui sacra novaturiendi prurigne laborant, sectatores inveniunt. Pauperitini ingenii homines, & clientes nullos videre soliti, Xerxis equitum pedumque nubes se diffilare posse credunt, si tot assecclas inveniant, quot numero Musæ sunt. Et cur non? arma quibus pugnant, convitia, & Thraconismi sunt: nullum veteris philosophiæ dogma oppugnare sustinent, ultro tamen eam celsuram existimant, si dogmata sua, quam longissime ab antiquæ veritatis effatis recedant. *Tertio*, quidam ex his duellatori-



latoribus, quo terribiles videantur leones, induunt exuvias Thaletis, Pythagoræ, Anaxagoræ, Heracliti, Parmenidis, Xenophanis, Democriti, aut alterius alicujus philosophi ex annalium memoria, qui ante perfectam ab Aristotele doctissimisque ejus interpretibus philosophiam, in commune suam sportulam conferre voluit. Lepidi vero homines: ut Aristotelem supprimant, ex Aristotele margaritas suas legunt, quarum sublestam fidem & pretiū nullus melius arguere potest, quam ille ipse, qui quotidie talium plagiariorum manus volens nolens experiri cogitur? tantundem vero perspicaces hi aquilæ præstant, ac si quis abjectis laneis vestibus, quarum hodie usus est, ad veterum pelles rediret, & tamen in vulgus spargeret ejusmodi amictus primum se authorem ac architectum esse, quod ejus usum post aliquot secula revocaverit.

*Quarto*, quidam antiquæ philosophiæ genuinum usum ignorant, per omnia eam inuilem esse, & proinde obscurandam incautis persuadere student. Clamantes hos in triviis passim audire est, & multa de philosophiæ usibus ad ra-

vim

vim usque detonantes. Quis audire tamen velit? Calcei Sycyonii concinni tamen & pretiosi erant, quamvis Socrates iis aut uti noluerit, aut uti non potuerit. *Postremo*, nonnulli ex ordine fratrum Ignorantie, vernaculi antiquorum Scepticorum fraterculi, credunt se receptam philosophiam in præcipitium dare, radicitusque extirpare, si infirmiora quædam ejus puncta, cavillationibus quibusdam concutere sciunt. Argute, sic Pyrgopolynicis sociis triumphare solent de imbelli & in armis minime exercitata turba, muscæque exulceratis easdem molestias exhibere, quas aculeo infestæ apes. Sed quis ferateos, qui hoc modo concludunt: Quædam in antiqua philosophia haut solida per omnia sunt, aut ex certis principiis cognoscuntur; Ergo nullius rei naturalis solidam tradere potest cognitionem, nihilque ex immotis sciendi principiis cognoscit. Argumentum per omnia huic simile: Thraso quis sceminam rusticam prosternere, marsupioque exuere potest; Ergo nihil roboris in toto exercitu est, levique negotio cum in fugam convertere poteris. Tria vero præ cæteris agunt, qui

qui postremi hujus artificii professores sunt. I. Vnum aut alterum placitum, arduum per omnia, & propter dissentientium in variasque partes discedentiū multitudinem vix explicabile, sine missione vellicant & exagitant; quale verbi causa est illud in Scholis Peripateticorum de Origine Formarum: iō vero Pæan, quæ hominum est vesania, cantillare audent, si probare possint varias circa illud dogma sententias circumferri, quod erudite etiā ignorari potest. II. Arietes, musculos, catapulta & quicquid in officina est armorum, adornāt & disponunt adversus secundariam ac ex abundanti adjectam dogmatis alicujus probationem: quasi vero illo murū subvertat, qui maceriā, qua circūdatur, corruptam multosq; per annos neglectam difficili conatu subicere potest. In agmine philosophicorū argumentorū nō tantum Achilles & Diomedes sunt, verum statio quoque assignata Therſiti. Enimvero, non quisquis imbellis hoc monstrum prostrernere potest, simul etiam cum heroibus illis congregi audebit. Nisi vero per Thraſonismos cerebrum dilapidassent homines, ridicula hæc virtus

virtutis pericula silentii velo tegere mal-  
 lent, quam libellorum quisquiliis inscri-  
 pta in vulgus prodere. **II.** Quod sy-  
 cophantis proprium est, & antiquis See-  
 pticis perquam familiare fuit (ut ex Se-  
 xto Empirico pagina 168. liquet,) si  
 secundaria & leviora argumenta non  
 inveniant, ipsi excogitant, adversariis-  
 que suis affingunt, ut scilicet strenui vi-  
 deantur duellatores, quia congregi au-  
 dent cum larvis, quas ipsi è stramine cō-  
 fecerunt. Quod mirandum vero, om-  
 nes antiquæ philosophiæ adversarii, ut  
 ut infesti etiam, in locum dogmatum,  
 quæ omnibus viribus submovere labo-  
 rant, nihil solidius aut melius hætenus  
 supponere potuerunt; adhuc novarum  
 opinionum bullæ, quantumvis pelluci-  
 dæ, certarum probationum robore per  
 eos destituuntur, quas tamen cum con-  
 vitio & cantico ab antiquæ receptæque  
 philosophiæ alumnis efflagitare solent.  
 Ut in aliis, ita præ cæteris in Renato no-  
 stro hoc videre est, qui vetustam philo-  
 sophiâ jam diu inter præsumpti triū-  
 phi fercula ostentasset, si verbis debella-  
 ri potuisset. Quam leve vero periculum  
 ei a tanto Thrasone immincat ex infe-  
 lici



lici congressu cum substantialibus formis patet. At progrediamur in detegendis hominis commentis.

CAPVT V.

*Felicitè cum antiqua philosophia dogmatibus Cartesiani congredi non possunt, quoniam neque ea, neque terminos, quibus proponuntur, exploratos habent.*

**V**T ergo securiores sunt, quotquot de soliditate murorum, quibus antiqua philosophia circumsepta est, aut præ ignorantia, aut animi teneritudine, aut rerum imperitia, ambigunt; notandum etiam atque etiam nullum ad eos aut scalas admoveere posse, aut arietes dirigere, nisi qui exploratissimos habeat non tantum terminos, quibus familiariter illa uti solet, sed etiam omnia effata & mysteria, ad quæ sæpe sero ipsi interiorum mysteriorum epoptæ admitti solent. Quemadmodum enim Iurisprudentiam Romanam nullus oppugnare potest, nisi qui omnes juris nodos legumque ænigmata percallet: aut cum Paracelsi sectatoribus cum fructu congredi, nisi qui mysticos absonosq; Bombasti-

E

basti-

bastinorum loquendi modos didicît: aut  
 cum Mahumedi delirantibus filiis dis-  
 putare, nisi qui in Alcorani phraseolo-  
 gia exercitatus est: aut cum obfirmatis  
 Iudæis congredi, nisi qui Thalmudem  
 legit, formulasque Rabbinorum præ-  
 meditatas habet: Ita nullus mortalium,  
 quisquis etiam sit, antiquæ & receptæ  
 philosophiæ ἀσπονδον πόλεμον indicare  
 potest, nisi exercitatus sit in Scholasticis  
 terminis; qui quanquam delicatis Tul-  
 lianorum auribus ingrati ac insipidi sæ-  
 pe videntur, per quam consignerant  
 tamen recondita veritatis oracula ex-  
 plicant. Tuam sententiam, ut ut absõ-  
 nam, qualicunque phraseologia concipias  
 aliisque proponas: alienam vero si  
 oppugnare ac de gradu præcipitare ve-  
 lis, necessum familiaria tibi feceris te-  
 chnologica vocabula, quibus arcana  
 quæque dogmata explicari solent. Hinc  
 liquet quam infelix, ne dicam ridiculus,  
 receptæ philosophiæ oppugnator Car-  
 tesianus quis sit. præterquam enim  
 quod oblivionis, ut ante notavimus,  
 mancipium, non potest meminisse ter-  
 minorum ac dogmatum antiquæ phi-  
 losophiæ peculiarium, (modo un-  
 quam

quam ea explorata habuerit) ad ea cum ratione examinanda : amplius ipse ingenue fatetur, se nullos alios terminos, aut loquendi formulas curare, quam quæ novis opinionibus qualitercunque explicandis inserviant. Ita enim Medicus in Respons. ad Præfatium. Thes. D. Voetii : *Nunquam negligo explicationem terminorum seu phrasum meæ professionis, quotiescunque data occasio id postulat, uti probant meæ Theses quæ magnam partem iis scient : verum majore sollicitudine solidam ipsarum rerum conor auditoribus meis tradere cognitionem. Et certe, ut verum fatear, cum non utar aliis rationibus, quam solis evidentissimis, & quæ à quolibet intelligi possunt, cui tantum sensus communis est integer, non indigeo ad sensa mentis explicanda multis terminis à vulgari locutione alienis : hinc fieri potest, ut citius ipsarum rerum veritas, quam trado, addiscatur, & animo veritatis cupido circa præcipuas Philosophiæ difficultates satisfiat, quam omnes termini memorie mandentur, quibus alii ad eosdem nodos solvendos uti solent,*

quorum tamen omnium adminiculo nunquam ingenis paulo perspicacioribus plene satisfaciunt, sed solis tenebris & nebulis animos eorum replent. Sed dato, revera, (quod nunquam tamen quis ex Cartesii, sectatoribus probabit) plerosque terminos, quorum usus est in recepta ac antiqua philosophia, inservire obscurandæ veritati, an propterea tamen eorum vim ignorare debebit, qui hoc agit, ut somnia sua, vaniora iis quæ à febricitantibus videntur, ad illud gloriæ culmen evehat, quod per multa secula philosophia, quam summotam cupit, secure, frementibus omnibus Codris, occupavit? An non ringeretur Cartesius, si aliquis, qui Peripateticis sacris innutritus est, propterea æthereos globulos rejiceret, quod nunquam eorum in Peripato mentionem fieri audivisset? ut est jactabundus deliriorum suorum assertor, in triviis proclamaret verissimam suam sententiam citra examen, proscribi ab eo, qui ipsorum terminorum, quibus explicatur, est ignarus. Si, alii eam legem audeat præscribere, cur non si semper lege tenebitur? Si velit discipulos suos infestis mucronibus jugulum



gulum antiquæ philosophiæ petere, explicet ante terminos, quibus communiter circa dogmata sua uti solet: eos ubi intelliget aggredi poterit veritatem immobili cubo insistentem. Enimvero quomodo ego explodere potero Rabbinorum somnia physica de Behemoth, Leviathane, bar Iuchne, & Zis ea. item Valentinianorum *Æones*, ac lex opinionum portenta cubantia in sinu aut Paracelsistarum, aut Fluddi, aut Cartesii; aut alterius alicujus erronei, nisi simul mihi! exploratissime sint tot terminorum absonorum centuriæ, quas pro dogmatum suorum patrocinio quæque secta in aciem educere solet. Idem Medicus Primorosio viro doctis. cum non satisfacere posset commentum de circulatione sanguinis oppugnantem, in *Spōgia* pag. 10. & 11. exprobat, quod *in intelligibili* (hoc est Cartesiana) *philosophia parum versatus esset*; inde & in ipso libelli vestibulo pagina scilicet 3. ea quæ à medico eximio dicta erant, pronunciat *responsione indigna solo risu & contemptu refutanda esse*: cæterum ipso viderit an non dignissimus sit omnium Peripateticorum contemptu, quando (ut proluxa



inductione ostendere possem) audacter omnia prope Peripateticorum dogmata carbone notare audet, & ut inepta explodere; cum tamen ipsorum terminorum, quibus ea concipiuntur, non tantum se ignarum esse aperte prodat; verum & sæpissime publice privatimque discipulis suis inculcarit, *terminos Metaphysicæ* (quorum in omnibus prope dogmatibus antiquæ philosophiæ maximus usus est) *corruptelam esse omnium disciplinarum*. Ut ipse vero non tantum ἰδὲα (loquor ex ejus opinione) verum & λυγροί didicisse videatur in Resp. ad Thesin I. Append. D. Voetii pag. 9. sic loquitur: *Dudum Scholarum philosophiam, nominatim logicam, physicam, metaphysicam si non accuratissime, saltem mediocriter perdidicimus*. Mediocriter tantum si antiquam philosophiā didicisti, mediocriter etiam obesse ei poteris: hoc est instar muscoli modes ferrum, quod, nisi panis speciem præ se ferre tibi videretur, infesto dente non peteres. Nec præ discipulo sapit Magister Renatus: in Responsione enim ad Iudicium Senatus Academici Ultrajectini, quæ inserta est Epistolæ  
ad

ad Dinetum pagina 200. ut doceat technologemata aut artium vocabula, quibus utitur philosophia, per omnia otiosa esse, hunc in modum ineptit: *Quasi vero necesse sit ut Philosophia, quæ ad veritatis cognitionem est instituta, doceat ulla vocabula, quibus ipsa non egeat; cur non Grammaticam & Rhetoricam potius eo nomine condemnat cum eorum magis officium sit agere de verbis, ac tamen ab istis docendis adeo sint aliene, ut tanquam barbara rejiciant.* Sed dato, mi homo, vestram philosophiam, hoc est lepida somnia ejus commatis vocabulis non indigere, an propterea tamen, tu qui Philosophiæ agmina tam facile diffilare potes, quam ventus folia, eorum ignarus esse debebis? Nisi forte secundum Caballisticam tuam Algebram aliquis expugnare possit castellum, & tamen ignorare vias, quæ ad illud ducunt. Quemadmodum per certas formulas in solitaria tua Schola usitatas, pervenitur ad cognitionem quælibet cumq; tuorū dogmatū, sic per artis

vocabula peculiaria receptę philosophiæ, verissima illius effata cognoscuntur. Quantus vero Grammaticus & Rhetor sis, aperte orbem doces, Cujus quæso Grammatica & Rhetorica negant antiquæ Philosophiæ propria esse technologemata, quæ ab illius candidato cognosci non debeant? quanquam ea ipsa enim non probant ut sua, aut cultioris eloquii studiosis ad usum præscribunt, tamen ultro concedunt ea locum in philosophia habere, quia ipsę similia, sibi que peculiaria possident. Etenim ut nemo v. c. in Grammatica oppugnare potest definitionem aut generis, aut speciei, aut participii, ac in Rhetorica genus demonstrativum, deliberativum, ac juridiciale, item tropum & figuram, nisi probe artificialiū eorum vocabulorum vim percalleat, ita & nullus nisi amens, antiquę philosophię cum fructu bellum indicere potest, nisi per technologemata ei peculiaria omniū dogmatum (aut saltem eorum quæ oppugnat) mysteria intropexerit. Requirit illud in eo, qui receptæ philosophię mœnia concussurus est, probe sciverunt uterque Patrius, Tilesius, Taurellus, Basso, & nuper

Fratres



Fratres Bootii, qui ingenue fatentur se ante per multos annos non *mediocriter* solum, verum quam accuratissime expendisse antiquæ philosophiæ dogmata per proprios terminos sibi exploratissima, quam in illa infestum stylum stringere ausi fuerint. Imo, ipsi antiqui Pyrrhonii, quos non sine ratione Lipsius 2. Man. ad Phil. St. dig. 4. omnium philosophorum sapientissimos & doctissimos fuisse judicat, quod, quo evertere possent, omnium dogmata exploratissima habere debuerint. Proinde, mi vir, ne orbis fias ludibrium, usquedum antiquam philosophiam, quam tibi ignotam adeo contemnis, probe intelligas, in antro secure quiesce; utque paulatim in terminorum cognitionem pervenias (expende quæso quam faventem adversarium habeas) diligenter perlege Castanæi distinctiones, aut potius Lexicon Philosophicum Goclenii sic satisfacies voto Dn. Renerii quondam à tuâ philosophiâ non alieni, ex cujus ore non semel audiivi, cum forte & mihi tuorum mysteriorum salivam movisset, neminem cum fructu tua meletemata posse imbibere, nisi qui quam accuratissime,

nedum mediocriter, in antiqua philosophia versatus sit.

## CAPVT VI.

*Cartesiani, cum sint infelicissimi experimentista, experimenta tamen philosophiae suae amissim esse capiunt.*

**D**Einceps expendendum, quisnam Lydius lapis sit, ad quem nova Cartesii philosophia (quæ ante omnia suppressam esse cupit antiquam & receptam illam) omnia sua scita ac dogmata explorat. Non unus vero ille, sed quintuplex est: Experientia, nempe, Ratio, Algebra, Geometrica, & Mechanica, de quoque ordine, & quidem hoc capite, de Experientia. De ea vero non sine ratione alicubi Medicorum princeps Galenus: ἡ αἰσθητικὴ μόνη κερθίστερον ἀ πάντων ἐστὶ βέλαιστατον; hoc est, *Experientia sola est omnium iudex certissimus.* ut enim illius usus in vita politica maximos silentio prætereamus, philosophia naturalis siue physiologia per experientiam quam gignunt individuales observationes non tantum est inventa & perfecta, verum per eam etiam;

etiamnum dijudicari debet. Notandum vero, ut ex parte quoque innuimus capite hujus sectionis primo, eam duplicem esse: Experientiam sensus & rationis. Illa est observatio multorum individuorum instituta per sensuum externorum ministerium; ut si verbi causa, quis experiatur granum piperis à se sumptum vim calefaciendi habere, item sumptum à Titio in eo eandem vim exercere, &c. hac instructi sunt non tantum homines illiterati, verum ipsæ mutæ pecudes, quæ quamvis ob defectum rationis ex multis individuis colligere non possint universale; tamen per explorationem variorum individuorum, colligunt abstinendum his esse ut noxiis, utendum vero illis ut naturæ suæ consentaneis. Experientia rationis, quæ priorem præsupponit, unique homini peculiaris est, non tantum corrigit sensuum judicium, quod ob multa intervenientia sæpius falli potest, verum amplius quascunque res naturales per sensum experientiâ cognitas certa mēsurā & proportionē habili subiecto applicare scit, item regredi ab effectu ad causā, & contra. Quod ut intelli-



gatur notandum triplex experientię huius officium esse. *Primo*, cum certum sit sensus ob varias rationes, à nobis allatas Disput. I. contra Scepticos, multoties falli in ipso homine, requiritur ratio, quæ possit aut errores illos corrigere, aut saltem eorum sentientem admonere, quo liquido constat, quid circa quodque individuum observandum sit: quoniam vero hoc unius rationis officium est, accensetur rationis experientię. Sic v. gr. si gustus in febricitante Mevio ter, quater & amplius iudicet mel vergere ad amaritatem: ratio, quæ novit organum gustus pravo adventitioque imbutum esse humore, ostendit febricitanti posse eum quidem colligere hanc experientiam, mel scilicet sibi cum tali morbo conflctanti visum esse subamarum, non tamen inde licere concludere hanc propriam mellis indolem esse. Hinc eadem ratio, in homine experientię sensualis directrix, quosdam monet, ne, aut vacent colligendę certę sensuum experientię, aut si illi vacare velint, nimium non tribuant: V. G. monet myopes, aliosque hebetiori visu præditos, ne suis siderum contemplationibus



nibus fidant ob oculi vitium, quod liquidis observationibus instituendis impedimento est: Ad hoc docet quomodo vitio, quod turbat experientiam sensualem, succurri possit per quid à se adjuvante eadem experientia excogitatum. ita senibus, aliisque in quibus oculorum acies hebetior est, ocularia sive perspicilla præscribit. *Secundo*, quanquam bestiae, ea, quæ per experientiam sensualem phantasiæ, quæ in illis rationis loco est, commiserunt, certo modo explorata habent, sibi que aut aliis individuis ejusdem secum speciei applicare sciunt, non tamen omnia debito modo ac proportionem ob defectum rationis quibusvis distribuere sciunt: quemadmodum hoc homo per experientiam rationis potest. Ita equus per experientiam sensualem conveniens sibi esse novit fœnum, item bos, & ovis, amplius unusquisque novit quantum nature suæ conveniens sit, puta equus novit quantum fœni natura sua exigit. Ulterius vero longe homo progreditur, cognito enim per experientiam sensualem tria illa animalia delectari fœno, amplius per experientiam rationis novit quantum fœni singu-

singulis ex illis animalibus sit distribuendum. Per hanc rationis experientiam medicus, qui aut per experientiam alteram scit Rhabarbarū bilem expurgare, novit qua δόσι cuique ex ægrotantibus, qui eo indiget, exhibere debeat. Ejusdem experientiæ usus in politicis est: si quis enim viderit hoc illudve consilium in hoc aut isto negotio fuisse salutare, deinceps eodem per prudentiæ leges temperato secundum rationalem experientiam sive privatim sive publice utetur. Quoniam vero hæc applicatio scrupulose secundum prudentiæ leges instituenda est, haut male Medicinæ dictator, huc respiciens, experientiam fallacem esse dixit. *Tertio*, experientia rationis, instructa & adjuta altera experientia, ab effectu redibit ad causam, imo à causa secundum rationem supponentem sensualem experientiam descendet ad effectum. Quotiescunque autem hoc facit præsupponit semper effectum cognosci per experientiam sensualem, causam autem ipsam nō necessario per eam cognoscit, sed colligit per rationem, quæ dum connectit causam illam cum effectu, neque fallitur, neque falli potest: quo-

quoniam ad causam, quam ratio exploratam habet effectus infallibiliter sequitur. V.C. oculus hoc anno videt plenam lunam certo die obscurari, & quia pręteritis annis sæpius vidit, habet ejus effectus naturalis experientiam sensualem: per quam tamen nequaquam constare potest interpositionem terre inter solem & lunam proximam Eclipses lunaris causam esse, neque enim oculus videt opacam & densam terram se intermediā inter utrumq; sidus sistere: Et tamē causa illa per experientiā rationis explorata est, ea enim attendendo ad omnia quę circa lunarem eclipsin occurrunt, dicit eam cōtingere ob terre interpositionem inter solem lunāq; nec falli potest quoniam certo potest prædicere quādo futura sit lunaris Eclipsis, quod possit certo præcognoscere causā Eclipsis proximam; qua posita, non potest non ipsa Eclipsis poni. Arctissima enim hæc unio nisi inter causā effectūq; intercedit, fallax habenda est rationis experientia. Liqueet hoc manifesto in Cartesiani medici experientia, qui probaturus cor moveri per solam partium dispositionem adduxit *corculum anguille, quod è corpo-*



*corpore exemptum per horas aliquas pulsatur* : sed ratiocinativam illam experientiam jactatam ad evertendas substantiales formas fallacem per omnia esse , vel hinc manifestissimum est, quoniam tamdiu tale corculum moveri debebit secundum ea quæ diximus , quamdiu durabit partium dispositio. Sed cōtrarium ostendit visus , qui deprehendit motum cessare, salva adhuc manente dispositione partium; nec ad rem facit , quod pulsus illius corculi quodammodo reviviscat *admoto sanguine & leni calore* : cum enim spiritus animales organum sint formę substantialis cor moventis , reliquię illius ( ut etiam in prodromo dictū nuper) in exempto corde sufficiunt ad modici temporis pulsum continuandum, qui ubi cessare videtur per sanguinem modice calidum excitatur , quoniam reliquię spiritus, occultatę alicubi, hac ratione evocantur. His præmissis , iterum notari volumus experientiam rationis præsupponere experientiam sensualem , quam non generat unius individui , aut singularis actus observatio, sed multiplex & constans , subserviente sensibus perpetuo ratione, cuius



ius officium est, ut ante notavimus, sensuum judicium dirigere & ordinare. Adeo ut ridendi sint Cartesius ejusque sectatores, qui omnem philosophiam ac medicinam per experientiam (quam crepant) reformaturi, vix majorem ex veritatis præscripto adferre possunt, quam quantam cæcus de coloribus, aut surdus de sonis habet. Certissimum enim est non tantum Cartesianum Medicum, (quem nullus unquam praxi medicæ vacantem conspexit,) verum ipsum quoque Renatum des Cartes (qui omnes horas abstractivis suis cōtemplationibus consecrat) per solam phantasticā experientiā, absq; observationibus sufficientibus, Physicis, Medicis, Chymicis, Magicis naturalibus, Opticis, Musicis, Architectonicis & Astronomicis grassari ad absolvendam omnium scientiarum perfectionem. Et tamen exiguus numero chorus, qui ab eo dependet, antiquæ philosophiæ, quod nullis experimentis sensualibus nitatur, insultare mediumque digitum ostendere audet. Quasi ea paulatim non fuerit perfecta, & ad honoris culmen per gradus ascenderit, omnibus philosophis ac Medicis, qui ab  
Ada-

Adamo usque vixerunt, symbolam tum sensualis (quam habeant) tum etiam rationalis experientiae conferentibus. Neque enim putandum Aristotelem Iudiciosum, antiquae philosophiae collectorem ac scriptorem, hac experientia destitutum fuisse; omnium qui ante illum vixerant sophorum, imo hominum experientia, ei, facem subactissime rationis experimentis sensitivis adhibenti, inservit. Et enim Medicinæ parens Hippocrates, quemadmodum aliqui vir supra viros Scaliger animadvertit, & sua & omnium, qui ante eum fuerant, medicorum experimentis nobilissimam artem collegit: ita & Stagiritis philosophus ex similium experimentorum agminibus, philosophiae veteris ac receptæ manipulos conscripsit, non dicam jam de discipuli gratissimi, Alexandri nempe Magni, munificentia, qui diligentissimo naturæ ruspatori, sumptus vere regios, & homines sine numero, ad animalium, quæ ex omnibus terræ angulis ad eum ducebantur; naturam investigandam, suppeditavit. Nec experientia hodie carent, qui in Academiis antiquam Philosophiam docent:

Præ-

Præterquam quod non raro vacant magni voluminis lectioni, in museis suis historias Naturæ, quas non tantum sedulo, ut experimentorum naturalium instructissima promptuaria, evolvunt sed etiam conferunt, examinant, & locupletant, quin & practicos atque experimentorum magistros sedulo consulunt. Si vero ipsi, ut haut raro accidit aliquid, quod antiquos philosophos fugit, observent, mox ut multis mos est, cristas non erigunt: aut per novi experimenti, (exemplum in fictitia Cartesii circulatione occurrit) sæpe supposititii foetum, velut Alcumenæ prolem novūq: Herculem anti quā philosophiam evertere moliantur, sed ut grati alumni quaecunque suum inventū almæ matri (receptam philosophiā signo) donant & cōsecrant, quo magis ac magis perfici possit. Viderint vero experimentistæ Cartesiani ne publicum cum suis experimentis, quæ cum ex libris historiam experimentorum continentibus, (quandoquidem eos citra piaculū inspicere nō licet) nimis quam sterilia & paupertina sunt, quam ut adferre queant nisi forte qui vidit venæ sectionem, anguillæ palpi.



palpitans corculum, à stylo magnetico ferro expendit, consideravit cœci baculum, semel atque iterum per opticum tubum sidera, aut gallinarum incubantium ova unam per æstatem contemplatus est, experimentorum gurgēs haberi debeat, possitque citra ruborem de Cathedra proclamare: (audita in Academia vox est) *Audeo meam experientiam omnium Mathematicorum experientie opponere.* Iactabundis illis experimentistis idem quod Roberto Fluddo accidit: qui ut monstruosam philosophiā alicui experimento superædificare posset, finxit ab omnibus sensuum iudicio cognosci, corpus vivum levius esse, quam mortuum, cum tamen doctissimus Mersennus contrarium deprehenderit in cane & gallina, celeberrimusque Sanctorius in homine resti adjudicato, nec quemquam contrarium sensus docuerint. Sed an sic experimentorum antistites non fiunt orbis ludibrium?



CAPVT VII.

*Ratio, quam jactat Cartesius, non est ratio  
abstractiva, sed subjective, in eo ipso  
scilicet considerata.*

**C**ertus cum suis sectatoribus Carte-  
sius, parum præsidii novæ philo-  
sophiæ commenta, in experimentis in-  
ventura esse, ad rationem velut sacram  
anchoram confugit. Sic enim in Episto-  
la ad Dinetum pag. 202. *In philosophia  
non ago, nisi de iis, quæ naturali ratione  
clarissime cognoscuntur.* Rationem ani-  
mæ oculum in philosophia præ cæteris  
attendendam esse ille novit, qui eam  
non tantum humanæ sapientiæ matrem,  
verum certissimam regulam esse didicit.  
Interim tamen eadem illa ratio certis  
circumscribenda cancellis & ad amissim  
minime fallacem exigenda est, ne forte  
quid ut rationi consentaneum obtru-  
datur, quod ab ea quam longissime di-  
stat. Distinguendum autem præ cæte-  
ris inter ea, quæ ratio à nævis expurga-  
ta omnes citra exceptionem homines  
docet, & ea, quæ huic illive solum, Titio  
scilicet & Mevio, rationi consentanea  
viden-

rum quem Narcissum dementavit, existimat se omnibus hominibus superiorem, rationemque suam, male ut plurimum excultam, omnis veritatis certissimam normam esse. Prætexitur quidem à Cartesio novæ philosophiæ ratio, nec tantum ratio, verum ejus etiam claritas: sed ratio ea non exornat omnes qui inter homines censentur, siue non est ratio absolute sic dicta, sed tantum particularis illa, quæ in Cartesio stabulatur, paucisque aliis, qui cum ut redivivum quem Pythagoram adorant. Si neget Renatus, & oracula sua rationis naturalis, simpliciter sic dictæ clamet esse dictata, age ea exploret ad quatuor *κεντήρια*, quæ semper circa quodcumque dogma, quod evidentiae rationis est consentaneum, inveniuntur. *Primo* doceat dogma illud promanare non ex axiomatibus, quæ ipse in cerebro suo fabricatus est, sed ex iis, quæ quia semper ab omnibus hominibus eodem modo cognita fuerunt, nec hodie aliter cognoscuntur. *Secundo*, ostendat idem dogma sic rationi consentaneum esse, ut non adversetur experientiæ sensuali

com-

communi, aut si adversetur, ratio tamen facile sensuum iudicium, errore deprehenso, corrigere ac ordinare possit. *Tertio*, quoniam evidentiae rationis dogma illud consentaneum esse iudicatur, omnes nebulas, quas ratio circa illud concitare posset, per evidentiae solem nullo negotio discuti posse ostendat. *Quarto* & quidem praecipue omnium, quae circa dogma tale occurrere possent, tam liquidas reddat rationes, ut omnes, in quibus mens laesa non est, videant propterea dogma illud rationis evidentiae esse consentaneum, quoniam ejus subsidio omnium quae illud circumstant, certae & perspicuae rationes dari possunt. Si possit Cartesius, vel uni suo dogmati de coloribus quatuor certissima haec *ἀπὸ τῆς* citra difficultatem applicare, virum eum putabimus, illudque rationis evidentiae consentaneum esse concludemus. Non omnia, quae huic aut illi homini, rationi consentanea esse videntur, etiam consentanea sunt evidentiae rationis; huic enim si responderent, pauci circa ea fluctuarent. Iudicat quidem Cartesius rationi esse consentaneum, dari globulos ethereos, quia ipse ut rationi consentaneum

sentaneum tale dogma amplectitur, quemadmodum idem de atomis suis Democritus censebat; non tamen inde sequitur sententiam eam uni Cartesio propriam evidentiae rationis respondere, rationis scilicet non subjective in hoc aut illo homine, sed abstractivè considerata: nisi forte vir modestissimus omnes præter se homines à mentis in naturalibus occupatae nubibus molestias perpeti existimet, se unum vero animam nitidam ac defæcatam possidere. Quo delicio cerebrum ejus saburratum esse, non sine ratione propterea quis suspicetur, quoniam scientiæ, quam per rationem vult videri acquisivisse eam in Methodo Gallica pag. 20. assignat perfectionem, quæ nulli cujuscunque rei scientiæ in homine post lapsum potuit competere. Non agnoscit enim ullam in se alicujus rei scientiã, nisi per quã ita animus ejus trãquilletur, ut nullã fluctuãdi aut hæsitãdi occasionem inveniat. Cũ illi ipsi tamen qui per Sp. sanct. in corde loquẽtem edocti sunt de salutis suæ certitudine, & cum Apostolo Paulo dicere possunt; *Scio ego cui crediderim*; millenas quotidie dubitandi fluctuandique occa-

F

siones



siones inveniant. Si hoc in divinis iis accidit, qui ipsum Spiritum sanctum doctorem habent, quid illis non eveniet, qui circa dogmata philosophica unius rationis, fallacis sæpe, dictamina audiunt & sequuntur. At ignoscendum aquilæ in nubibus Cartesio, nam *ἐπιτιμία*. Quam recta interim dogma hoc ad Scepticismi præcipitium ducat, infra sectione quarta commodius doccimus.

## CAPUT VIII.

*Cartesiane philosophiæ neque à Geometria neque ab Algebra ulla perfectio accedere potest.*

**M**athematicas disciplinas, præ omnibus aliis scientiis demonstrationis certitudine gaudere, imo si debito modo quis iis utatur, in servire philosophiæ naturali perficiendæ, nullus paulo humanior ignorare potest: tantum tamen iis non est tribuendum, ut habeantur infallibilis in Physiologia veri regula: imo, citra errorem non potest circa omnia physica dogmata tanta demonstrationis evidentia efflagitari, quanta in mathematicis

ticis demonstrationibus comparet. ut enim diversa cujusque scientiæ principia sunt, ita & diversi certitudinis evidentiaque gradus. Alia certitudo dogmatum Theologorum, quæ Dei in scripturis loquentis autoritate nituntur; alia Medicorum, quæ experientiæ & rationis alis suffulciuntur. Vt vero quis erraret qui omnium dogmatum Medicorum æque evidentem demonstrationem, ac dogmatum Theologorum, efflagitaret; ita & ab errore excusari non potest, quisquis *ἀπειθεῖν* demonstrandi uni Methodi peculiarem, circa omnia Physica dogmata efflagitat. Quanquam vero inficias ire non possumus Physica aut Metaphysica dogmata secundum Geometricam methodum aliquatenus tractari posse; quælibet tamen tractatio nequaquam probari, legitimaque haberi potest. Vt enim Geometria vera & genuina nulla alia axiomata admittit, quàm quæ ab omnibus secundum rationis quæ habent, evidentiam, si liquido proponantur, probantur, & ut vera agnoscuntur, ita & Metaphysica & Physica Geometrico ordine tractanda nullis aliis axiomatibus instructæ esse debent, quæ quæ

eandem certitudinem evidentiamque præ se ferunt quæ deprehenditur in axiomatibus veræ & abstractivæ consideratæ Geometriæ propriis & peculiari-  
bus. Non sufficit axiomata talia uni ac alteri, & forte soli Cartesio videri : per rationis evidentiam ab omnibus talia debent agnosci. Vt in omnibus, ita hic etiam impostorem Cartesius, quemadmodum discere est vel ex solis axiomatibus propositis in Meditationum Responsionibus pag. 184. quæ falso *communium notionum* titulo condecorat. Quis enim v. c. ut communem notionem, aut axioma instar Geometricorum axiomatum certum, decimum axioma amplectatur : neque enim in omnis rei idea sive conceptu continetur existentia aut possibilis, aut necessaria. Ipse Cartesius in Meditationibus Deum ut deceptorem cogitat, cogitando de eo ut deceptore conceptum ac ideam format, quis tamen inde colligat Deum aut possibiliter aut necessario deceptorem existere : Impossibile quippe est, ut Deus, qui omnes perfectionis numeros in se habet, ac summum bonum est, Deceptor existat. Sed præter hunc Geometriae

metriæ usum, qui, nisi ab autore in abusum transformaretur, ex parte tolerari posset, author longe adhuc alium prædicat. Videri enim vult in Methodo Gallica pag. 22. & seqq. subsidio Geometricarum & Algebraicarum analysis intra paucos menses multarum rerum certissimam scientiam acquisivisse. Quomodo hoc à novo Archimede fieri potuerit, discemus quando ei placuerit, hanc novam Geometriæ & Algebrae praxin evulgare, orbisque eruditi examini offerre. Ego enim non video quomodo principia sciendi ad Geometricas lineas subacta pro cuiusque arbitrio & ratiocinio, & dogmata inde educta Algebraicis numeris quam succincte comprehensa qua talia, animum veritatis physice studiosum in ejus professionem deducere queant. Si Physicam solum & Metaphysicam methodo Geometriæ ac Algebrae peculiari tractari velit, ejusque tractationem pro sciendi compendio habeat: nihil novi aut excogitavit, aut ad praxin revocavit: sed potius, quemadmodum modo ostendimus, semet summo omnis veritatis amittende periculo exposuit. Quandoquidem



enim axiomata , & sciendi principia in proprio cerebro cusa , instar Geometricorum effatorum esse ducit , ex uno commento ad alterum , citra ullum erroris remedium , deducitur : Quemadmodum enim in Geometria non potest non periculosissime ille errare , qui neglectis antiquis axiomatibus , quibus omnium hominum sana ratio hactenus assensum præbuit , sua in eorum locum , ut plausibilia & utiliora supponit ; ita & errandi præcipitio in aliis scientiis proximus est , quisquis similibus principiorum somniis indulget ; nec ad rem facit , quod ea principia antiqua & perspicua esse jactentur. omnis error , ab illius patronis , simili larva velari posset , nec tamen inde sequeretur , eum veritati , quæ vere antiqua imo antiquissima est , præferendum esse. Si vero author velit , propterea animum Geometriæ & Algebrae medulla saginandum esse , quod quædam Physicæ veritates utilissimarum illarum scientiarum præsidio inveniri queant ; ante ostendat quæ qualesve illæ veritates sint. Quis enim usus earum scientiarum circa animam rationalem

nalem, ut ut ipse loquitur, mentem esse potest; nisi forte redivivus Argus in ea lineas globulosque animadvertere possit. Circa reliqua principia, ut figuram, motum, quietem, & dispositionem partium, nec non particulas insensibiles, quamvis non negem Geometrica & Algebraica theoremata exerceri posse; ut tamen cum fructu exerceantur, liquido ante demonstrandum esset, quod æternum à novæ philosophiæ doctoribus non fiet, ea verorum principiorum rationem habere, nec alia esse cogitanda, principiorum illorum loco, quemadmodum Flavii crepant, supponi possint. Quem enim juvet occupari in Democriti atomis numerandis & mensurandis, si liquido ante non constet, eos per totum terrarum orbem volitare, varioque suo concursu, numero, & emergente figura omnium rerum differentias producere. Quoniã vero nimius author noster est in Geometria & Algebra prædicanda, nō injuria quis, qui erratorum fibras erudita dextra rimari novit, suspicari posset monstri quid ali, & mysteriodes

F 4

som-

somnium specioso quo & nitente velo  
obvolvi. Lineas & figuras admirari  
solent Magorum filii, iique qui impru-  
denter Magiæ implicitę & interpretati-  
væ consortes fiunt. Circa numeros ve-  
ro, ut omnium mysteriorum & arcano-  
rum naturę, imo politicarum quoque  
rerum interpretes occupari solent non  
tantum jam olim Pythagoræi, & Plato-  
nici, verum etiam hodie Caballistę, o-  
mnisque Magorum & eorum, qui sub-  
tiliter delirare volunt, pullicies. Si di-  
cat Renatus se non putrida quæ grana,  
sed pretiosas margaritas in Geometrico  
& Algebraico agro colligere, edoceat, si  
suspicionem multis eximere velit, se non  
tantum secundum alia præcepta & prin-  
cipia progredi, verum etiam quamnam  
illa alia sint, quæ se invenire jactat indi-  
cet, maxime vero quousque dictarum  
scientiarum terminos patere & extendi  
existimet: quamdiu enim eos neque de-  
finit, neque definire vult, nequaquam  
extra suspicionem, non solum apud  
suspitaces, verum etiam quotquot pru-  
dentes habentur, vivet. Quantum spe-  
ciatim ad Algebram, in qua au-  
thor noster dominari dicitur, quamque  
ipse

ipse pro totius philosophiæ infallibili  
amussi & regula incautis obtrudit; o-  
pinor eam exemplo recentiorum quo-  
rundam aut circulatorum, aut eorum,  
quos unius scientiæ cognitio in erudi-  
torum principes ac antesignanos trans-  
formavit, tantum jactari & ostentari.  
Hoc enim præsumptionis sidus multos,  
qui in Algebra exercitati videri cupi-  
unt afflavit, ut existiment, eam non  
tantum Encyclopædiæ humanæque sa-  
pientiæ compendium esse, verum etiam  
quoddam cornu Copiæ, in quo omnes  
cujuscunque scientiæ & disciplinæ the-  
sauri conclusi lateant & conserventur.  
ne quid enim dicam de Faulhabero, a-  
liisque, qui scientiæ hujus subsidio, Ca-  
ballistarum instar, in Prophetis ac Apo-  
calypsi, mysteria uni adhuc Deo nota,  
rimari instituerunt, in circulis passim  
audire est ex illius Professoribus, eam  
viam ad omnes alias scientias, judicem  
reliquarum disciplinarum, cynosuram  
veritatis, judicii reetricem, humani in-  
genii perfectricem, & quid non esse? i-  
tem, nihil eum scire, qui in ea sit pere-  
grinus, infeliciterque omnes grassari ad  
cognitionem philosophiæ, qui ante in



illa non sint subacti. Eodem per omnia modo, de circo Medici unum, quod conficere possunt medicamentum, supra universam Æsculapii officinam extollere non erubescunt. Scilicet scientiæ alicujus portiuncula compellit iactabundos supra Platonem, Aristotelem, reliquosque, quos orbis suspicit, philosophos, gloriari, quoniam non possunt cum Socrate beatum illud & ad modestiam ducens; **Q V A N T V M** dimitiri. Si ringatur Cartesius, quod cum circulatoribus à me componatur, desinat ante, eorum exemplo, ad risum usque inanes glorias flare.

## CAPVT IX.

*Cartesiani inepte Mechanicam suam physiologiae normam esse statuunt. Specimen Mechanicæ talis exhibetur.*

**M**Echanicæ, quæ in conficiendis examinandisque machinis occupatur, maximum in vita humana usum esse; eamque ad praxin varia Geometrica theoremata ordinare, in confesso est. In pretio illam habuit Aristoteles, diligenterque excoluit, si modo ejus liber est, qui

qui de Mechanicis circumfertur. Quamquam autem inficias ire non possumus in quibusdam naturæ operibus, ab omnipotente ac sapientissimo architecto Deo ex nihilo productis, eam quadantenus fabricam animadverti, quæ in quibusdam secundum mechanicæ leges productis machinis conspicua est; nequaquam tamen tantum mechanicę deferri debet, ut habeatur norma & regula omnium operum naturæ, eorumque ille peritissimus censeatur, qui machinarum variarum conditionem exploratissimam habeat. neque enim admiranda Dei opera sapienter producta, & nobis maximam partem ignota, necessario conspirare debent, cum operibus, quæ homo qualiscunque artis præsidio instructus ad hujus vitæ usus producere novit. Ut enim rideretur quicunque hariolari vellet de cerasi naturalis indole, per cerasum ex saccharo arte confectum, ita & ludibrium eruditis, imo nasutis omnibus debet, quisquis physiologiæ amussim & normam, mechanicam in proprio cerebro procusam, esse statuit. neque enim putandum Deum, ad cujus

sapientiæ penetralia, referata in ipso creationis opere, nullus mortalium accedere potest, ita, quæcunque in universo hoc inveniuntur, necessario, fabricatum esse, quemadmodum faber quis automata conficere gnarus, concipit, aut potius conjicit. Quod tamen quis miretur, Cartesianæ philosophiæ præter Geometriam & Algebram regula quoque Mechanica est, cui tantum deferunt novorum deliriorum alumni, ut non dubitent eam cum ipsa Physiologia confundere. Voces temere jactatas non capto, aut captare volo, quæ aut typis exscripta, aut pluribus dictata sunt, sector & amplector. Ita ergo Cartesianus Medicus in Dictatis Physicis, sub finem capituli de Mundo: *Cæli Ptolemaici & Tychonici constitutio adversatur mechanica, quæ sola est Physica nostra.* Itane? propterea explodendus tum Ptolemæus orbis sideris delineator diligentissimus, tum Tycho redivivus Atlas, quod omnia quæ ab iis erudite tradita sunt, non conspirent examussim cum mechanica, non ea quidem quæ abstractivè considerata vitii nihil habere potest. sed nova illa, quæ à Cartesio procusa est. Quid hoc

hoc vero? *Mechanica est sola Physica no-  
stra*. Bonum factū quod nō sit etiā phy-  
sica absolute considerata. Inepte enim  
statui physicę regulam mechanicam vel  
hinc manifestum, quod ars potius natu-  
ram, quam natura artem imitetur. ar-  
tífex quippe & mechanicorum operum  
architectus, operum naturę simius est,  
non vero omnipotens eorum conditor  
Deus, imitator machinarum v. c. alicu-  
jus Archimedis. Nisi forte placeat no-  
vatoribus, Dei tum omnipotentiam, tū  
sapientiam in operibus creationis mani-  
festatam, circumscribere, & ad leges hu-  
jus illiusve mechanicę adigere. Enim-  
vero lignea Archytę columba, & Alber-  
ti Magni loquens statua, columbæ &  
hominis quidem repræsentant simula-  
crum, non tamen per artis subsidium  
eadem omnia quæ ad veræ columbæ &  
hominis naturam absolvendam requi-  
runtur, exhibent: eoque omnia quæ in  
columba & homine sunt, hoc est cujus-  
que tum essentielles, tum integrantes,  
tum minus integrantes partes in quali-  
cunque simulacro non possunt depre-  
hendi, nedum distincte & perfecte, quod  
volunt Novatores, cognosci. Quid  
quod



quod opera mechanica naturam quā-  
 dantenus imitari affectantia diversa &  
 multiplicia sint : natura vero in qua-  
 cunque re naturali eadem & simplex.  
 fieri autem non potest, quin naturę o-  
 pera unius ejusdemque speciei, diversi-  
 mode concipiantur, si eorum norma  
 sit opus quod mechanicum, v. c. horo-  
 logium : quandoquidem machinatalis  
 aliter ab hoc, ut experientia docet, aliter  
 vero ab illo artifice confici solet. Nisi  
 forte placuerit Novatoribus, talem nobis  
 proponere mechanicam, quæ sit tum  
 perfectissima, tum invariabilis : quam  
 ubi procuderint, maximus adhuc supe-  
 rerit labor, quo nunquam poterunt de-  
 fungi : hoc est, probare debebunt aut  
 per sensualem demonstrationem, aut li-  
 quidas rationes eandem per omnia re-  
 rum naturalium & operis mechanici,  
 qualiscunque etiam pro authorum ar-  
 bitrio, rationem esse. Blaterant qui-  
 dem multa, exonerantque verborum  
 pelves, sed interim nihil aut proba-  
 re possunt. Non calumnior, aut ca-  
 lumniari didici : si animus absconorum  
 deliniorum patrenis, coram toto or-  
 be, cui

be, cui legenda hæc mea intrepide offero, in ruborem me dent. In una solum columba, componendo eam aut cum horologio, aut cum quocunque opere mechanico ostendant aut per sensualem demonstrationem, aut tam evidentes rationes, ut nullus iis obloqui possit, eandem per omnia rationem esse columbæ, quæ ejusmodi operis est λόγος & verba jactabunda non moramur. præstari ea bona fide cupimus, quæ efflagitamus, ut coram omnibus eruditorum caveiserubescamus. Vtinam vero ipsi Cartesii sectatores infirmitatem argumenti, demonstrationisque, quam jactant, animadvertant! Ita enim y. c. progrediuntur: Ego concipio animalium viventium explosis omnibus formis substantiælibus eandem rationem esse quæ horologii, in iis vice principiorum, considerando solam dispositionem partium, Ergo sic se res habet. non valet hic concipiendi ratio, aut ejus proponendæ planus accedens modus, sed convenientia talis conceptionis cum ipsa rerum natura, quam, ut supra probavimus, nequaquam pro-

probat, aut probare potest propositio-  
nis evidentia. Alias vanissima Mahu-  
medis somnia in censum veritatis ad-  
mitti poterunt, consentanea quippe sunt  
ejus concipiendi rationi. Dic enim mi-  
hi an non tam liquida sunt, quæ in Al-  
corano occurrunt de similitudine libe-  
rorum cum parentibus, caloreque ho-  
minis vitali, quam quæ ex mechanica  
sua Cartesiani deducunt? In Alcorano  
quippe ejus author agens de calore ho-  
minis vitali docet: Ignem in corpore  
humano victu sustentari, & anima ab-  
eunte extinguui, nec antequam illa rede-  
at, accendi: & dein philosophans de  
similitudine, quam liberi cum parenti-  
bus colunt, instar Torrentiani aut Car-  
tesiani physici sic profatur: *Quum su-  
perat voluptas viri voluptatem mu-  
lieris, trahit conceptus similitudinem  
patris, ejusque parentum: Sic in par-  
te altera, superante mulieris libidine. Quã-  
ti vero in Mechanica viri sint plerique  
Cartesii sectatores, quidve expectan-  
dum sit à philosophia ad talem amuf-  
sim exacta, idem Medicus docet, ad ex-  
plosionem scilicet formarum substan-  
tialium, lepide de horologio, quod alias*  
pro

pro norma physiologiæ sectatoribus  
 suis obtrudere solet, philosophando;  
*cujus tum pondus tum spiram contortam*  
*vult esse causas moventes horologii inter-*  
*nas.* Quasi vero appensum pondus quod  
 violente, & nullo modo essentialiter; ho-  
 rologium movet, magis principium in-  
 trinsecum motus in horologio sit, ac-  
 quus trahēs currum principium intrin-  
 secum moti currus; aut æditumq; pul-  
 sans campanam, sive anicula circumro-  
 tans colum, principium intrinsecum aut  
 campanæ, aut colli sit. Nec plus præsidii  
 spira chalybea suppeditare potest: cum  
 enim principium motus violentum sit,  
 non potest esse principium primum &  
 naturale motus: experientia quippe &  
*αὐτοψία* docent, spiræ à manu, motum,  
 ad horas certas continuandum, impri-  
 mi. Ratio quoque, quæ adfertur, ne-  
 quaquam ex tantorum philosophorum  
 existimatione est. Quid hoc enim: *Pon-*  
*duſ appensum & spira contorta sunt caus-*  
*sa* (horologii) *moventes internæ, cum*  
*sint horologii partes essentielles seu integra-*  
*les; his enim sublatiſ horologium non est ho-*  
*rologium.* Secundum ejusdem enim con-  
 sequentię regulas probare possent asinos  
 esse



esse partes essentielles molarum quas circumrotant, aut ventum, quando *Iustaphasianam* molam afflat, evadere partem illius essentialem: item verua non esse verua, quando canes, qui ea gyrare solent, aut per plateas discursant, aut venatum abierunt. Ex hoc specimine eruditus lector judicet, quid expectandum sit de nova disciplina mechanico-physica.

## CAPVT X.

*Cartesiani simplicem narrationem vice demonstrationis obtrudunt: tantum quoque deferunt propositionis evidentia: fingunt hypotheses, easque citra probationem ultam obtrudentes, dogmata & conclusiones ex iis educere institunt.*

**H**Actenus in speciem antiquæ & evidētis philosophiæ principia expendimus, deinceps citra calumniam ostendere debemus qua solertia versipelles magis, quam eruditi philosophi, ea quæ excogitarunt, probent. Quanquam enim, ut cuivis, cui placuerit commenta eorum excutere, liquebit, nullas probationes solidas adferunt, se unos tamē magistros & doctores esse crepant, qui omnia

omnia, quæ docent, ac proponunt, evidentissimis demonstrationibus confirmant. Quinque vero potissimum artibus tum hoc, tum subsequenti capite examinandis, instructi sunt. *Primo*, simpliciter tantum quid narrant & proponunt, illud neque per rationem, neque sensualem demonstrationem confirmando, quemadmodum videre est non tantum in Cartesiani Medici Thesibus, Dictariisque physicis, verum ipsis Cartesii Meteorologicis, in quibus quæ vice principiorum sunt, & ab eo ad ultro-neam concessionem Lectorum proponuntur, liquido præ cæteris probari deberent. Nec ad rem facit, quod ex iis, quæ citra probationem velut principia proponunt omnium arcanorum naturæ causas rationesque accersere videantur. Mahumed in Appendice Alcorani de mysteriis naturæ agens, certa quoque principia habet, non inventa aut in Scriptura, aut naturæ operum penetralibus, sed in stolido, & Cartesiano ejus cerebro procusa, ut quivis, qui ea legit mox animadvertere potest. Quis credat enim, esse piscem Albebbut cujus caput in oriente, cauda v. in occi-

occidente sit , super cujus dorsum terræ & maria, tenebræ, aër & montes usque in finem seculorum sustententur : Infra piscem vero esse ventum piscem sustententem, infra montem , infra tonitru , infra fulgur : Sub his autem esse mare sanguineum , infra infernum conclusum , infra mare igneum, infra mare opacum , infra mare nebulosum , infra laudes, infra glorificationem , infra solium, infra tabulam, infra calamū, infra majus nomē Dei : Et tamen quod quis miretur Orientis seductor ex his male cohærentium principiorum commentis multa eaque abstrusa naturæ mysteria evidentissime , ita ut ab omnibus sensum communem habentibus intelligi possint , explicat : Egoque, si ineptire cum suis Cartesius pergat, aliquādo æque perspicue ex supposititiis illis principiis pleraque naturæ arcana illustrabo, ac per quinque principia, in Cartesii cerebro nata , Mentem scil. , Mensuram , motum quietem , situm , Figuram, quis hætenus ex novis Flaviis. Nō sufficit excogitare quædam rerum naturalium principia ; ante omnia probandum est , illa primo prima omnium rerum

rum

rū naturalīū aut intrinseca aut extrinseca principia esse, ac præter illa, neq; alia neque plura aut pauciora dari. *Secundo*, quemadmodum ex parte capite secundo hujus sectionis ostendimus, non tantum Cartesiani philosophiam suam evidentem esse clamant, sed evidentiam propositionis, quam scilicet homo quis ratione præditus haut difficulter intelligere potest, vice solidissimæ demonstrationis obijciunt, existimantque se tum defunctos esse probandi onere, quando provocando ad tribum indoctorum, dogmatibus suis evidentiam competere, ipsi testati fuerint. Imo eo usque progrediuntur, ut non tantum sua dogmata per domesticum hoc testimonium, quod qui cor habent pili non faciunt, confirmata velint, sed amplius antiquæ philosophiæ dogmata carbone notare audeant non alia de causa, quam quia tantam perspicuitatem in iis, quia ignorant, animadvertere non possunt. Hinc Cartesianus medicus lepidis suis principiis citra demonstrationem ullam proponi solitis, triumphū de antiquis principiis decreturus, ita loquitur in Respons. ad Thes. I. D. Voetii: *Cum autem hac*



*hec principia sint perspicua & sufficientia*, rejicimus materiam primam Aristotelicorum, &c. Rejicimus etiam omnes formas substantiales, quæ dicuntur esse substantia, vel partem substantie rerum naturalium constituere. Item in Dictatis Physicis sub finem doctrinæ de principiis: *Hec principia à me jam explicata, quam maxime sunt intelligibilia, quæ vero ab aliis statuuntur, captum humanum superare videntur.* Sed si Renati principia sunt habenda pro certo demonstratis, & dogmata Cartesiana inde deducta, verissima, quoniam maxime sunt intelligibilia & perspicua: næ absurdissima etiam dogmata. modo ita proponantur, ut ab omnibus intelligi possint; pro dogmatibus veris ac per certam demonstrationem probatis; habenda erunt. Quid novæ philosophiæ alumni moliantur, dies nondum docuit: interim certum eorum philosophiam in hoc probandi modo per omnia conspirare cum abominanda Socinianorum Theologia: ut enim Renati alicujus aut vice principi

pli

prii amplectuntur , aut dogma illud ut verissimum exosculantur , quod quam maxime est intelligibile , & facile ab omnibus sensu communi præditis ob perspicuitatem apprehenditur : ita & infauti discipuli eam Theologiam verissimam esse docent , quæ omnibus hominibus ratione præditis ob perspicuitatem & consensum , particularium quorundam axiomatum natura notorum ; manifestissima & quam maxime rationabilis videtur : qui proinde & mysterium de sacrosancta Trinitate , vera deitate Christi , & hujus carnis resurrectione , fremente frustra toto orbe Christiano , explosum eunt , quod omnium Christianorum communia dogmata de tribus illis fundamentalibus fidei articulis , sibi æque difficilia intellectu videantur ac Cartesiano alicui aut materia prima , aut forma substantialis antiquæ philosophiæ. *Tertio* , quod etiam atque etiam observari velim , fingunt Cartesiani ut modo etiam ostendimus , quædam principia , citraque proba-

pobationem ullam statuunt certas hypothesen, securi sintne verę an falsę, ex quibus dein (potest quippe ex falsis premissis & hypothesebus vera educi conclusio) quędam educendo & apparenter demonstrando incautis imperitisque persuadent, omnia æque à se demonstrari, ac illa ex falsis hypothesebus educuntur. Injuriam nullam Novatoribus facio, aut volens sciens facere intendo: Rogo solum candidum Lectorem, ut citra præjudicium aut sola Renati Meteorologica, aut Medici Theses in Academia Trajectina ventilatas, legere dignetur, & nisi molestias à polypo patitur, artificium hoc, quod philosophię mangonibus jam olim notissimum fuit, deprehendet. Sic v. c. novę philosophię epoptę præsupponunt dari globulos æthereos, item rapidissimo vehementissimoque motu circa unum centrum rotari, varieque inter se agitari; Ad hoc cum statuunt per illorum globulorum in lumine perceptibilem processum & circumvolutionis proportionem colores excitari, existimant se cornici, ut in vulgato proverbio, oculos, & supra omnes, quotquot vixerunt, philosophos

per

per variam globulorum agitationem & propulsionem omnium colorum verissimam evidentissimamque rationem reddere. Quasi vero non liquido tua hæc ante fuerint demonstranda. 1. Dari globulos æthereos. 2. Eos variis modis propelli & agitari. 3. Per variam eorum agitationem colores solum procreari, nec ullas alias eorum causas dari, aut veras excogitari posse. Si possint, & philosophi salutari volunt, tria hæc demonstrent, & demonstrationibus secundariis, quas vice principalium & primariarum incautis obtrudunt, quid tribuere incipiemus. Cartesianæ si valebunt artes, & in philosophia locum invenient, proxima causa terræ motus haberi debet Leviathan terram caudæ suæ impositam concutiens; dogmaque illud ut certo probatum amplectendum erit, quoniam Thalmudista quis æque agnosci vult tria hæc supposita, (nempe 1. Dari magnū piscem Leviathan. 2. Eum cauda sustentare totum terræ globum. 3. Agitata cauda in orbe terrarum existere terræ motum) ac Cartesius hypotheses suas de globulis æthereis ad explican-

G

dam



dam colorum naturam.

## CAPVT XI.

*Similitudines Cartesianis loco demonstrationum sunt : ut plurimum hi nova philosophiæ antistites à particulari ad universale argumentantur.*

**S**imilitudines illustrationi maximè inservientes, præsidia magis oratorum sunt, verbis ad persuadendum idoneis utentium, quam philosophorum rerum momenta solidasque probationes sectantium : neque enim similitudo, quæ remotam quam affinitatem cum dogmate, cui applicatur, colit, illud, quod in quæstione est, probat ac confirmat, sed aut dogma ipsum declarat, aut faciem, qualicunque, quæ adfertur, probationi accommodat. Hinc in pergulis solide philosophantium aut rarus admodum similium usus est, aut si crebriori usu frequenteretur, præ cæteris tironibus succurritur, quibus antequam solidioris philosophiæ dapes apponuntur, ante, quavisque illius facies veluti carbone delineatur; ne quid de illis dicamus, qui an-

animi magis causa, quam serio, aut confirmandæ veritatis ergo ad similitudines divertunt. Quod tamen quis haut sine ratione admiretur, musteæ philosophiæ alumni, qui tantum demonstrationes & Geometricas probationes crepant & jactant, Renati scilicet des Cartes sectatores, in Similium classe, evidentes certasque illas probationes, quarum loto ac nectare se quoscunque Σόφους inebriare posse existimant, cirra pulveris jactum inveniunt. Quarto enim, quidlibet apodictice, imo solidius quam demonstratione à priori probare se opinantur, si tantum simile inveniant, quod ob torto collo, ad probationem dogmatis in quo occupantur, applicari possit. Sic Cartesianus Medicus probaturus omnia cōponi ex materia corporea solaque partium dispositione hunc in modum à simili philosophatur in Respons. ad Thes. 1. D. Voetii: *Materia secundum nos est corpus, seu substantia corporea; cujus essentia in eo consistit, quod hac se in longum latum & profundum extendat. Ex hac omnes res naturales eodem modo per-*

*solam partium dispositionem sunt facta, ut ex ferro fiunt horologia, vestes, & similia. Cujus dogmatis, omnia alia probatione destituti, breviter hæc probatio est: Quemadmodum ex serico vestes, & ex ferro horologia per solam partium dispositionem, ita etiam ex substantia corporea per solam partium dispositionem omnes res naturales componuntur. Probandum ante foret rerum naturalium eandem per omnia rationem esse, quæ horologii alicujus aut vestis sericæ est: quod speciose magis jactatur, & per aptas similitudines proponitur, quam solide demonstratur. Nec sic Medicus tantum, ut allatis pluribus ex ejus libellis & dictatis locis ostendi posset, incautis fucum facit obtrudendo similia loco demonstrationum, sed ipse etiam Cartesius. Ei enim si fidem in Methodo Gallica pag. 14. adhibere volumus, propterea quisque, contemptis scilicet libris, qui promptuaria sunt eruditionis, suum ingenium adorare, propriæque rationis amussim sequi debet ad acquirendos veritatis philosophicæ thesauros, quoniam Spartana resp. ideo præ aliis floruit caputque excult.*



eruit, quod legibus, ab uno Lycurgo satis, niteretur. Sed quis non rideat hunc progrediendi modum? pari jure enim alius quis colligere posset, mutos magistros sive libros consulendos esse, aliorumque commentationes explorandas, quoniam Romani omnium mortalium sapientissimi, non contenti legibus à Romulo ac Numa Pompilio latis, decemviros Athenas miserunt, ut inde decantatas Solonis leges adferrent. Similiter pag. seq. in eodem tractatu cōcludit, se, quo posset vere philosophari, debuisse omnes opiniones funditus tollere, animoque extirpare, quoniam aliquis universas aëdi alicujus oppidi non diruit solo eas reficiendi, aut plateas exornandi animo; cum saepe accidat ut plures demoliantur suas, quo eas de novo extruant, et aliquando huc adigantur, cum periculum est ne sponte sua collabantur, quod fundamenta satis firma non sint. Sed quam insubida hæc similitudo, aut, ut author loquitur, exemplum? Aliquis funditus ædes suas demolitur, quod impositum onus fundamentum amplius sustinere recuset; quo tutius ergò in posterum quis philosophari possit, antiquæ

receptaque philosophiæ fundamenta ac principia evertere debet, novaque excogitare, aut in cerebro suo fabricare. Mi homo, constare ante deberet receptam philosophiam ruinoso fundamento niti. Studio prætereo cæci baculum, testudinem, instrumenta Musica, & quisquiliæ sine numero, in quibus Dn. Renatus cum pullicie sua, non quod pueri in fabis, reperit, sed solidas novaque Logica ac Philosophia dignissimas demonstrationes. Vnum mirari non possum, quod impudentissimus disputator, cum laqueis septimi Meditationum examinatoris se expedire non posset, ad hoc etiam ignorantiae asylum confugere ausus fuerit, excogitando lepidam fabellam, & Cartesiano congenone dignissimam, de architecto & cæmentario imperito, ut videre est pag. 109. & multis sequentibus. Quo animo doctissimus in Societate Iesu Pater ferat, quod cum insulso cæmentario, qui ad Medicos ablegandus erat, à Renato comparatus fuerit, nescio: ego quidem si mihi tale quid accidisset, homini præparata hellebori procula mitterem; neque enim quisquam



quam vesani disputatoris personam æ-  
 que graphice unquam agere potuit. Et  
 tantum de quarto hoc Archimedeo in-  
 vento, quod si valeret posset Mahume-  
 dista quis apodictice probare omnes  
 montes esse ortos ex monte Kaff &  
 velut palos à Deo in terra fixos: quia  
 similiter videmus prolixas arbores in  
 sylvis cædi, ex iisque palos fieri, quibus  
 ædium fundamenta minus solida fulci-  
 antur. Sed progrediamur ad *quintum*  
 probationum præsidium. Familiare ergo  
 novæ philosophiæ cōditoribus est, à par-  
 ticulari ad universale, exemplo plerorū-  
 que in philosophia, aliisque disciplinis er-  
 ronū, progredi. Quasi vero quilibet ho-  
 mo cum monstribus feliciter congregi pos-  
 sit, quoniam hoc factum à Theseo &  
 Hercule: aut omnes Paradoxorū Do-  
 ctiores, & inter eos quoque Fluddus, ac  
 Cartesius multos inventuri sint sectato-  
 res, quia sectantium numero gavisī fu-  
 erunt Marcion, Manes, Mahumed, & Da-  
 vid Georgii: aut denique nulli ante Car-  
 tesiū noverint, quomodo cōtra Scepti-  
 cos & Atheos disputandū sit, hoc bene-  
 dicto sc. seculo & ob tantū mortalitatis  
 ornamentum vere beato. Quicumque

phreneticorum carceres exornant, secundum ejusdem logicæ principia progredi solent. Interim apud eos, quibus mica falis & rationis gutta adest, à particulari ad particulare tantum valebit sequela. Ne vero videantur minus candidè agere, quoniam prolixum esset tallium argumentationum, aut verius argutationum specimina exhibere (in Cartesii enim & Medici scriptis utramque paginam faciunt) succinctè modos solum novę hujus figurę, superbis Novatoribus nimis quàm familiaris, annotabimus; Lectorem autem rogamus, ut ipse errorum scripta evolvere citra præjudicium dignetur, licet enim nihil à nobis homini per calumniam affingi, sed ubique ingenuum candorem prodidi. *Primo* ergo (ut supra ex parte indicavimus, hic enim per satiram multa repetimus & coacervamus) pro axiomatibus immotæ veritatis & principiis indubitato veris omnibusque exploratis, ea quę ipsi, pro talibus axiomatibus & principiis amplectuntur incautis stropharumque ignaris obtrudunt: Quasi vero statica non sit effurcillandum hoc argumentum; Thales principium omnium

nium rerum aquam esse existimavit, ergo omnibus, quotquot vivunt, hominibus, modo ratione bene utantur, constare debet universalissimum omnium rerum principium aquam esse: Item, Cartesius amplectitur hoc Metaphysicum axioma; *Cujus idea est in aliquo, illud aut possibiliter, aut necessario existit*: Ergo nullus ambigere potest, quin tale effatum omnium mentibus sit insculptum. *Secundo*, Renati filii in hac figura negative etiam argumentantur, aut potius ineptiunt, ad proscribendas illas antiquæ philosophiæ sententias, quas ipsi, quod infelicitè eas didicerint, minus accurate intelligunt. Sic concludunt, nullam omnino primam materiam, aut ullas formas substantiales, excepta sola anima rationali, esse; quoniam Cartesius cum suo Medico eas non agnoscit. Sed eodem modo cæcus quis ita arguetur: Quod ego non video nullus hominum videt, Ego non video colores, Ergo nullus hominum colores videt. *Tertio*, ut capite hoc ostendimus passim à similitudine particulari, ineptæ, & male applicata progrediuntur ad condendum generale aliquod dogma, aut axioma.

ma. Ac quis risu, v. c. tale argumentum non expiet? Quædam entia arte facta moventur per solam partium dispositionem, ergo, omnia cujuscunque etiam commatis sint, quæ moventur, per solam partium dispositionem moventur. Æque solide auriga quis sic argumentari posset: Vt rotæ currus mei facilius moveantur: Axungia probe perunctæ esse debent: Ergo in omnibus rebus, quæ moventur, quid simile axungię, ad motum facilitandum deprehenditur. *Risum teneatis amici.* Quarto & postremo passim Cartesii filii ex incerto, fallacique sensus experimento generale quod physicum dogma, aut axioma colligunt. Sed quis ferat ita argutantes non tantum in gratiam novæ philosophiæ, verum etiam (ut sibi lepide persuadent) ad antiquæ receptæque, sopheriæ everfionem. Si placuerit lectori benevolo, in Cartesii scriptorū lectione, ad quatuor hos cironeę figuræ modos attendere, idem de iis statuet, quod magnus quis vir de Mahumedis Alcorano dicere solet: Prædicabat vero scriptum illud adeo ineptum, ut crederet nullum sanæ mentis hominem inveniri posse, qui vellet post

post primum examen iterato legere.

CAPVT XII.

*Quomodo Cartesiani occurrere soleant ad-  
versariorum argumentis, quibus petun-  
tur.*

**D**Elineata bona fide novæ philoso-  
phiæ facie, antequam sequenti se-  
ctione specialia ejus dogmata (quæ cū  
ab authoribus tantum citra probatio-  
nem proponantur, prolixo scrupuloso-  
que examine non indigent) proponere  
instituiam: ante Lectorem docere de-  
beo, quomodo, quibusque artibus occur-  
rere soleant adversariis suis, qui cum ex  
superabundanti (neque enim necessum  
quæcunque commenta, quæ tam faci-  
le sunt rejicienda, quam ab authoribus  
excogitata sunt, argumentis specialibus  
contundere) rationum arietes contra  
nova dogmata dirigere ac disponere so-  
leant, quinque potissimum fallaciarum  
machinis, quo scilicet argumenti infir-  
mitatem volentes nolentesque in gra-  
tiam Cartesii fateantur, repelli solent. Eas,  
quoniā non inveniuntur aut apud Vege-  
tium, aut apud Lipsiū in Poliorceticis, sed  
tantū in nova Logica Pract. Renati, cru-



ere & Lectori ostendere debemus, quem admodum antea pari fide & numero probationum machinas ex ejusdem *τεγνη παλδίας* Practica eruimus. *Pri-*mo ergo per gloriationem Cartesius omnibus adversariorum argumentis satisfacit, crepando nihil ab iis actum esse, aut agi potuisse, sed sua dogmata, ac qualescunq; probationes contra eorum paralogismos & fallacias in statu consistere. Calumniatione non agam, sed propria hominis verba fatuo potius quam homine cordato digna, repræsentabo. Ita ergo sub calcem Responsionum sextarum, postquam nauseabunda proluxaque oratione, sed ad rem parum pertinente, sextuplici virorum doctorum examini contra Meditationes instituto, occurrisset, proloquitur: *Nique hic idcirco mihi videor merito posse concludere, non tam ea, quæ scripsi infirmari auctoritate doctissimorum virorum, qui ipsis sæpe perlectis nondum possunt assentiri, quam è contra eorundem auctoritate confirmantur, ex eo, quod nullos errores, sive paralogismos, post tot accurata examina, in Demonstrationibus meis annotarint. Nec sic tantum in suimet ipsius gra-*

gratiam, verum Medici quoque, quem pro cathedra aliquoties turpiter confusum fuisse inter disputandum tota Academia Ultrajectina testabitur, gloria-  
tur; ut probet enim nullis machinis ejus argumenta contra formas substantiales adducta, convelli potuisse, in Epist. ad Dinetum pag. 204. ita proloquitur: *Sed tamen in iis omnibus, (Libellis nempe & Disputationibus) nulla, vel minima, ex rationibus Medici, non dicam solide, sed ne quidem verisimiliter est refutata: Ideoque ille Author nihil aliud curasse videtur, quam ut crassum volumen ex meris ineptiis compingendo, ac etiam prodromum inscribendo ut adhuc plura expectentur, cavéret ne quis respondere dignaretur.* Enimvero si hac ratione dogmata nova defendi possunt, quilibet rato poterit secure hiberna sua somnia, vice philosophicorum dogmatum, typis curare exscribi; sique eo nomine vapulet, ad ea defendenda quicquid sub acumen styli venit scribere, addereque hunc thrasonismum, oleum & operam doctissimos quosque in refutandis, aut verius prostituendis suis dogmatibus perdidisse, ea cubo insistere, ac contem-  
ni

omni facilius posse, quam solide refuta-  
 ri. *Quid non speramus amantes!* Si ho-  
 mo ex asse saperet, ipse silentio litaret,  
 iudiciumque de Responsionibus suis æ-  
 quo & præiudicio non excæcato Lecto-  
 ri committeret. *Secundo*, Cartesius ar-  
 gumentando ex loco Communi Ca-  
 lumniarum, ferreis convitiis suos ad-  
 versarios, à quibus scilicet se vapula-  
 se novit, contundit; eos enim si au-  
 thoritate exuerit, probaveritque per  
 artes Christiano indignas homines in-  
 doctos & iudicii expertes esse, quid vis  
 impèritis obtrudere poterit, nec male  
 sana dogmata sibi metuent à decreto-  
 rio cuiusvis stylo; Quisquis enim co-  
 deliria & cerebri Cartesiani commen-  
 ta jugulat aut jugulare potest indoctus,  
 iudicii expertus, & quo non convitio di-  
 gnus est. Renato nihil affingo, inu-  
 rere, aut affingere nolo: ut videatur  
 quorumvis adversariorum insultus in-  
 trepide sustinere posse, de deliriorum  
 suorum aut Examinatoribus aut iis qui  
 tam facile ea refutare possunt, quam  
 volpes pyrum comest, in genere ita lo-  
 quitur Epistol. ad Dinctum pagina 161.  
*Sed alia pars, ii scil: qui docti videri ma-*  
lunt

lunt quam esse, jamq; aliquod nomen inter  
eruditos ex eo se habere putant; quod de  
schola controversis acriter disputare didi-  
cerint, timentes ne detecta veritate con-  
troversia ista abrogentur, ac simul eorum  
doctrina omnis abeat in contemptum,  
meaque Philosophiae editione veritatem  
detectum iri existimantes, non ausi qui-  
dem sunt aperte ostendere se non cupere ut  
ederetur, sed summa in me invidia ex-  
arserunt. Notate omnes, qui in Scho-  
lis receptam philosophiam docetis:  
Quicumque contra Cartesium aut se-  
rio scribitis, aut philosophiae ejus in  
pergulis vestris locum facere, per le-  
ges antiquas, non cupitis aut tergi-  
versamini, docti videri mavultis,  
quam esse, ac invidia aestuantes vi-  
rum insontem opprimitis. Quis ho-  
minem hunc mentis compotem ef-  
se putet? Non mirum vero, cum,  
qui omnibus antiquae Philosophiae  
fautoribus & doctoribus per calum-  
nias publici odii ventos concitare la-  
borat, instar furibundi debacchari  
in quem nominatim, si coram  
toto orbe turpiter ejus dogma-  
ta ab



ta ab illo prostituta fuerint. Qui omnibus insultare audet, uni huic nominatim nō parceret. Hinc idem Renatus, postquam Doctor Voetius obiter & velut aliud agendo delicia ejus, per Medicum præcedenti anno proponi solita, ita delineasset, ut paulo post Trajectina Academia, in qua dominari videbantur, proscriberentur, omnia agere laboravit, ut orbi, qui viri pientissimi eruditionem exploratissimam habet, persuaderet, eum unum, non tantum *indoctorum*, verum *impudentium* Dictatura dignum esse. Quis ferat enim hominis, Kappa dignissimi, convitia occurrentia in eadem Epistola ad Dinctum pag. 178. *Multos quotidie libellos, sed à nemine legendos, emittendo; varios authores, sed sæpius contra se quam pro se facientes, ac forte ex indicibus tantum notos, citando, & de quibuscumque scientiis tanquam si earum gnarus esse, audacissime, sed & imperitissime loquendo, admodum doctus indoctis videtur. Peritiores autem, qui sciunt, quā importunus in aliis provocandis semper fuerit, ac quam sæpe, ubi fuit disputandum, convitia pro rationibus attulerit, turpiterque victus disceperit, si sint diversa ab ipso re-*



so religioni palam irrident, & contemnunt, cumque, jam publice nonnulli sic exceperunt, ut nihil novi deinceps in ipsum scribi posse videatur: si vero cum illo in religione consentiant, etsi quantum possunt excusent, & tolerant, in animo tamen non probant. Nec tantum Voetio Ecclesiarum Reformatarum lumini ac ornamento adeo infestus est Cartesius, obedientissimus scilicet Ecclesie Romanæ filius, sed ipsis etiam Societatis Iesu Patribus, quoniam enim à doctissimo quo inter illos coram Sole vapulavit, dicam ei scribit apud Dinetum Societatis Iesu Præpositum Provinciale per Franciam, quo aut censura notetur, aut saltem in posterum contra Cartesii tripoda, stylum ineptias detegere gnarum, stringere prohibeatur. Ut vero Lectores credant, nihil à celeberrimo in Societate viro agi potuisse, fremente ipsa calumnia persuadere illis laborat, examen ejus non tantum indignum esse quo Societatis ejus membro; sed quocunque ingenuo Disputatore. Sic enim de eo loquitur in Epistola ad eundem Dinetum pag. 15. *Nam sane si profecta esset Dissertatio ab Authore, qui eodem spiritu, quo tota vestra*

*Istra Societas, regeretur, maior, aut saltem non minor in ea benignitas, & mansuetudo, & modestia, quam in privatorum eadem de re scriptis, appareret, &c. pag. seqq. Appareret quoque doctrina, & ratio, & ingenium: At, nisi forsam latinae linguae notitiam, qualem olim plebecula Romae habebat, pro doctrina numeremus, nullam plane in ea inveni: nullumque ratiocinium non illegitimum, aut falsum: nec etiam ullum acumen ingenii, quod non camentario dignius sit, quam patre Societatis. Omitto prudentiam ceterasque virtutes, quae cum in Societate vestra eximia sint, nulla tamen in ista Dissertatione apparent, nec ullum vel sui odorem in ipsam transfuderunt. Ito, quisquis tandem es, doctissime Societate pater, & stylo decretorio Cartesianas Meditationes aggredere, vice solidarum Responsionum, cantico & psalterio apud ordinis tui Praepositum Generalem te differet Renatus. Si haec vero tantis heroibus acciderunt, quid mihi proletario philosopho non expectandum? Quicquid in homine bilis, uno impetu exire conabitur. At exeat, pelves interim disponam, ut in iis, velut phre-*

ut phreneseos speculo, universus orbis  
 Cartesianæ philosophiæ excrementa in-  
 tueri possit. Sed progrediamur. *Ter-*  
*tio* ergo, contemptu, instar Goliathi ali-  
 cujus, adversarios suos Cartesiani supe-  
 rare laborant: quasi scilicet ille argu-  
 menta adversaria doctissime solvat, qui  
 maxime ea scit deprimere, & Stentoreo  
 clamore ut ficulnea ac responsione aut  
 examine indigna traducere. Arte hac  
 præ aliis munire se solet Medicus: cui  
 ne quid affingere videar, quædam tan-  
 tum commata, speciminis ergo, ex spon-  
 gia ejus adversus doctissimum Primoro-  
 sium adornata, annotabo. Habemus  
 autem in ipso libelli vestibulo eum con-  
 fitentem: sic enim ipse pronunciat pag.  
 3. lin. penult. *Ut ea responsione indigna,*  
*solo risu & contemptu refutare primum de-*  
*creverim.* Strenue autem contemnen-  
 tis partes contra Primorosium explet in  
 eodem libello pag. 22. lin. 17. pag. 30.  
 lin. 6. 14. 18. 22. Item pag. 31. pæne  
 tota, locisque amplius sine numero, quæ  
 hic annotare longum foret. Nec tantum  
 Archimedei hujus *ὑπέρματ* præsidio  
 de Primorosio triumphat, verum eti-  
 am de Plemio celeberrimo in  
 Acade-

Academia Lovaniensi Medicinæ Professore, exprimat quippe omnia illius argumenta contra nugatoriam sanguinis Circulationem allata abunde refutari, quando pag. 23. l. 6. & 7, cum *infelicem* esse dicit in impugnatione Circulationis Sanguinis. *Quarto*, novæ philosophiæ alumni, quæcunque argumenta citra ullam difficultatem aut molestiam solvere videntur, quando argumenta sua repetunt, omnesque responsiones ad illa allatas profunde dissimulant. Artificium hoc in quaque pæne pagina, quilibet, qui naso non caret, deprehendet, modo placuerit haud oscitanter examinare septuplices Cartesii Responsiones, ad totidem Objectiones à viris doctissimis contra qualescunque Meditationes allatas. Eiusdem stratagematis præsidio erectus Medicus, examinare sustinuit D. Voetii theses pro formis substantialibus propositas, in toto enim libello ab Academico Senatu proscripto, tantum ut molestam quam crambem omnia illa argumenta recoxit, quæ jam aliquoties (quemadmodum pluribus in Trajectina Academia viventibus liquido constat) ab ejus discipulis publice



blice erant proposita, solideque refuta-  
ta. *Quinto*, cum nihil sit actum, & vix  
leviter argumentum adversariorum de-  
libatum: Renati tamen filii, omnes du-  
bitationes sustulisse videri volunt sim-  
plici negatione, & quidem tam solide,  
ut quivis (per Cartesium scilicet de-  
mentatus)clare videre possit, nihil scrupu-  
li in alicujus animo relictum esse. Di-  
dicerunt hoc à Magistro, qui ut incau-  
to Lectori persuadeat, frustra se à do-  
ctissimo septimarum objectionum au-  
thore reprehensum fuisse, quod in Me-  
ditationibus, dubitationum sylvam in  
quorumcunque Lectorum animo plan-  
tasset, hunc in modum in Epist. ad Di-  
netum pag. 258. proloquitur: *Cum e-  
nim mihi nihil aliud quam nimiam dubi-  
tationem objecerit, non opus est ad osten-  
dendum quam injuste eam mihi affingat, ut  
referam loca omnia mearum Meditatio-  
num, in quibus eam diligenter, ac, ni fallor,  
accuratius quam ullus alius cujus scripta  
habeamus, refutavi & sustuli: Sed satis  
est si moneam ejus quod expresse scripsi i-  
nitio mee responsionis ad tertias Objeccio-  
nes, Nempe nullas dubitandi rationes fuisse  
à me propositas, eo fine ut ipsas persuade-*  
*rem,*

*rem, sed contra ut refutarem.* Sed an interim à morosi examinatoris argumentis Meditationes vindicantur? Dicit Cartesii adversarius, nectantum dicit, sed prolixè probat, in Meditationibus dubitationem doceri: quibus tamen argumentis Renatus tam clare, ut omnes qui Latine sciunt intelligere possint, respondet: *dubitationes eo fine à se propositas esse, non ut ipsas persuaderet, sed ut ipsas refutaret.* Quid videtur an sic solide satisfecerit? Iudicate quicunque sapitis. Ego quidem sic censeo: Vna hac formula ex novæ philosophiæ methodo plus præstitit Cartesius, quàm si ad quodque doctissimi Patris argumentum quinque convenientes responsiones attulisset. Quisquis enim secundum novam Logicam sive Majorem, sive Minorem Propositionem, pie etiam ipsam Conclusionem intrepide solum negare audeat, abunde pertinacissimo etiam adversario satisfacit. Medicum, cui hæc praxis quam familiarissima est, ad partes non vocamus, sufficit indicasse Cartesium eo nomine gloriari, quod simplici & solitaria negatione adversarii sui argumenta refutare possit. Quicunque

que in palæstra disputatoria viri videri volunt, nil negant nisi ejus adferant rationem; & si videantur argumento satisfecisse, super responsione tamen non gloriantur; neque enim instantias hac ratione avertere volunt, quas libentissime admittunt, quo responsionis soliditas magis pressa, clarius illustrari queat.

CAP V T XIII.

*Vbi inveniatur, aut stabuletur nova hæc  
Cartesii philosophia.*

**D**E Aristomacho Solensi refertur, quod in muscarum natura investiganda, pulicumque saltibus dimetiendis integros sexaginta annos occupatus fuerit, nec tamen mysteria, quæ rimabatur, invenire, posteritatemque edocere potuerit. Non quidem cum Aristomacho, Cartesius, qui nondum senex videri cupit, ætatem comburere decrevit in dimetiendis & numerandis particulis insensibilibus, quas ad absolvendam dispositionem rerum naturalium concurrere fingit, aut æternum premere arcan-

arcana, quæ principiorum subsidio videri vult invenisse: interim tamen fluctuare sinit sectatores, quos ad novorum monstrorum contemplationem pellexit: neque enim sciunt è quo fonte novæ philosophiæ nectar haurire debeant, aut ubi inveniantur margaritæ, quæ si auctori credimus, dolorem omnibus antiquæ philosophiæ professoribus propediem creabunt. Alicubi quippe, velut *celebris promissor* suis filiis spem facit systematis philosophici, propediem divulgandi, ut cum in Epistola ad Dinetum pag. 159. sic proloquitur: *Dicam hic aliquid de Philosophia, quam conscribo, & quam, nisi quid obstitit, post annum unum aut alterum in lucem edere decrevi,* auctori si credimus nō possident adhuc sui filii eas tabulas, quæ omnia antiquorum & recentiorum philosophorum monumenta submovebunt. Cur ergo non sint bono animo? veniet enim doctor perplexorum, & uno libro ea cōplectetur, quæ hætenus, quotquot in orbe eruditi fuerunt, cum ignarissimis ignorarunt. Spem hanc ipse confirmatum irem, nisi ipse Renatus in eadem tabula jugulum illi præcideret. Ita enim promiss.



promissorum suorum parum memor in eadem epist. pag. 210. proloquitur: *Enim in paucis illis Meditationibus, quas edidi, principia omnia Philosophiae, quam paro, continentur, in Dioptrica autem & Meteoris particularia multa ex iis deduxi, quae declarant quo ratiocinandi genere utar, ideoque quamvis ipsam philosophiam nondum totam ostendam, existimo tamen ex iis, quae jam dedi, facile posse intelligi, qualis sit futura. Nec, ut opinor, sine iusta ratione malui quaedam ejus specimina praemittere, quam integram exhibere, priusquam fuerit expetita. Enimvero si nova philosophia implicite in Meditationibus continetur admodum incerta est futura: principia enim, quae argumentis parum solidis ad lectorum vomitum inculcantur, sunt haec tria: Esse aliquid, esse Deum, animam rationalem à corpore distinctam esse, sed tria haec principia explorata habent, certoque credunt omnes plebeji & idiotæ qui rationem qua ut homines gaudent, intendere sciunt; conclude ergo cum Cartesio non tantum omnis veritatis semina in iis latitare, sed etiam implicite philosophos esse, *Privatis*, de quibus in eadem*

Epistola pag. seq. loquitur, hoc est credulis, omnisque eruditionis expertibus fumos suos vendat, non iis, qui cor habent. Animadvertite Cartesii pulli, philosophia, quam totam parens vester exhibebit, similis erit speciminibus, quæ jam ante exhibuit; sed illa ex principiis sublestæ notæ tomata, parumque feliciter probata, & infelicius adhuc defensa, non possunt vel in censum philosophicorum dogmatum referri nedum de gradu præcipitare immotæ veritatis effata, quæ hactenus recepta & antiqua philosophia amplexa fuit. Expendite quæ dico, & in omnibus speciminibus ea quæ hac sectione, per varia capita annotavimus, observate, ut discere queatis quid existimandum sit de dapibus, quarum gustulum Cartesius videri vult apposuisse, quasque jam in antecessum si eidem credimus pag. ejusdem Epist. 75. quibusdam sub credulitatis fidere natis Medicus ostentavit. Sed quorsum existimabimus tam diu differri Editionem & evulgationem integræ philosophiæ Cartesianæ? An quia in ea absolvenda author adhuc occupatur? quorsum ergo ut omnibus numeris absolutam

tam

tam jactaret ? An quia in propatulo  
myſteria quædam continebit pugnam-  
tia cum immotis divini verbi dogmati-  
bus ? Fieri poſſet, & ex parte ſuſpicor.  
An quia desperat author ſe ſatisfactu-  
rum ſpei, quam de ea in omnibus ter-  
ræ angulis, ut eſt homo jactabundus,  
excitare laboravit ? Crederem, niſi ſu-  
perbia & φιλαντία cum non tantum ex-  
cæcaſſent, verum & communi ſenſu ex-  
uiſſent. An potius, quoniam omnia  
quæ ſe ſcire credit in antecellum repræ-  
ſentavit, paucaque ſpecimina totum  
ſcientiæ theſaurum exhauserunt ? Ita  
mihi perſuadeo : ſimilis enim videtur  
idiotis illis, qui cum paucas hiftoriolas  
& lepidas narratiunculas undequacun-  
que ſuffuratas, exploratas habeant, eas  
tamen ſive oportune, ſive ἀκρίτως, in o-  
mnibus congreſſibus proferre ac jacta-  
re amant ; quo, qui nunquam talia au-  
dixerunt, hiftoriarum peritos eſſe exi-  
ſtiment, qui præter ſuum χεῖρε nihil di-  
dicerunt.

## SECTIO TERTIA

## CAPUT I.

*Expenditur argumentum Cartesii contra  
Scepticos.*

**P**AUCIS hac sectione, particularia quædam novæ philosophiæ dogmata, quo Lector ex iis reliqua nosse incipiat, proponere decrevimus: seposita autem Dioptrica & Geometria alias examinanda, initium facimus à Renati Metaphysica, scientia tum difficillima tum utilissima. Quam late pomæria ejus author extendat, videbimus, ubi placuerit ei integrum illius systema cedere; hodie quippe eam admodum coarctat & paucarum quæstionum angustiis circumscribit, qui metaphysico enim authoris ratiocinio noverit probare Deum esse, mentem à corpore distingui, animam rationalem sive mentem immortalem esse, primæ philosophiæ epoptes futurus est. Quod mirum vero, cum author videri velit Atheorum malleus, ipseque in epistola Meditationum Dedicato



catoria ad Sorbonam profiteatur se Meditationes eo fine conscripsisse, quo certissimis Demonstrationibus in posterum Atheorum filii refutari queant, docerique esse Deum, ad hoc se *Dei patronum qualemcunque* vocet pag. 108. Meditat. Edit. Elz. cum Theologia tamen videri vult nullum omnino commercium colere. Sic enim loquitur in Epist. ad Dinetum pag. 202. *Iam saepe testatus sum, nolle me unquam ullis Theologiae controversiis immiscere.* An ergo quaestio de Deo, quæ illius existentiam probat non est habenda Theologica? nec ad rem facit, quod author, ut ipse innuit in jam laudata Dedicatoria Epistola se philosophicis rationibus Dei existentiam probare prætexit: sic enim consors fit communis erroris multorum Peripateticorum, (cum quibus tamen nullum videri vult commercium colere) qui naturalem de Deo cognitionem referre solent, ad Metaphysicam aut primam philosophiam, cum re vera pertineat ad peculiarem disciplinam, Theologiam nempe naturalem. Sed omissio leviori errato, quod libenter authori condonamus, (nisi forte cum erronum vulgo omnia



omnia ea, quæ difficilia intellectu sunt; Metaphysices titulo condecoranda existimet) rem ipsam putemus, formidabileque illud contra Atheos argumentum expendamus. Primus ergo ejus anulus concedente ipso Renato, ut recte animadvertit primarum Responsionum author pag. 96. Edit. Elz. est hic: *Cogito, ergo sum, imo ipsa cogitatio aut mens sum.* In Methodo Gallica pag. 33. terribili amplius hac Gorgone Scepticos, Pyrrhonis nempe filios ad incitas redigere laborat. Sed quod pace authoris dictum sit, machina hac nequaquam duri obfirmatique fluctuantium Scepticorum animi oppugnari possunt. Dato enim per cogitationem (ut ipse author explicat part. priori Medit. pag. 178. Ed. Elz. intelligi illud omne quod sic in nobis est, ut ejus omnes immediate conscii simus: Ita ut omnes voluntatis, intellectus, imaginationis, & sensuum operationes sint cogitationes: non tamen Sceptici filius necessario adigetur, ut fateatur se esse aliquid, puta vel cogitationem, vel mentem. Nam ut ab Academicis in Scepti minus exercitatis incipiamus, illi dicerent, sibi videri

deri tantum edere aliquas operationes voluntatis, intellectus, imaginationis, & sensuum; ac proinde argumentum, quod authori nostro instar terribilis Achillis videtur, ita limitarent, ac velut asciam in ciura retorquerent; Videor mihi cogitare, ergo videor esse. Sed quid hac ratione efficietur? Pyrrhonii vero cum amplius, ut ex Agellio constat, negarent ne quidem *quid verum videri*, dicerent cogitationem ut ut circa eam Cartesius nugetur, nihil conferre ad probationem suæ existentiae: cum enim, ut liquet ex Sexto Empyr. lib. 2. Pyrrh. Hypoth. cap. 6. statuerint demonstrari non posse, *comprehendi posse esse intellectum*: Authori nostro imponderent primo hanc provinciam, ut demonstraret ante omnia, dari intellectum, & cogitationem. Nec quid evinceret, etiamsi prolixa meditatione ostenderet cogitationem multarum rerum esse fixam & statam; mox reli caret enim alter sibi videri fixum de re qua somnium esse; eaque accidere posse; imo accidere quocunque

modo cogitanti, quæ accidere solent  
somnia multo minus proficeret gar-  
riendo, ut passim facit, de cogitationum  
suarum claritate. ut enim ex historia  
Scepticorum liquet, claritas rei falsæ &  
somnia præ cæteris suspectam reddidit  
ipsam apprehensionem verissimorum  
principiorum. Claritas accidit philoso-  
phiæ quoque Thalmudicæ ac Mahume-  
dicæ, nec non earum principiis, utraque  
tamen notæ sublesta ac falsissima est.  
Durioribus nodis constricta est, ut ex  
uno Firmico liquet, Pyrrhonicorū per-  
tinacia, quam ut hoc Cartesii cuneo cō-  
fringi possit. Et tamen aliquibus machi-  
nis expugnari potest, modo quis gna-  
rus sit methodi, secundum cujus leges  
progrediendum est, quemadmodum o-  
stendimus Disputatione prima contra  
Scepticos. Porro ut non amplectimur  
hoc argumentum Cartesii contra Scep-  
ticos, ita magni facimus quod à remi-  
niscencia est desumptum ad probandam  
veri scientiam; ut eadem Disputatione  
docuimus.

## CAPVT

CAPVT II.

*Examinatur primum Cartesii argumentum  
contra Atheos.*

**S**Ed dato nihil vitii esse in prima illa-  
stione, eaque evinci cogitantem exi-  
stere. Videamus quomodo Cartesius  
progrediatur: *Si cogito*, inquit, *cogitan-*  
*do ideas rerum in me habeo*, ac in primis  
*ideam entis perfectissimi & infiniti*. Per  
ideas autem intelligit, ut liquet ex pag.  
178. part. prior. Edit. Elzev. *cujuslibet co-*  
*gitationis formam illam*, per cuius immedi-  
*atam perceptionem quis ejusdem cogitatio-*  
*nis conscius est*. Ea, quæ à doctissimis vi-  
ris adversus hæc idearum commenta  
objecta sunt, & minus feliciter, omnibus  
æquis & eruditis Censoribus idem me-  
ram statuentibus, à Cartesio soluta, non  
replicabo: Verbo tantum ostendam  
progressum hujus argumenti neque ad  
obfirmatos Scepticos neque ad pertina-  
ces atheos oppugnandos ullum adferre  
momentum. Sic ergo Renatus: *Si co-*  
*gito*, *cogitando ideas rerum in me habeo*,  
Ad quæ quis ex Pyrrhonis filiis quatuor  
hæc objectionum momenta mox pos-



set ostendere, quæ ut ut omnia agat, nullo tamen modo remove noster poterit. *Primo*, ergo diceret incertum sibi esse an cogitet, quandoquidem inter somnia fixa & subtilia, cogitationesque pertinaces nullum discrimen inveniat, nec ullum *περιτρίβειν* habeat per quod cogitationes ab ejus notæ somniis distinguere possit. *Secundo*, dato Scepticum cogitare, non tamen propterea agnoscat cogitationis suæ ideas, hoc est certas formas: cum enim advertat cogitationes suas sæpissime turbari, confundi, & facillimo negotio obscurari, non potest cogitationis suæ, quocunque modo sumptæ, formam agnoscere, nam sic cogitationes suæ eodem semper modo per ideam dirigerentur, ac architectus dirigitur in opere, quod præ manibus habet, per ideam, quam in mente circumfert. *Tertio*, dato iterum Scepticum agnoscere cogitationis suæ Cartesiana significatione acceptæ ideas, non tamen sequitur ideas rerum esse; hoc est entium realem veramque existentiam habentium; novit enim Scepticus cogitando se sæpe circa Centauros, chimæras & tragelaphos



phos occupari, nec tamen ea entibus realibus accenseri posse, eoque dubitare incipiet an non ideæ res similes entibus his fictis exhibeant, nec quicquam ad rem facit, quod ficta hæc per ideam ad modum rerum concipiantur. Hoc enim si quis pertinaciter contra Pyrrhonium quem urgeat, magis eum confirmabit: inferet enim, si hæc quæ vis esse entia, quod ad modum entium concipiantur, in me habent ideas, etenim quia non sunt entia, cogitare debeo ut entia, & unde cognoscam an nō omnia alia quæ inter vera entia censentur, iis sint similia, hoc est non sint, sed tantum concipiantur ut entia, sive, ut utar formula Academicorum, videantur solum entia. *Quarto*, nullo modo Scepticus cōcedet ideas illas in se esse, nam si in se essent, sibi essent propriæ, & ut proprias posset examinare, ad easque omnia alia expendere. Sed possidet eas instar quarumcunque opinionum & somniorū, à quibus cum ob infirmitatem vix ut homo liberari possit, eas ut molestam quam saburræ circumfert, hanc secus ac dogmaticus falsum quā opinionem, quam quando talem esse cognoscit, quā

primum deponere & veræ locum facere laborat: Si Renatus Scepticorum, Atheorumque terribilis larva videri cupiat, vindicet aut meditando, aut solide respondendo argumentum suum à quatuor his dubiis. Sed quomodo progreditur? hunc in modum: *Cogitando ideas rerum in me habeo, ac in primis ideam entis perfectissimi & infiniti.* Ab aliis dicta, quoniam odi illud τὸν δ' ἀπομειβόμενον nolo recolere. Duo tantum dubia pro Sceptico-Atheo moveo, quæ si solide Cartesius expedire possit, virum eum putabo. *Primo*, an non debebit atheus præcognoscere dari ens perfectissimum & infinitum, ut possit hunc in modum aut ratiocinando aut meditando colligere: *Ideas rerum in me habeo, ergo & ideam mentis perfectissimi & infiniti.* Cur enim non posset sic colligere; ideas rerum in me habeo, ergo res illæ sunt ab alio, quem agnosco quidem ut superiorem causam, non tamen aut infinitum aut perfectissimum ens agnoscere per ullam validam rationem compellor, quoniam hujus rei idea proximè non deducit ad ideam infinitam & perfectissimam; & si mediate ac per gradus deducat, deducet

tan-

tantum ad causam primam, quam quomodo perfectissimam aut infinitam cognoscam, quoniam infiniti nullo modo capax est finitum, aut animal multis modis imperfectum capax entis perfectissimi; si eo perveniri ut superius omnibus aliis entibus ens hoc primum agnoscere compellar, sic forte cogitabo infinitum ut adhuc sit finitum, sic perfectissimum ut in eo maneant adhuc quaedam imperfectiones, nam in eo est infinita perfectio, cujus ideam neque homo neque angelus habere potest, sed solus Deus qui sui ideam ab æterno possidet. Nec expedit se Cartesius in Respons. ad Object. primas pag. 121. Edit. Elz. quando sic mentem suam explicat: *Itaque imprimis hic dicam infinitum quod infinitum est, nullo quidem modo comprehendendi, sed nihilominus tamen intelligi, quatenus scilicet clare & distincte intelligere aliquam rem talem esse, ut nulli plane in ea limites possint reperiri, est clare intelligere illam infinitam esse.* Glossa hæc per omnia contra ipsum textum & argumentum militat. Idea secundum Renatum est cujuslibet cogitationis forma, per cujus perceptionem quis ejusdem cogita-

tionis



tionis conscius est? Quæro an pro diversa cogitatione eadē an distincta cogitanti cogitatio accadat? Si distincta, ut res ipsa suadet, ne idea debet forma cujusque rei propria esse ostendens rem esse hanc & non aliam, & consequenter mens habens ideam infiniti, cum sit finita habebit formā infiniti. Quod quomodo fieri potest? Si vero Cartesius velit omnium rerum unicam tantum & eandem eamque simplicem ideam dari, nullo modo unica illa idea differentiā inter finitum & infinitum, perfectum & imperfectum ostendere poterit. Ad rem quoque non facit quod Renatus ibid. distinguit, *inter rationem formalem infiniti sive infinitatem, & rem quæ est infinita*. Quomodo enim idea cogitatis, ut vult Atheorum brutum fulmen, poterit ostendere rem esse infinitam, nisi repræsentet formalitatem infiniti quocunque modo sive positivo modo, quod privilegium nulli creaturæ competit, sive negativo modo considerati, neque enim ulli cogitanti obversa potest idea canis, nisi ea formam & formalem canis rationem distincte, representet. Eoque dicimus hoc argumenti Cartesiani anulo ne-



lo nequaquam posse constringi Atheum, sed eum solum qui distincte ante novit quæ entis infiniti & perfectissimi pro hominis concipientis modulo ratio sit, hoc est, qui jam novit esse quod ens infinitum & perfectissimum. Ut enim nullus ex Cartesianis cogitantibus potest sic colligere: Habeo ideam latratus, Ergo datur canis latrans, nisi qui præcognovit canem dari eumque latrare: ita neque idea alicujus rei, argue in aliquo posse dari ideam entis infiniti, nisi cognorit quod sit ens infinitum, quomodo enim mens operose per modum negativum ens infinitum laborabit cognoscere, nisi illud existere, aut saltem possibile esse ut existat, opinetur? *Secundo*, cum ipse Cartesius fateatur Deum ut infinitum & perfectissimū à nobis cognosci modo negativo, quomodo atheus quis obfirmatus & pertinax, omnem finitatem & imperfectionem à Deo poterit separare nisi ante Deū cognorit ut ens primo primū, quod neque finitatis neque imperfectionis capax sit: hoc est nisi ante sciverit Deum esse ens simplicissimū, cujus essentialis ratio infinitatem & summā perfectionē exigit.

erigit. Sed sic non deducetur *Athens* quis eo, ut fateatur Deum existere, sed quis qui jam novit Deum existere, discet eum infinitum ac perfectissimum ens esse. Alia, quæ hic possent objici, quoniam magnam partem à doctissimis Meditationum examinadoribus mota fuerunt, nec solide adhuc ab authore soluta sunt, studio præterimus. Quod si vero *Cartesius* per tritam semitam incedere voluisset, longe compendiosius & securius atheum quem ad Deum deducere potuisset. Hac scilicet via, (progredior vero ex ipsius hypothesebus) si cogito, ideam rerum in me habeo, sed res illæ non possunt esse à se ipsis, ergo debent esse ab alio; cum vero non detur progressus in infinitum, subsistere compellor in quo primo ente quod ante se nullum aliud habent, ab eo vero omnia alia entia dependent: Sed perplexorum Doctor amat per vias obliquas, quæ raro tutæ esse solent, incedere; cūque nihil novi dicit, videri tamen cupit novi quid è tripode proferre.

CAPVT III.

*Expendantur reliqua Cartesii argumenta  
contra Atheos.*

**E**X re est progredi in examinibus argumentorum, quibus præ omnibus aliis Cartesius ut trisulcis fulminibus duros Atheorum animos transverberare instituit, non seligemus autem ea ex Meditationibus erudite à variis examinatis ac expensis, sed ex agmine, in quo Geometrica Methodo author ea ad modum Demonstrationum videri vult disposuisse. Ita vero prima Demonstratio habet, prout occurrit parte priorì Meditationum pag. 186. *Idem est dicere aliquid in rei alicujus natura, sive conceptu contineri, ac dicere id ipsum ea de re esse verum: Atqui existentia necessaria in Dei conceptu continetur: Ergo verum est de Deo dicere necessariam existentiam in eo esse, sive ipsum existere.* Paucos ex Atheis argumento hoc qualicunque modo disposito ad incitas adigi posse ipse author facile vidit, eoque & ejus victoria & successu desperans, mox sequenti pagina hanc cautelam addit: *Ejus conclusio*

*fo.*



*sic per se nota esse potest iis, qui à præjudiciis sunt liberi : sed quia non facile est ad tantam perspicacitatem pervenire , aliis modis idem quæremus. Quibus verbis Renatus tantundem vult innuere , argumento hoc poterunt moveri quicunque in Schola Contemplativa sunt exercitati , cæteri quia præjudiciis sunt excæcati pili illud non facient. Sed ego existimabam eos qui instar Cartesii meditantur , hisce demonstrationibus non indigere , & nequaquam circa Dei existentiam fluctuare. Profitetur homo se contra Atheos scribere , qui hoc præjudicio abrepti sunt non esse Deum : Ergo Dei existentiam contra eos probare debuisset argumento non minus valido quam perspicuo : Quo successu enim contra durum hoc hominum genus disputes , si argumenta tua neque capere neque intelligere queant. Sed viscera hujus Achillis rimemur , cujus hæc vis ac quinta essentia est: *Datur conceptus de Deo , ergo Deus vere existit. Primo , Sceptico-Atheus negabit dari conceptum ullum de Deo aut adæquatum aut inadæquatum : non adæquatum , quoniam mens humana , nullo ad-**



10 adæquato conceptu ens infinitum concipere potest : non inadæquatum quoque quoniam conceptus objectivus secundum Scepticum ut liquet ex Firmico respondere ipsi objecto per omnia debet : eoque fallaces omnes conceptus, imo nullos existimat, quicunque inadæquati sunt. Demonstrare ergo primo author debuisset ea quæ conceptu inadæquato concipiuntur, vero etiam conceptu concipi. *Secundo*, ejusdem commatis homo nullo modo argumenti hujus fundamentum apprehendere potest, quod ab authore proponitur Axiom. 10. pag. 186. *In omni rei idea, sive conceptu continetur, quia nihil possumus concipere nisi sub ratione existentis ; nempe continetur existentia possibilis, sive contingens in conceptu rei limitata ; sed necessaria & perfecta in conceptu entis summe perfecti.* Meminit enim Sceptico-Atheus multorum conceptuum, qui minime rerum, quibus respondebant, arguere poterant existentiam, qui tamen non tantum conceptus fuere instabiles, sed fixi & constantes : meminit quippe melancholicorum, aut antichristi præcussores, aut nescio quid aliud rei  
ridi-

ridiculæ esse, nec tamen nullis ex iis cōceptibus talis rei existentiam arguere potuit. Quid quod cogitans de mundi hujus architecto sæpe de eo ut homine quo aut semi-Deo conceptum formavit, cum tamen ejusmodi conceptui neque possibilis neque necessaria existentia respondere possit. *Tertio*, cur Sceptico-Atheus quis, cui omnia quæ sunt, videntur tantum esse, ex conceptu de Deo, inferat magis, cum vere existere, quam quasi existere, hoc est, videri tantum existere: quandoquidem ut liquet ex capite primo hujus sectionis, hoc præjudicio gravatus est, omnia quæ sunt videri tantum esse, & consequenter ideas ac conceptus rerum, non tam rerum vere existentium, quam apparentium esse hoc est earum, tantum rerum, quæ videntur solum esse, cum revera non sint. *Quarto*, iterum author præsupponit Deum esse cognitum: quomodo enim conceptus de Deo, poterit deducere ad necessariam & perfectam existentiam in conceptu entis summe perfecti, nisi exploratum ante sit Deum debere esse ens summe perfectum, & qualia ac quæ perfectionis illius, quocunque modo consi-

consideratę , momenta esse debeant. *Quinto* , nusquam author , ut ut omnia agat , atheo eique qui ignorat esse Deū , probat Deum existere , sed tantum quodatenus ostendit , quomodo ex Cartesianę Metaphysicę methodo hoc colligi ab eo possit , cui jam exploratum est , Deum aut numen quod esse. Quomodo enim ex conceptu de Deo , quis colligat Deum existere , nisi sciat conceptū eum respondere enti alicui , quod Deus est : quemadmodum enim ex conceptu equi , nemo potest colligere equum existere , nisi ante sciat quid sit equus , item conceptum eum equo convenire , ita neque ex conceptu Dei ; quis potest colligere Deum existere , nisi ante sciat quid sit Deus , cui conceptus ille respondere debet.

CAPVT IV.

*Quam felicititer Cartesius probet mentem à corpore distinctam esse.*

**A**Ntequam à Metaphysica Cartesii ad Physicam illius transimus , ex re est expendere argumentum , quo probat mētem à corpore realiter distingui ,  
 feligi-

feligimus autem illud ex rationibus geometrico more dispositis , inter quas Propositio quarta occurrens pag. 190. ita habet: *Quicquid clare percipimus , à Deo fieri potest , prout illud percipimus : sed clare percipimus mentem , hoc est substantiam cogitantem , absque corpore , hoc est , absque substantia aliqua extensa , & vice versa corpus absque mente ; Ergo saltem per divinam potentiam mens esse potest sine corpore , & corpus sine mente. Iam vero substantie , quæ esse possunt una absque alia , realiter distinguuntur : Atqui mens & corpus sunt Substantie , quæ una absque alia esse possunt ; Ergo mens & corpus realiter distinguuntur. Primo , assensum nullus præbere potest huic effato ut universaliter vero: *Quidquid clare percipimus , à Deo fieri potest , prout illud percipimus.* nam clare dilucide , & distincte percipimus duo contradictoria , nec tamen Deus secundum communem & verissimam philosophorum sententiam , facere potest duo contradictoria ad eum modum quo à nobis concipiuntur , hoc est , ut contradictoriorum rationem habeant. Secundo , non tam clare , ut author sibi ima-*



imaginatur, omnes percipere possunt mentem sive substantiam cogitantem absque substantia aliqua extensa: nam ita quis cogitare posset: quanquam mens mea non est, extensa ad modum mei corporis, forte est extensa ad modum substantiæ æthereæ, subtilissimæ illius substantiæ, in qua author globulos invenire potest. nequid dicamus de iis (quos nos tamē nequaquam sequimur) qui voluerunt animam rationalem temperamentum esse. *Tertio*, quid evincitur priori hac conclusione contra eos, qui Animæ immortalitatem negant? *Ergo saltem per divinam potentiam mens esse potest sine corpore, & corpus sine mente.* Quid si quis dicat per Dei potentiam extraordinariam animam canis conservari quoque posse extra ejus corpus, ergo concludere & eam esse immortalem. Verum quidem, authorem profiteri, se noluisse ex professo mētis, sive animæ humanæ immortalitatem in medit. probare, sed tantū animā à corpore distingui. Sed cum manifestum sit, illius scopum fuisse per argumenti hujus subsidium eos etiam aggredi, qui Epicuream de animæ rationalis mortalitate sententiam etiamnum hodie in sinu amplectuntur  
in an-

in antecessum aperte satis iis indicat, quibus telis profanam illam sententiam confodere possit. Existimo enim auctorem ipsum argumenti hujus incertitudinem vidisse, & proinde non ausum fuisse progredi ad demonstrationem immortalitatis animæ ut ipse & liquido docet pag. 169. *Quarto*, quomodo reciproce sequi potest, quod author tacite tamen innuit: Per Dei potentiam mens à corpore separari potest, ergo mens non est substantia extensa, quandoquidem auctori, ut innuit p. 191. perinde est utra Dei potentia, ordinaria an extraordinaria intelligatur. Etenim secundum similis sequelæ certitudinem concludas animam porci, aut asini non esse substantiam extensam, quandoquidem & ea per extraordinariam Dei potentiam à corpore separari, & extra illud existere potest. Si dicat vero Author reciproce se nolle hoc axioma procedere, demonstrationis suæ non tantum incertitudinem liquido ostendit verum & sibi contradicit; nam propterea statuit mentem non esse substantiam extensam, sed aliam à corpore, quoniam per Dei potentiam ab eo separari potest. Unde secundum eum sequi

qui etiam debet; Omne illud non esse substantiam extensam, quod à corpore per Dei potentiam, ordinariam an extraordinariam non refert, separari potest. *Quinto*, sic progreditur: Substantiæ quæ esse possunt una absque alia, realiter distinguuntur, & ne quis dubitet Lectorem ablegat ad definitionem decimam præcedentem. Sed quid si per extraordinariam Dei potentiam anima bruti extra brutum conservaretur, & ea absque bruti corpore esset, an inde sequeretur eam non esse dependentem à corpore & realiter ab eo distingui, hoc est, non esse substantiam extensam, quoniam est materialis. Scio quid Cartesius cum suo Medico responsurus sit, bruti eandem esse rationem quæ horologii est, & illud quod pro anima, substantia vivente in eo vulgo habetur, nihil præter solam partium dispositionem esse, per quam haut aliter ac horologiū aut quodcunque aliud automatum operationes & actiones vitales exerceat. Verum speciosum illud commentum, quod tantum similitudine qua nititur, nullus unquam amplectetur; nisi qui sponte cum Cartesio insanire voluerit.

*Sexto*, quorsum tam operose probatur, incertaque & fallaci demonstratione, ut ex iis quæ diximus liquet, colligitur, animam rationalem sive mentem à corpore distingui, quandoquidem ipse author, ut modo ostendimus, fateri cogitur, parum aut nihil illud facere ad probandam ipsam immortalitatem? An non sic tacite innuere videtur non posse solide demonstrari ex lumine naturæ animæ rationali immortalitatem competere? Omnino maximè cum sic loquatur pag. 169. *Neque enim tantum mihi assumo ut quicquam de iis quæ à libera Dei voluntate dependent, humane rationis vi determinare aggrediar.* Verum quidem cum progredi mox eadem pagina; & quadantenus tentare demonstrare animam immortalem esse, sed nihil aut parum proficere potest tali argutatione. Præsupponit enim nullam substantiam interire, innuendo nullas dari formas substantiales, excepta mente quod æternum non probabit; Item uni corpori accidere mortem, quasi vero aut vita essentialis, propria menti oppositam habeat mortem: aut vita accidentaria



ria quæ oritur ex unione animæ & corporis sic propria sit corpori, ut ei soli accidat oppositum, mors nempe; & non potius philosophice loquendo mors dicat unionis animæ cum corpore dissolutionem. Ad hoc vult mortem corpori accidere ob solam aliquam divisionem aut figuræ mutationem, ac propterea animam rationalem sive mentem non posse dici mori, quod omnis extensionis, ac consequenter etiam figuræ, quæ dicit extensionis terminationem, sit expers. Quasi vero aut semper moriatur homo quando corpori ejus aut divisio aliqua accidit, puta digiti à manu, aut figuræ mutatio oboritur, quemadmodum in iis, quos senium incurvat, est animadvertere: aut valida hæc sit ratiocinatio; mens substantia inextensa ac figuræ omnis expers, nihil incommodi perpeti potest vel ab aliqua divisione, vel figuræ mutatione, ergo mortis privilegio gaudet, immortalisque ab omnibus haberi debet. Atheus enim & Epicureus quis mox exciperet, dari posse alias mutationes, aut contrarietates, per quas humana anima annihiletur.

Enimvero, quicquid librorum contemptori Cartesio videatur, Thomas Aquinas 1. part. qu. 75. decuplo solidius animam immortalem esse probat, ex eo, quod in tota rerum natura non possit dari contrarietas, quæ ullo modo menti, aut rationali animæ efficiat. quod argumentum, jam inchoatum, si Renatus pertexuisset, aliquid, sed nihil interim novi præstitisset. Et tantum de examine Metaphysicæ Cartesianæ, quæ quanquam prolixè ac intricate in sex Meditationibus ab authore, qui ubique videri vult cornici oculos, proponitur paucissimis tamen aphorismis comprehendendi potest; ut ipse innuit, quando p. 178. ad paucas pagellas constringere instituit, quæ ad tædium & somnum lectorum diffuse & inordinate in ipsis Meditationibus proposuerat.

## CAPUT V.

*Breviter examinantur principia constitutiva rerum naturalium excogitata in Cartesianorum cerebro.*

**D**E in paucis perstringere debemus Renati Physicam, in qua si homini sua.

suarum laudum haut parco credimus, plus duobus suis emissitiis oculis vidit, quam tot antiquorum & recentiorum philosophorum agmina. Omnia sigillatim examinare nolo? quem juvet enim instar melancholici Domitiani muscas acuminatō stylo confodere, & ad examen vocare febricitantium somnia. Præcipua novæ philosophiæ capita molli tantum brachio librabo, nec tam confutare, quam detegere conabor. Quod aliquando enim Hieronymus ad Pelagianos dixit: *Sententias vestras prodidisse refutasse est*, examussim in abortivæ hujus philosophiæ dogmata quadrat: quisquis ea remoto supparo detegit, simul solidissime refutat. Initium autem facimus à principiis, de quibus mustearum opinionum magistri Aristotelis exemplo in ipso naturalis Philosophiæ vestibulo agunt. Repudiatis vero prima materia & formis substantialibus excepta una anima rationalis principiorum loco agnoscunt, Materiam corpoream, Motum, Quietem, Magnitudinem, situm & Figuram, quæ ut omniū animis perpetuo, velut scientiæ physiciæ instructissima promptuaria ob-

nimalibus : *Atque ita cognitionem physiologicā per nostra perspicua principia, pro brevitate, qua hic utimur, expedi vimus: quia antiqua dicta, quæ Peripateticis adscribi solent, ut multi ingenui & ingeniosi etiam ante nos viderunt, in omnibus claudicare deprehenduntur? nisi quis forte amplecti malit alteram rationem, quam ideam Philosophus in Dictatis physicis habet, sub quorum vestibulum ita pro loquitur: Hæc principia à me jam explicata, quam maxime sunt intelligibilia, quæ vero ab aliis statuuntur, captum humanum superare videntur. At qui sunt illi &nd? Fraterculi extra Cartesii familiam, quibus principia hæc maximè intelligibilia sunt? Ambulantne cum pexis togis, an cum nigris turricis, an vero sordidis lacernis? Consobrini si sint Marci Damæ viri in quinta classes & inter summæ caveæ inquilinos admodum celebris, pessimi veritatis Philosophicæ judices habendi sunt. Populare iudicium in sacris Physicis & circa Philosophiæ arcanis haut magis attendendum, ac pannosæ Baucis somnium.*



Rasæ tabulæ, ignorantiaæ alumni, Cartesianæ oblivionis helluones, librorum jurati hostes, ea philosophiæ principia, ut sufficientia ac maxime perspicua amplectuntur, quæ semel duntaxat declarari audiverunt, quoniam cum aliarum sectarum principia explorata non habeant, inter similis farinae homines sophorum titulo & applausu gaudere non possunt, nisi identidem crepent hæc in strepitu collecta principia, ac identidem ut Augusti corvi suum *καὶ πρὸ καὶ ἄρα* repetant. Si principia hæc sunt maxime intelligibilia, næ etiam maxime demonstrabilia esse debent. maxime intelligibile est panem, quo animalia aluntur, non ex ferri scobina, sed ex farina componi & ut est admodum intelligibile, facile etiam cuivis prope pistoris furnum est demonstrabile. Si novæ philosophiæ alumni principiis suis maxime intelligibilibus patronos inter omnis generis homines serio quæsitum ire cupiunt, ostendant ea quam maxime demonstrabilia esse, quod non poterunt compendiosiori methodo præstare, quam si ostendant non garriendo sed solide demonstrando eorum principiorum non solum

solum vestigia in omnibus, quæ proponuntur, rebus naturalibus, inveniri, sed per ea amplius rationem reddi posse omnium operationum naturalium. Si volunt enim principia omnibus rebus naturalibus communia esse, nã in quacunque re naturali, minima etiam, illius vestigia demonstrari possunt, eorumque subsidio liquidẽ veræque causæ adferri omnium, operationum quæ in ea inveniuntur. Si dicant se in aliquibus hoc ostendisse, tantundem probant, ac si fatuus quis ostensurus omnia cujuscunque generis animalia à se lætho dari posse, ad suffragium vocaret pediculorum agmina non quidem malleis in incude contusa, sed ferreorum scilicet suorum unguum cuspidibus haut aliter contrita, ac inter molares lapides frumentum solet. Dato enim (quod nunquam probabitur) per hæc principiorum commenta, quorundam physico-  
rum mysteriorum, naturæve arcano-  
rum penetralia reſerata esse, nequaquam tamen inde sequetur, ea principiorum verorum & sufficientium, respectu scilicet omnium rerum naturalium, rationem habere posse. Principia physi-

ca non in hoc aut illo solum corpore naturali locum habent, sed in omnibus. Quanquam vero Cartesianorum mysteriorum epoptę per nova hæc principia quorundam naturæ effectuum veras adæquatasque causas adferre posse videntur, nequaquam tamen omnia principiorum requisita conditionesque propterea iis procurari possunt. Enimvero Valentiniani & Secundiani præsupponendo totum mundum factum esse ex sudore & metu Æonum, item Audiani principiorum loco jactantes aquam, ignem, & tenebras videbantur, sibi & quibusdam aliis non insubide ex talibus principiorum portentis quædam naturalia mysteria explicare; quis sanæ mentis tamen explosa antiqua de principis sententia, hæc somnia patrocinio suo dignari velit? Aut potius, ut pluris hominum ineptias facere videamur; an non Heraclitus ex igni, Diogenes ex aëre, Thales Milesius ex aqua; Hesiodus ex terra, Pythagoras ex decem contrarietatibus, ac denique Democritus & Epicurus ex atomis velut principis (ut persuadere laborabant) sufficientibus propriisque multa in naturali philosopho-

losophia admodum obscura ingeniosissime illustrarunt? quis tantus tamē mac-  
 cus qui mox concludere velit, omnia illa  
 principia physiologiæ substerni posse,  
 quia authores longe Cartesio celebri-  
 res, nec ingenio inferiores ea ut vera ac  
 adequata ostentarunt, visique sunt ex  
 iis non insubide quædam explicare? Ex  
 principiis rerum naturalium ut omnia  
 sunt, ita in omnibus inveniri debent, &  
 quidem sine face, si maxime perspicua  
 & intelligibilia sint. Non est quod tergi-  
 versentur Flavii, aut Peripateticos inces-  
 sant, quæ ab his principia statuuntur, in  
 omnibus rebus naturalibus inveniuntur  
 & ostenduntur. Quando enim materiam  
 secundam manus palpant mens præju-  
 dicio non abrepta colligit conceden-  
 dam esse materiam quam communem,  
 simulque liquido ex operationibus,  
 quas ipsi sensus percipiunt, ad substanti-  
 alem formam operationum principiū,  
 fontem, & custodem ascendit. Si animus  
 jactabundis novatoribus, cū aliquo an-  
 tique philosophiæ antistite per omnes  
 rerum naturalium species progredi-  
 antur, quam ipse suam materiam &  
 substantialem Formam prodere  
 potest.



potest. Non sufficit dicere aliquod ex-  
 fictitiis principiis in rebus naturalibus  
 deprehendi; simul probandum est illud  
 vere principii rationem habere, quia ut  
 nō est ex alio, ita nec ex eo omnia. Tha-  
 les ostendere quidem potuit in plerisq;  
 rebus naturalibus aquę suę vestigia, sed  
 non æque facile probare eam unam ad-  
 æquati verique principii rationem ha-  
 bere. Quod ad rem in rebus naturali-  
 bus, ut Cartesius vult, inveniri commo-  
 dam partium dispositionem & figuram,  
 aut comprehensionem motus & quie-  
 tis; magnitudinisque, in illis invenitur  
 etiam color sed an propterea princi-  
 piis accensendus est? Nec ad rem quic-  
 quam faciet, si Cartesianus quis dicat,  
 e coloris subsidio nulla naturę arcana ex-  
 plicari posse, qui scit enim an non pro-  
 pediem phantasticum aliquod caput  
 surrecturum sit, quod inventa commo-  
 da qua similitudine, ad plebeculę plau-  
 sum ex colorum penetralibus æque cla-  
 re ac ex novis principiis, D. Renatus tor-  
 tam physiologiam eruat. Sed propius  
 cum his principiorum monstris con-  
 grediamur: In novorum Pythagoreo-  
 rum versiculo primos ordines ducit  
 mens

mens, per quam animam rationalem intelligunt. Sed quorsum misera anima, quæ socium in toto naturæ theatro non habet, vice principii jactatur? An quia principium operationum in homine est? An potius quia sola formæ substantialis nomen meretur? si nossent Novatores principiorum physicorum rationem, aut mentem iis non accessuissent, aut simul trecentis versibus, illud quod in quaque naturali specie (ex sua sententia) illius sive substantialis formæ vicem supplet, complecti laborassent. Ut enim mens in homine multarum operationum principium est, ita ex nova Cartesianorum sententia in reliquis naturalibus rebus horologio non dissimilibus, specialis partium dispositio & figura propriarum definitarumque illis operationum est principium. Sed cur specialis illius dispositionis figuræque non æque mentionem faciunt, ac mentis; ea enim non tantum mentis est vicaria, sed æque cuique speciei propria & peculiaris est, ac hæc homini. Nisi forte hoc factum oportuit ut viderentur in rationali anima easdem, prærogativas agnoscere, quas prædicant,

cant, qui immortalitatem per naturam ei competentem, contra Atheos Libertinosque, solidius, quam à Cartesio factum est, defendere laborant. Ἀρχιμήδην σοφίσμα ! circa alias controversias exploratissimum infausti Fausti filius? Sequitur *Mensura*. Per quam si Medico arcanorum omnium conscio credimus in ante laudata disputatione, novus Pythagoras intelligit, *quantitatem omnem tum continuam tum discretam, sive magnitudinem & numerum*. qui quando deinceps gloriatur per hæc principiorum commenta omnium corporum naturalium effecta & affectiones clarissime intelligi posse, velim doceat quot parasangis à magiæ qua directæ qua indirectæ patronis fautoribusque socii sui discent, quando mensuræ nomine tum magnitudinem tum numerum comprehendunt. Etenim si affectiones & effecta corporum naturalium à magnitudine & numero ut principio effectivo (totali an partiali non refert) pendent, næ magnitudo & numerus quales aliqua efficientia physica gaudent. Sed hoc hætenus, unos omnis comatis magos si excipias, non tantū famoris

nioris philosophiæ consulti, sed quot-  
 quot sensu communi rite uti sciverunt,  
 exploserunt. Quid (ut exemplo utamur)  
 ad cerebri enim operationes conducit  
 quod in eo duæ glandulæ una conaria,  
 altera pituitaria numerentur? aut ad o-  
 perationes interiorum viscerum quod  
 duodenis utrimque costis muniantur?  
 omnia licet agant mysteriorum epoptæ,  
 nunquam evincent propterea tibiis alios  
 effectus, affectiones, & operationes cō-  
 petere, quam digitis, quia his longiores  
 sint, nec propterea corvū longævū ma-  
 gis quam musculum esse, quia eo major  
 est. Accidit quidem rebus corporeis ma-  
 gnitudo, non tamen principium est o-  
 perationum, quæ ab illis eduntur. Ipsa  
 enim est *σπν* & prorsus otiosa. Nec ad  
 rem facit, quod quæque res corporea suā  
 habeat quantitatem, ergo conclude co-  
 lorem etiam principii rationem habere.  
 Mensurā excipit, *Motus*. Localis scil. qui,  
 si hominibus ad risum usq; ineptis cre-  
 dere volumus, propterea exclusis aliis  
 motus speciebus, quoniam *motus genera-*  
*tionis, corruptionis, item accretionis & de-*  
*cretionis, nec non alterationis sunt tantum*  
*varii motus locales, quasi vero propterea*  
 homo



homo & bestia non intelligentur per animal, quoniam sub animali continentur; aut qui dicit efficiens causa, propterea non intelligat pariter causam efficientem independentem etiam dependentem, quoniam sub causa efficiente in genere sumpta continentur. Sed hac de re postea pluribus. Quomodo vero lepidus hic motus, qui ipse ab alio principio provenit, principii rationem habere potest, & quidem talis, quod substituitur in locum materiae primae substantialisque formae. Nisi forte omnis rerum naturalium affectio, & consequenter etiam locus ac tempus adequati & veri principii physici rationem habere possint. Nec est quod clament per localem motum multas rerum physicarum operationes edi. Non queritur quomodo & qualiter operentur, aut producantur corpora naturalia, sed qualia sint eorum principia constitutiva intrinseca: nisi forte horologii motus, in quo ut in speculo novi Flavii Aquilinis quasi oculis totius naturae scenam videre possunt, haberi etiam debeat principium horologii constitutivum. Sed quis sanus hoc dicat? per  
motum

motum rotarum suarum, horologium differentiam horarum judicat, non tamen constituitur in suo esse. Si vero, propterea motus principii rationem habere debet, quoniam per motum res naturales constituuntur; suo esse & operationes exercent, nã pariter Deus Opt. Max. principii physici constitutivi pari jure rationem habere poterit: nam non tantum in initio temporis omnibus rebus dedit suum esse, sed & amplius cum omnibus causarum secundarum actionibus tum immediatione virtutis tum suppositi concurrit. Meminisse deberent authores se explosisse materiam primam & omnes substantiales formas, excepta una anima ratioanli, eorumque locum subire motum cū principiiis sociis. In locum principiorum intrinsecorum citra intolerabilem errorem substitui non possunt principia externa, aut internorum affectiones. Sed quid tandem post motum in serie novorum principiorum succedit? *Positura*, per quam intelligunt situm, qui à Medico in dictatis definitur: *Ipsa corporis inter corpora positio*. Sed quomodo accidens hoc principii cōstitutivi rationem habet?

habet ? subsequitur enim corpora jam constituta, &que ac color. Nisi forte propterea in ordinem principiorum adoptari debeat, quoniam à dispositione partium in horologio, vera illa Archimedis sphaera (si erronibus credere volumus) omnis motus provenire videtur. Sed si hoc verum esset, frustra horologiis adjungerentur pondera, quæ instar externi motoris sunt. Quam otiosa vero, omnisque activitatis per se expers sit bella hæc POSITIVA arbores frigore extinctæ rusticos etiam docere possunt. Si distinguere aut vellent, aut possent novæ philosophiæ alumni inter conditiones & requisita ad agendum, & actionum principia, aliter philosopharentur. Ut incedere possit animal pedibus bene ordinatis indiget, nec tamen pedes per se incessus aut causa, aut principium dici possunt: alias enim & mortuus canis salvis pedibus instar viventis currere posset. Ex principiis personarum excogitatis sola *figura* superest, quæ, Medico in Dictatis teste, nihil aliud est, quam *ipsius extensionis terminatio*. Videant vero inauditi hujus principii architecti, ne dum physicam refo-

reformare laborant, magiæ illicitæ principia quantum in se comprobatum eant. Figura enim qua talis, omnibus qui cor habent, astipulantibus, ἀπὸν per omnia est: & quanquam quasi conprincipium est in motu locali operationibusque quæ per eum motum fiunt, nequaquam tamen vel quasi conprincipii rationem habere potest in operationibus quæ fiunt per alterationem. Etenim si figura per se universalis principii rationem habet, à quo omnigenæ operationes proveniant vicerint Magiæ diabolicæ patroni, qui incautis persuadere laborant figurarum certatum virtute tot admiranda, quæ jactare solent, naturaliter effici posse. Existimat quidem Medicus se ictum hunc declinare posse, quando dicit: *Magos figuras considerare sine materia, se vero cum materia.* Sed. meminisse debuisset, aut ex aliis discere, magiæ consultos delectum quoque materiæ habere in qua aut characteras, aut cruces, aut alias figuras exarent. Non dico, musteam philosophiam esse Magicam, sed pericula tan-



tantum, quæ ex ea, si principatus illi contingat, oboriri possent, annoto; quemadmodum ante hac quoque à celeberrimo Voetio factum fuit, in quem quando Renatus in scurrili Epistola pag. 199. ita debacchatur; (*Homo usque adeo stolidus (aut, si mavult, malignus) ut philosophiam meam in Magia suspensionem voluerit adducere, quia figuras considerat*) animi impotentiam prodit. Si vir videri cupiat Novator, ostendat quot passus sententia sua sine fuce & involucris proposita ab occultis revelatisque magiæ patronis distet, aut cum pro stolido syncophanta in posterum habebimus. Et tantum quidem de superbæ philosophiæ principiis.

## CAPVT VI.

*Quid existimandum sit de particulis insensibilibus Cartesianorum & materia sensibilibus ex iis confecta.*

**E**Xplosis formis substantialibus omnibus, una rationali anima excepta, ne pariter Novatores omnem substantialitatem submovere videantur, materiam illius promptuarium principiumque

piumque esse fingunt. Sic enim inter alia oracula Medicus in vestibulo dictatorum Physicorum hariolatur: *Quicquid in rebus naturalibus præter mentem humanam est substantiale, totum illud à materia, sive substantia corporea originem ducit.* Sed si hoc effatum admittendū, simul nos bardos novus Pythagoras edoceat, quomodo res naturales substantialibus differentiis à se invicem differre queant: nisi forte solis accidentibus, res toto cœlo distinctæ, secundum novæ philosophiæ principia differre debeant. Omnia agat, perreptetque totum nugarum suarum stabulum, in exilium ablegatis omnibus formis substantialibus, una excepta mente, nihil invenit quod substantialem differentiam progenerare queat. Clamat quidem alibi multa de essentiali differentia, sed ut rerum ignaris glaucomam ob oculos obijciat. Libenter damus formam quamque, & consequenter etiam accidentariam composito essentialem, v. c. candorem candido: sed ut quævis forma non est substantialis, ita neque quævis essentialis differentia à forma essentiali dicta proveniens substantialis aut haberi aut

ri aut vocari potest. Recolamus vero Medici verba modo ad partes vocata: *Quicquid in rebus naturalibus præter mentem humanam est substantiale, totum illud à materia sive substantia corporea originem trahit.* Si tota ratio substantialitatis omnium rerum naturalium ab una materia corporea est, ne substantialitatis materiæ nullum principium dari debet, & consequenter eam per se habebit: sed si per se eam habet substantia simplex evadit, utpote substantia ex nullis principiis substantialibus composita, acciditque ei per accidens ut modo hæc, modo illa accidentia recipiat per quæ accidentaliter distinguatur. Sed si hoc verum, quodnam principium quantitatis est, quæ huic materiæ, utpote corporeæ, sine piaculo eripi non potest? aut quæ ratio, quod mens, quæ æque substantia, quantitatis omnis expers sit? utraque enim substantia secundum Cartesii principia, completa & simplex est. Si dicatur substantiā in communi sumptam proximo dividi in substantiam corpoream & incorpoream, ulterius quæram quodnam ejus divisionis sit fundamentū, & cur non omnis substan-

stan-



stātia sit corporea & consequēter quanta Necessum ergo aut ad commune omnibus ignorantiae mystis asylum (Dei scil. creatoris omnipotentiam liberamq; voluntatem) confugiant, aut fateantur quid inveniri in ea substantia, quam corpoream vocant, quod non inveniatur; mente; & propterea illam esse quantam, non vero hanc. Vnde enim corporeae substantiae quantitas determinata erit, si non sit principium determinans; nihil quippe se ipsum determinare potest: aut cur non subtilior aëris quantitas, paulatim æque laborabit condensari ac quantitas quæ terra est, nisi peculiare quod in aëre sit principium, forma scil. substantialis, quæ ut materie quantitatem in se indeterminatam certo modo in aëre determinavit, ita eam determinatam conservat, ne ratio determinationis materie aëri accidentis confundatur, cum materia peculiari modo per propriam formam in terra determinata. Sed videamus deinceps quæ in materia hac corporea Novatores considerare soleant? Sic autem Medicus in dictatis Phisicis pergit: *Materia hæc divisa est in partes insensibiles & sensibiles: partes insensibiles sunt,*  
*vel*



*vel motus sui celeritatem fugiunt sensus. Hæ itaque non sunt atomi, veram indefinite divisibiles: nec semper ejusdem sunt magnitudinis aut figure, sed quantum ad talia, idem de ipsis, quod de reliquis corporibus est dicendum. Quamvis autem ad illas particulas alii philosophi non multum attendere soleant, nos tamen ex illis plurima natura mysteria pendere arbitramur: quia sine his nec acrimonia, nec lenitatis, nec subtilitatis, nec crassitie, nec infinitarum aliarum qualitatuum ratio reddi potest: his autem positis, omnium intelligibilis est explicatio. Quis non crederet novos hos Magistros præ omnibus aliis Promethea faventem habere, nuperque admodum prodiisse ex secretioribus naturæ penetralibus, ac omnia nuda vidisse manibusque palpare, adeo graviter ac cum supercilio nugas suas proponere sciunt, ne scilicet eas probare simplicioribus cogantur. Sed expendamus hanc materie distributionem. Argis his si quis credere velit, dantur quædam materiæ partes adeo exiles, ut sint insensiles, & aut ob suam exiguitatem aut motus celeritatem fugiant sensus: nihilominus mysteriorum cceptæ, qui sciunt etiam*

*quid*

quid rex reginæ in aurem dixerit, certo  
 sciunt eas non ejusdem magnitudinis  
 aut figuræ esse. Sed an hoc oculorum  
 acie, an vero mentis diligentiori inda-  
 gine explorarunt? Enimvero quomo-  
 do quis aut visu, aut quocunque alio  
 sensu cognoscere queat diversæ aut ma-  
 gnitudinis aut figuræ res illas esse, quæ  
 plane insensiles sunt omnemque sensum  
 fugiunt. Nec  $\delta\lambda\upsilon\tau\epsilon\varsigma \circ \mu\lambda\acute{\epsilon}\varsigma$ , sive ratio,  
 ulli hic etiam usui est. Non potest quip-  
 pe certo, de rei, quæ sub sensum non  
 cadit, sive figura sive magnitudine ha-  
 riolari. Tantum enim si valeret, simul  
 apud sese decempeda infernum dimeti-  
 ri illiusque figuram carbone delineare  
 posset. nec hilum ad rem facit, quod ip-  
 sius Archimedis mens hanc figuram aut  
 magnitudinem rei, quæ sub sensum non  
 cadit, maxime convenientem esse sta-  
 tuat. Deus sapientissimus omnium re-  
 rum architectus hominum sapientiam,  
 quæ non potest attingere ad abyssum di-  
 vinæ sapientiæ, novit prostituere. Ju-  
 dicat quidem ratio in pulvere erudito  
 non peregrina, cælo empyreo circula-  
 rem figuram maxime cōvenire, sed quis  
 novit, an non illius conditor & rector  
 K qua-

dratam aut circularem figuram tanquam ei magis convenientem, contulerit. Non expedit quoque sese mysteriorum horum patres, si dicant diversitatem hanc magnitudinis & figuræ à se cognosci ex diversis operationibus; sic enim iterum ringentibus omnibus Theologis ac Philosophis, in sinu vero magorum filiis gaudentibus, magnitudini ac figuræ quibus nulla operatio convenire potest, efficaciam viresque ad operandum affingere debebunt. Sed scire velim quomodo insensiles hæ particulæ, quæ ipsos sensus fugere dicuntur, crassitie causæ esse possint. Nisi forte crassities etiam sit insensilis. Si dicant crassitiem oriri ex magnitudine insensilium; artium, (ut innuit idem Medicus in iisdem dictatis) ridiculos se præbent. Quorsum enim partes, magnæ vocentur insensiles; nisi forte indivisibili puncto possit etiam magnitudo assignari. Sed doceant velim quomodo minimus acarus, quem oculus vix capit, possit concipi cætuplo minor (talìa enim somnia hominibus his obversari debent) & tamen esse physice divisibilis habereque magnam figuram. Boni viri qui mathe-

thesin



thesin suam physiologiae promptuarium esse volunt, cogitare deberent aliter quantitatem minimam etiam mente dividi posse, aliter vero physice. Mens mea quancunque lineam potest dividere in infinitas partes, (neque enim ulla pars tam exigua est, quin ea adhuc minor cogitari possit) sed simul actu ac physice in infinitas illas partes ea dividi non potest. Insensiles hæ particulæ sunt particulæ physicæ, quibus quomodo convenire possit esse insensibilibus & sub nulum omnino sensum cadere, ac tamen physice divisibilibus & figura præditis esse, quotusquisque capiat. Sed amplius doceri velim quomodo insensibiles hæ particulæ, & tamen divisibiles ac figuratæ, coire queant ad res naturales absolvendas. Temerario enim & fortuito eas concurrere non existimo, sed per certum quem rectorem cogi. At quis ille est? num anima mundi Platonica? an vero ad portum locumque communem omnis ignorantie confugiendum erit; & quoniam in natura nihil occurrat, Deus sollicitandus? Nisi forte fingere oporteat cum Academiae principe in Timæo Genios aut si semi-Deos, qui



officio hoc defungantur , si fides adhibenda novorum monstrorum novis architectis particulæ hæ insensibiles sunt , quia sensum fugiunt : sed si sensum fugiunt quomodo ergo esse & in rebus inveniri dicuntur ; aut quæ ratio eas dari evincit ? etenim intelligentiæ sensu nullo cum percipi possint , nequaquam ut actu existentes apprehenderentur , nisi ratio suaderet non improbable esse dari creaturas incorporeas. Audio quidem cornicantes novos philosophos , & pro particularum harum insensibilium reali existentia adducere sua commenta de lenitate , acrimonia & crassitie : sed volens nolens , dum umbram illam rationis lustro , in cachinnum erumpere compellor. Eadem plausibilitate Apella quis probet Leviathan cauda sua sustentare terræ globū , quoniam per eum rationem scit reddere non tantum omnium terræmotuū , verum etiam recōditi arcanique æstus marini. Non quaeritur an Cartesianus quis per falsam hypothese suarum insensibiliū particularū rationem reddere possit secundū suum concipiendi modum acrimoniæ , lenitatis , ac crassitie ; sed an dentur tales particulæ

ticulæ insensibiles , è quibus ejusmodi  
 opinionum portenta queant extrahi.  
 Nec magis me , aut quem alium qui  
 cum Thracibus nimis simplex est, quam  
 ut decipi queat, movere potest bella si-  
 militudo & in textrina nata de flamen-  
 tis sericis : quis Genius enim nostris En-  
 drunionibus revelavit omnia corpora  
 naturalia similia esse telæ bombicinæ  
 contextę ex subtilissimis filamentis ? de-  
 in quis dixerit subtilissima filamenta o-  
 mnem sensum fugere ? Aranearum fi-  
 lamenta multo adhuc subtiliora sunt, &  
 oculus tamen maleficio nullo affectus  
 ea animadvertere potest. Quicquid no-  
 vatoribus videatur, ea quæ singula om-  
 nes sensus bene dispositos fugiunt ne-  
 quidem coacta aut constipata eos offi-  
 cere possunt. Angelicam substantiam in-  
 dividualem nullus ex sensibus , ut ut  
 subtilis ac subactus animadvertere po-  
 test : nec magis percipiet insensibiles il-  
 las creaturas , si millenæ etiam coëant  
 ac congregentur : Idem animadvertere  
 licet circa animales spiritus , quos ut ut  
 collectos & coacervatos ne ipsius qui-  
 dem Argi oculus animadvertere potest  
 in animalis capite recluso aut trepano

Perforato; eosque magno agmine co-  
 servatim exeuntes haut magis animad-  
 vertere potest, ac si per exiguas porti-  
 unculas foras prodirent. Quid vero ex  
 mysticis his particulis insensibilibus cō-  
 ponitur, quisve earum usus? docet Me-  
 dicus ita philosophans in dictatis suis  
 Physicis: *Partes sensibiles, quæ ex multis  
 insensibilibus compositæ sub sensum cadunt,  
 quemadmodum ex. gr. ex filamentis pluri-  
 bus sericis, quæ nullum colorem singula ha-  
 bere videntur, componitur filum, albo, fla-  
 vo, vel alio colore tinctum.* Sed quæ tam  
 speciosa similitudine ad illustrationem  
 probantur, solide quoque demonstrari  
 deberent. Si materia sensibilis confla-  
 tur instar panni serici ex ramentis ac ve-  
 lut naturalium corporum filamentis, e-  
 dissenterant mustei hujus somnii fautores  
 qualis substantiæ sint filamenta insensi-  
 bilia, ex quibus substantia corporea sen-  
 sibilis contextitur. Suntne portiones  
 substantiæ cælestis, an elementi, an cor-  
 poris mixti, an omnium horum. Si o-  
 mnium, liquido differentiā triplicium  
 harum particularum indicent sic ut bo-  
 ni textores physici haberi possint. O-  
 stendant quid accidat, quando concur-  
 runt

runt solæ portiones ætherææ, quid quādo elementares, aut mixtorum corporum. Generosa ingenia somnii, pasci non possent aut debent. Textor qui cujusque filamentum colorem notabiliter percipere non potest, illud tamen sigillatim considerat cogitque ad telæ exorsæ absolutionem: sed quis Lynceus aut Argus unquam conspexit ex minimis insensibilibusque particulis materiam corporum naturalium sensibilem coire, aut quis materiam sensibilem in minimas insensibilesque particulas dissolvere potuit, aut dissolvi vidit; quemadmodum in textrina quotidie animadverti potest. Ingeniose hæc magis finguntur, quam cum ratione docentur. Intellectus veritatem non dictat instar dictatoris alicujus perpetui, sed à rebus, quibus adæquatur quando verum cognoscit, accipit sibi que mancipat. Vnius ingenii intellectusque dictamen si sufficeret, tot in triviis philosophos inveniremus, quot inter homines censeri merentur, & præ belluis ratione pollent.



## CAPVT VII.

*Examinatur Cartesianorum sententia de  
caloris definitione.*

**T**Alia quidem novę philosophiæ principia quam lepide eodipi soboles ex iis hariolari soleat, uno aut altero exemplo speciminis ergo curiosum lectorem doceamus. Initium facimus à calore, qualitate maxime activa; cujus naturam Medicus ex præceptoris placitis propriisque principiis delineaturus; hac definitione in Thesibus physicis publice ventilatis utitur: *Calor est varia agitatio particularum insensibilium: frigus autem est earum quies.*

Sed si calor nihil aliud est quam varia insensibilium particularum agitatio, cur cespites, quorum in his oris usus est, valide in minutissimas partes dimunuti (fieri hoc facile potest si sicci sint) æque conterentem non calefaciunt, ac quando accensi sunt. Etenim minutissimas particulas, ubi fricantur, agitari, & quidem celeriter, oculus ostendit, ipsæ tamen particulæ, nihil, aut parum admodum

dum caloris, algenti laigiuntur. Iterum: si calor non nisi insensibilium particularum agitatio, cur ignitum ferrum non tantum manum calefacit, sed saepe etiam adurit, ignis portiunculas minimas poris ferri insistentes libenter movendo, quando ad ferrum contendunt; nullus tamen sanus eas moveri statuet quando in poris ut definita statione morantur: nisi forte particula ignis insensibilis insensibili poro inexistens in orbem celerrimo motu rapiatur. At quomodo hoc cognoscere poterō? per quod aut Algebraicum, aut Geometricum aut Staticum sive postulatum, sive axioma, sive problema hoc docetur? Mastico aut galangam aut gingiberem & calore non tantum lingua integrumque os, sed ipsa quoque viscera æstuarē incipiunt: paulo post corticem mali aut pyri dentibus validissime frangere instituo, & parum aut nihil caloris persentisco; nihilominus hæc familiarium arborum fragmina majore molimine cōminui, & in partes magis insensibiles redegi, quam aut gingiberis, aut galangæ portiones. Ut credam calorem non nisi insensibilium partium motionem

esse ratio liquida differentiæ adferatur, ac aures arrigere incipiam. Piper quisquis dentibus permolere instituit calidum esse deprehendit, caloris tamen vestigium non deprehendetur, si sexcenti etiam topi, aut alii, friabiles lapides eadem mola contendantur. Quæ ratio? an quia topi non æque in partes insensibiles cōminui possunt? aut quia partes illæ minimæ non æque celeriter agitantur? utrumque accidere unūquemque experientia docet; quæ quia hic neminem fallere potest, certe credendum est calorem male à novæ philosophiæ alumno per insensibilium particularum agitationem descriptum esse. Etenim dato insensibilium particularum variæ agitationi quid circa caloris negotium deferendum esse, non tamen agitatio illa formaliter ipse calor erit, sed potius efficiens caloris causa. Iutphasiana mola (quam Medicus aliquādo pro exemplo adducit) agitatione sua aëra frangit, non tamen aut ipse aër, aut illius fractio est. Tornator chalybeo instrumento atterit lignum, nec tantum atterit, sed etiam calefacit, ac nonnunquam accendit; nullus tamen attritum, aut calo-

calorem vocare potest, aut flammam, quæ à multis astantibus sæpe deprehenditur. Amplius quæro insensibiles particulæ agitatæ, an sint ipse calor, an vero caloris causa efficiens. Si causa efficiens, quorsum pro effectu ignaris obtruditur quod efficientis causæ rationem habet: si vero sunt ipse calor formaliter sic dictus, aut calor erit substantia; particulæ enim hæ minimæ corporearum substantiarum portiones sunt: aut particulæ insensibiles pro insensibili substantia insensibilem calorem communicatum habebunt, & consequenter sensibilis substantia sensibili calore instructa magis erit calor, potiusque per eam, quam insensibiles particulas calor definiendus. Si respondeant sensibiles partes non æque facile ac insensibiles agitari, aut agitationem illam pro causa efficiente agnoscere debent, aut concedere calorem & agitationem insensibilium particularum formaliter ipsum calorem esse, sed hoc fieri non potest, quoniam ut probatum est, non omnis particularum talium agitatio calor est.



## CAPVT VIII.

*Excutitur Cartesii sententia de  
Magnete.*

**C**alorem excipit Magnes, quod naturæ mysterium non potest non tantorum somniorum architectis quam exploratissimum esse, vel Medico teste, qui in dictatis physicis ita de admiranda illius attractione philosophatur: *Inter lapides opacos admirandus est magnes, cuius operationes non sunt per attractionem, sed circumpulsione corporum magneticorum vi exhalationis magneticae à tellure versus septentrionem vel austrum exhalantis. Fidem facile oraculum hoc inveniet in tribu Novaturientium: cantilenæ enim nuperæ & tripudia recenter inventa obsoletis plerumque jucundiora esse solent; ut enim haut inficte alicubi in Odyssæa Homerus:*

Τῷ γὰρ αἰδῶ μάλλον ὀππλεῖ σὸ' αἰδρα-  
ποι

Ἡ τις ἀκρόντισσι νητάτη ἀμριπίληται.

Quis-

Quisquis tamen serius veritatis amator & assertor videri cupit, Helenam licet novo fuce & palla excultam, veritus Paridis fatum, suspectat. Initio dicitur magnes operationes suas non edere *per attractionem*; quod credendum, quia sic receditur à communi sententia, quæ ex Cartesianæ methodi præscripto horæ momento de statu suo præcipitari potest, frustra pro ea defendenda anhelantibus omnibus antiquæ philosophiæ cultoribus. Sed si magnes attrahendo operationes suas non exercet, cur ferrum suæ virtutis attractivæ facit particeps? Nisi forte reclamante omnium mortalium experientia & toto sophorum ratione dicendum sit neque ferrum accipere vim attrahendi, neque accipere posse, quoniam magnes à quo vim illam acciperet, non agit *per attractionem*. Sed quæro an nullæ res naturales, non electrum, non tot alia fossilia attrahendo agunt? Si agunt, ratio reddatur, cur non & magnes agat, quandoquidem in hoc eum referunt, quod agant *per attractionem*; quanquam nō eodem modo attrahunt. Sin vero nec de illis veri studiosus crede-

credere debeat agere per attractionem, quod nihil per attractionem agere solcat, liquido ostendatur attractionem entium classe movendam esse. At quam melioris scilicet commatis, sententiam, post explosam attractionem de magnetis naturæ epoptæ supponunt? Magnes dicunt, *admirandus est circumpulsione corporum magneticorum vi exhalationis magneticæ à tellure versus septentrionem vel austrum exhalantis*. Sibyllæ folium, breve enim est ac probationem quærit. Audio quidem verba fieri de magneticis corporibus, sed quæ & qualia sint, non docetur, nisi forte ubicunque naturale corpus occurrit, magneticorum quoque corporum vestigia deprehendantur, & Democriti atomi magneticis profluviiis seminibusque turgeant: Sed si circumpulsione magneticorum corporum magnes movetur, quorum circumpulsione ipsa magnetica corpora movebuntur; etenim aut se ipsa movebunt, aut aliis corporibus, à quibus moveantur, indigebunt, ut magnetica enim si rempse lege cum magnete censerentur debent, æque ac aurei mani iisdem legibus, quibus aurum, quatenus hoc in iis invenitur, apud

pu<sup>d</sup> omnes qui cor habent, gaudere solent. Illationis nostræ absurditatem spongiis delebimus simul ac Philosophantibus, definire placuerit quid aut corpus magneticum sit, aut quid magnetici in quoque corpore inveniatur, & ad qualium entium classem hoc referri debeat. Magnetismi malum in novis quibusque opinionibus invenio, sive enim per attractionem, sive circumpulsionem agant, multos ad se invitant, quorum ignorantiam scutica expiandam novi commenti velum palliat. Scilicet qui antiquam philosophiam in pariete nunquam pictam viderunt, ventis ac sacræ oblivioni eam consecrarunt, quia per occultam circumpulsionem aut circa Fluddi, aut Cartesii magnetem hærent, qui dum viri entia ejusdem se cum simplicitatis ad se invitando, alarum remigio ad audacis loquentiæ, superbæque maledicentiæ sphæram facile sublevari possunt. Sed progrediamur in magneticorum horum corporū magnetem circumpellentium examine. Si non fallitur Apollinis fraterculus quædam exhalationis vis ea excitat, quæ prodit neque ex Averni ostio, neque Occa-



Oceani faucibus , sed Telluris gremio. Vbi dioptra per quam exhalatio hæc aut ascendere, aut descendere, aut circumcurritare cum magneticis corporibus conspicitur ? excitatque eam aut Fluddi spiritus, aut mundi anima, aut sol terram tepefaciens, aut ipsa tellus magnetum maxima, quæ magneticis suis fragminibus, omnia, ad quæ magnes ferri & inclinari potest, repleat & offuscet. Non omnes sub Cartesii fide re nati sunt: amplius quam verbo indigent, ut naturæ mysteria explorata habere possint. Davi, qui mysteria hæc nō intelligunt, quærent amplius quomodo terra cum tot continuis exhalationibus sufficiat citra sui diminutionem, aut cur non ubique in omnibus locis & angulis, cum inveniuntur in maximi magnetis magnetica corpuscula per exhalationes eructata, etiā eadem magnetis operationes occurrāt, ne fatui quæsitores quæstionibus suis axioma hoc Cartesianum enervare possent, muniēdum fuisset clara & ad omnia enodanda dubia sufficiente explicatione. Existimabam me defunctū examine circa exhalationem, sed earum præ cæteris constantia trepidare

dare animum nullius alias flagitii compertum compellit. Terra exhalationes exhalat tantum versus septentrionem & Austrum. Papæ! si similis esset tubicini, qui cum tara tantara oris sui halitum versus quascunque plagas eructare potest, mirari desinerem; sed cum cogito Tellurem brutam illam matrem esse quam Brutus exosculatus est, vix à me impetrare possum, ut credam eam tam stabili lege dirigere quæcunque sui profluvia. Docilem tamē me esse profiteor, & si quod mysterium hic aut Geometria aut Algebra Cartesii premat, lubens expendam ubi ab authore ex theca omnis sapientiæ depromptum fuerit: quem rogo ut ex Statica sua me doceat, quot magneticorum corpusculorum per terræ exhalationes excitatorum unciæ pyxidi nauticæ includi debeant, quo acus quæ in illa magnetis mysteria refert, ad polos mundi constanter converti queat, nisi forte tam subtilia hæc corpuscula sint, ut vitri lignique poros quibus sæpe acus munitur, penetrare queant, & non minus copiose in medio Oceano, quam prope litora volitent.

CA.

## CAPVT X.

*Quam lepide Cartesiani de æstu maris  
philosophentur.*

**O**Mni ævo æstus maris magnum naturæ miraculum haberi consuevit, in cujus penetralibus lustrandis cum aliquatenus maxima ingenia processisse viderentur, extincta tandem ingenii lucerna redire, ac eruditam ignorantiam fateri debuerunt. Ille ipse tamen ut ut olim & hodie admirandus videri solet, planus & oppido quam perspicuus Cartesii sectatoribus est. Vnus modo Medicus audiatur, qui haut aliter ac si à quo Socratis dæmonio moneretur & omnia naturæ arcana disceret, in dictatis aperto capite hunc in modum philosophatur : *Quantum ad æstum maris at-  
tinet, hic oritur ex eo, quod cælum nostrum  
peculiare (clauso illo circulo quem luna sin-  
gulis mensibus peramittit) circumraptu suo  
circum terram & interfluxu inter terram  
& lunam ipsam terram ad aliquot pedes  
extra centrum sui cæli deturbat : hinc enim  
oriuntur duæ angustiae in illo cælo sibi mi-*

quo diametraliter opposita, una inter lunam & terram, altera inter terram & illam peculiaris celi extremitatis partem, versus quam ipsa terra ab interfluxu subtilis materiae sive celi fuit propulsa. Dum itaque torrens peculiaris nostri celi istas angustias interfluit, aquas maris in istis portibus premit & versus littora attolit. Cum autem ob diurnum terrae motum illa pars maris, quae lunae erat obversa, à luna paulatim avertatur, sensim etiam cessat in illis partibus aeris & maris pressio, quo à littoribus versus altum relabentes refluxus maris efficiunt. Quam multa ut concessa hic non assumuntur, quae neque Algebra, neque Statica, neque quaecunque Matheseos pars frustra ad pallianda physica commenta imperitis ostentari solita, unquam aut machine alicujus aut operosi calculi subsidio probare poterit, ne quid dicamus de hypothesebus remotioribus quibus haec haut secus ac columnis inconcussis incumbunt. Discant Novatores, & discant quidem ut didicisse profit, non quascunque Mathematicorum speciatim vero Astronomorum hypotheses, rerum naturalium, quibus applicantur, veras realesque affectiones



nes esse. motum per tempus mensurabilem Astronomiæ consultus ostendit, eumque cum uniformem ac invariabilem esse deprehendat, mensurare, in partesque dividere satagit; sed cum nō possit nisi per certa præcognita, securus subiecti motus & magis adhuc motoris, fingit sibi quas hypotheses, quo earum subsidio motum, quem cum eo vulgus etiam animadvertit, citra errorem tum mensurare, tum dividere queat, unde accidit ut aliquando moveri cælum pronunciet, cum forte terra moveatur, aut neutrum, sed potius corpus quod in cælesti machina sese moveat. Ut vero primus hypothesisum talium architectus nequaquā præsumpsit per hypotheses suas ipsam rerum naturam circūscribere, realesque corporum mobiliū affectiones declarare, ita nullus quoque ita insanire debet, ut quæ tantum hypothetice sunt proposita, velut absolute dicta amplectatur, rerumque naturas ex certis suppositionibus æstimare incipiat. Multa assumunt, supponunt, & sibi concedi cupiunt. Cartesii sectatores; quæ non invitatus quisquis pertinaciam exuit, quoque dabit, modo ut postulata & hypotheses  
pro-

proponere pergant, & non per ultionem harum suppositionum cōcessionem naturas arcanas rerum naturalium magistrali supercilio definire præsumant. Si ea, quæ ut hypotheses assumuntur, non tantum affectiones rerum naturalium, sed earum etiam causæ sunt; probentur cum suis effectis necessariam connexionem colere & in ea influere. Non sufficit fingere certas hypotheses secundum quas cognoscantur, hæc aut illa rebus naturalibus certo invariabilique modo accidere: amplius probandum est, ea, quæ tantum hypotheses sunt, forte à Cartesio aut alio ingenioso nugatore excogitatæ, verarum & physicarum causarum rationem habere. Mensura veritatis physice non est hujus illiusve phantasticum caput variarum suppositionum ferax, sed ipsa rerum natura. Si per hypotheses certas pro cuiusque arbitrio excogitatas rerum nature cognoscerentur, ne summus physicus indoctissimus Mahometus esset, & quilibet calo, ut ut altus omnibus philosophis antiquis rerentioribusque medium digitum ostendere posset; neque enim naturam

naturam adeo novercam experitur quin facile ex rebus maxime familiaribus & obviis certas hypotheses colligere possit, quas applicando dein ipsis rebus naturalibus, velut physicae sapientiae procaptuaria crepet, imo veras adæquatasque mysteriorum naturalium causas esse imperitis persuadeat. Nec quicquam ad rem facit, quod ex hypothesebus illis mathematicæ aut quasi mathematicæ demonstrationes colligantur. Enimvero per Eccentricos orbes & Epicyclos certo demonstrari potest anomalus multiplexque planetarum motus, quis tamen inde concludat reales aut in cælo orbes Eccentricos, aut Epicyclos esse? similiter damus per hypothesein Copernicanam de duplici terræ motu non infeliciter salvari posse quæcumque aut circa stellarum fixarum aut erraticarum motum contingunt, quis sanus tamen hac rationis specie moveatur ut contra Scripturam, cui ob Dei in ea loquentis auctoritatem præ cæteris fides adhibenda est, terram moveri, corpora autem cælestia quiescere statuatur? hypotheses circa res naturales excogitatae, humani solum cerebri inventa, nequa-



quaquam vero ipsæ rerum naturę sunt; earum specula pellucida esse deprehendantur, per accidens contigisse putandum est. Hæc si observentur, ultro evanescent, quæcunque operose à Medico de maris æstu ex præceptoris Cartesii principiis excogitata fuerunt: imo in furnum abibit tota philosophia, quam Herculeo conatu Cartesius cudere videtur. Ut liquet enim ex speciminibus, quæ de illa exhibuit; incumbit meris hypothesebus, non in ipsis rerum naturalium penetralibus inventis, (ea enim nunquam tenebrio lustravit) sed hiberna forte nocte dum febris molestias crearet in cerebro tornatis: quæ licet cum suis consuetariis mathematica methodo à subdolo & fallere gnaro autore disponantur haut magis tamen mathematicis demonstrationibus physicam ultimo hoc sæculo beavit, quam si quis Mahometi ineptias eodem ordine colligere, & velut nova in philosophia oracula incredulis propinare præsumat. Si candidus ac docilis Dn. Renatus sit, ex me hac occasione sine minervali discat, ut aliquid suo ingenio, quod non nemo æstimare videtur, aliquando dignum



num præstare queat; Intellectum non hujus illiusve hominis speculationibus intellectualibus indulgentis mensuram veritatis intellectivæ esse, sed ipsas omnino res, neque enim res aut intellectui aut speculationibus intellectualibus, sed ipse intellectus rebus conformari debet; quod nunquam fiet, si liceat intellectui non consultis ante rebus principia quædam excogitare & ea dein ipsis rebus applicare: Ita enim homo equus, lapisve, aut noctua, aut quid absurdius fieri posset, modo placeret intellectui domino imperioso ad similem conclusionem colligendam ex suis principiis progredi.

## CAPUT X.

*Ratio redditur cur non plura nova physica  
Cartesiana dogmata excutiantur.*

**P**Ossem longe plura speciminis loco ex nova ineptientium physica proponere, sed quem juvet aut Augiæ stabulum expurgare, aut naribus tetrum pestilentemque illius odorem sublegere. Propositum nobis tantum fuit novæ philosophiæ Methodum detegere, quo quisque

que suo Marte omnia ejus deliria convellere possit. Quemadmodum infestus Socininus magnus Rabbinus illi videtur, qui nescit eum in Lexico Hebraico Forsmeri, Ebraicum quod vocabulū in textu opposito occurrens quærere consuevisse, inventisque variis ejus significationibus quam ut instituto suo inservientem elegisse ac Spiritui sancto in antecedentibus & consequentibus per omnia significationem talem respuenti, affinxisse. Ita & Renatus Cartesius (mathesin ejus excipio, qua longè melius & felicius uti posset) maximus physicus, arcanorumque naturæ naturalisque theologiæ consultissimus illi videtur, qui exploratam non habet methodum, secundum quam non tantum philosophari, sed universo orbi (nedum qui in illo vivunt eruditis) imponere laborat. Acamatius Heliopolita populares suos decepit ab iisque philosophi titulum impetravit, quod vulgo humanior ac politior esset; homo vero hic non contentus philosophi titulo, aut universalis Doctoris elogium, aut perpetui in cujusque notæ eruditos dictatorium imperium affectat, quia aliquid in Mathesi

L præ

*sententia, fallacia Evæ Vliëgenæ in Comitatu Meursensi anno 1628. detecta, luculentum præbet testimonium. Quasi vero propterea omnes historiæ sint mendaces, quæ de variis hominibus testantur, quod multos per annos in ediam pertulerint, quia Eva Vliëgena puella Meursensis fumos orbi vendidit. Historias quas per Evam Vliëgenam fide exuere Medicus laborat, quisquis diligenter excussas videre optat, consulat eximium opus Fortunii Liceti; his qui diu vivunt sine alimento, & alterum; de feriis altricis anima.* Similium argumentorum plaustra ex Medici Thesibus dictatisque, nec non ipsius Cartesii scriptis, si animo lubitum esset onerare possem: sed religio est innoxias chartas nugarum locis cõmunibus destinare. Securis Brutorum Cartesii fulminum futuri sunt, quotquot exploratam habent Methodum secundum quam à Salmonei fraterculo jactari solent: quem moneo in tempore, ne propediem per intoierandam jactantiã publicum orbis ludibrium fiat, ut diligenter expendat quid sodali suo Joanni Phrygi evenerit, de quo ex re est consulere Synesii epistolam 104. Ut vero

amplius

amplius cognoscas, Lector, quam periculosa alea plena sit nova philosophandi Methodus unam adhuc Sectionem subjicio.

## SECTIO QUARTA.

### CAPVT I.

*Cartesii nova philosophandi Methodus ad  
Scepticismum viam sternit,*

**D**E Archasio quo refertur, quod tam fortis ejus imaginatio esset, ut eam uniuscujusque eruditi ac prudentis hominis scientiam atque prudentiam attraheret. Enimvero si tanta efficacia imaginationibus ac Meditationibus ex Cartesii methodo institutis inesset, author essem omnibus qui in Scholis & Academiis à præceptoribus informantur, ut curriculo ad illius delubrum properarent, dictum factum enim in illo sine impensis & libris eos thesauros consequerentur, quos vix pauci post assiduos difficilesque multorum annorum labores inveniunt. Sed secus se res habet, Alumni novę philosophiæ pro speratis



nes esse. motum per tempus mensurabilem Astronomiæ consultus ostendit, eumque cum uniformem ac invariabilem esse deprehendat, mensurare, in partesque dividere satagit; sed cum nō possit nisi per certa præcognita, securus subiecti motus & magis adhuc motoris, fingit sibi quas hypotheses, quo earum subsidio motum, quem cum eo vulgus etiam animadvertit, citra errorem tum mensurare, tum dividere queat, unde accidit ut aliquando moveri cælum pronunciet, cum forte terra moveatur, aut neutrum, sed potius corpus quod in cælesti machina sese moveat. Ut vero primus hypothesisium talium architectus nequaquā præsumpsit per hypotheses suas ipsam rerum naturam circūscribere, realesque corporum mobiliū affectiones declarare, ita nullus quoque ita insanire debet, ut quæ tantum hypothetice sunt proposita, velut absolute dicta amplectatur, rerumque naturas ex certis suppositionibus æstimare incipiat. Multa assumunt, supponunt, & sibi concedi cupiunt. Cartesii sectatores; quæ non invitus quisquis pertinaciam exuit, quoque dabit, modo ut postulata & hypotheses  
pro-

proponere pergant, & non per ultroncā harum suppositionum cōcessionem naturas arcanas rerum naturalium magistrali supercilio definire præsumant. Si ea, quæ ut hypotheses assumuntur, non tantum affectiones rerum naturalium, sed earum etiam causæ sunt; probentur cum suis effectis necessariam connexionem colere & in ea influere. Non sufficit fingere certas hypotheses secundum quas cognoscantur, hæc aut illa rebus naturalibus certo invariabilique modo accidere: amplius probandū est, ea, quæ tantum hypotheses sunt, forte à Cartesio aut alio ingenioso nugatore excogitatæ, verarum & physicarū causarum rationem habere. Mensura veritatis physice non est hujus illiusve phantasticum caput variarum suppositionum ferax, sed ipsa rerum natura. Si per hypotheses certas pro cuiusque arbitrio excogitatas rerum nature cognoscerentur, ne summus physicus indoctissimus Mahometus esset, & quilibet calo, ut ut altus omnibus philosophis antiquis rerentioribusque medium digitum ostendere posset; neque enim naturam

naturam adeo novercam experitur quin facile ex rebus maxime familiaribus & obviis certas hypotheses colligere possit, quas applicando dein ipsis rebus naturalibus, velut physicæ sapientiæ pro captuaria crepet, uno veras adæquatasque mysteriorum naturalium causas esse imperitis persuadeat. Nec quicquam ad rem facit, quod ex hypothesebus illis mathematicæ aut quasi mathematicæ demonstrationes colligantur. Enimvero per Eccentricos orbes & Epicyclos certo demonstrari potest anomalus multiplexque planetarum motus, quis tamen inde concludat reales aut in cælo orbes Eccentricos, aut Epicyclos esse? similiter damus per hypothesein Copernicanam de duplici terræ motu non infeliciter salvari posse quæcumque aut circa stellarum fixarum aut erraticarum motum contingunt, quis sanus tamen hac rationis specie moveatur ut contra Scripturam, cui ob Dei in ea loquentis auctoritatem præ cæteris fides adhibenda est, terram moveri, corpora autem cælestia quiescere statuatur? hypotheses circa res naturales excogitatæ, humani solum cerebri inventa, nequa-



quaquam vero ipsæ rerum nature sunt; earum specula pellucida esse deprehendantur, per accidens contigisse putandum est. Hæc si observentur, ultro evanescent, quæcunque operose à Medico de maris æstu ex præceptoris Cartesii principiis excogitata fuerunt: imò in furnum abibit tota philosophia. quam Herculeo conatu Cartesius cudere videtur. Ut liquet enim ex speciminibus, quæ de illa exhibuit; incumbit meris hypothesebus, non in ipsis rerum naturalium penetralibus inventis, (ea enim nunquam tenebrio lustravit) sed hiberna forte nocte dum febris molestias crearet in cerebro tornatis: quæ licet cum suis consecrariis mathematica methodo à subdolo & fallere gnaro autore disponantur haut magis tamen mathematicis demōstrationibus physicam ultimo hoc sæculo beavit, quam si quis Mahometi ineptias eodem ordine colligere, & velut nova in philosophia oracula incredulis propinare præsumat. Si candidus ac docilis Dn. Renatus sit, ex me hac occasione sine minervali discat, ut aliquid suo ingenio, quod non nemo æstimare videtur, aliquando dignum



num præstare queat; Intellectum non hujus illiusve hominis speculationibus intellectualibus indulgentis mensuram veritatis intellectivæ esse, sed ipsas omnino res, neque enim res aut intellectui aut speculationibus intellectualibus, sed ipse intellectus rebus conformari debet; quod nunquam fiet, si liceat intellectui non consultis ante rebus principia quædam excogitare & ea dein ipsis rebus applicare: Ita enim homo equus, lapisve, aut noctua, aut quid absurdius fieri posset, modo placeret intellectui domino imperioso ad similem conclusionem colligendam ex suis principiis progredi.

## CAP V T X.

*Ratio redditur cur non plura nova physica  
Cartesiane dogmata excutiantur.*

**P**Ossem longe plura speciminis loco ex nova ineptientium physica proponere, sed quem juvet aut Augiæ stabulum expurgare, aut naribus tetrum pestilentemque illius odorem sublegere. Propositum nobis tantum fuit novæ philosophiæ Methodum detegere, quo quisque

que suo Marte omnia ejus deliria convellere possit. Quemadmodum infestus Socininus magnus Rabbinus illi videtur, qui nescit eum in Lexico Hebraico Forsmeri, Ebraicum quod vocabulū in textu opposito occurrens quærere consuevisse, inventisque variis ejus significationibus quam ut instituto suo inservientem elegisse ac Spiritui sancto in antecedentibus & consequentibus per omnia significationem talem respuenti, affinxisse. Ita & Renatus Cartesius (mathesin ejus excipio, qua longè melius & felicius uti posset) maximus physicus, arcanorumque naturæ naturalisque theologiæ consultissimus illi videtur, qui exploratam non habet methodum, secundum quam non tantum philosophari, sed universo orbi (nedum qui in illo vivunt eruditis) imponere laborat. Acamatius Heliopolita populares suos decepit ab iisque philosophi titulum impetravit, quod vulgo humanior ac politior esset; homo vero hic non contentus philosophi titulo, aut universalis Doctoris elogium, aut perpetui in cujusque notæ eruditos dictatorium imperium affectat, quia aliquid in Mathesi

L

præ

præstitit, philosopharique imperitis videtur, quos solos rejectis omnibus Academicis & in ea docentibus subdole admodum novarum suarum speculationum iudices sedere cupit: nec sibi tantum cupit, sed easdem prærogativas omnibus quoque sectatoribus suis serio deferri jubet. Contra quos ut quisque instructissimus esse possit, notet solum ea, quæ breviter superiori sectione à nobis dicta fuerunt, per omnia enim eadem via ad sceptrum *αἰτίας* grassari contendunt, qua feliciter jam contendisse ad Dictatorium fastigium Renatus videtur. Propediem vero iis tota eruditorum natio assurgeret, si aut particulare exemplum sæpe male applicatum novum & quidem *κατὰ μέρος* verum effatum progeneraret, aut ea dogmata velut Apollinis responsa adoranda essent, quæ similitudine qua illustrari possunt. Remove enim Magistrale dictamen quod in omnibus tum Cartesii, tum Medici commentis utramque paginam facit, & præter similitudines, frigidaque exempla particularia, ut ante quoque annotatum fuit, nihil invenies quod vice rationum ad confirmanda paradoxa



ta oracula adferatur. Sed quem ex gente naso & corde instructa talia commoveant? Particulare enim exemplum si aut axioma universale affirmatum probare aut evertere posset, securi perpetuo ferulae & virgæ in Scholis pueri essent: Orbilius enim nequaquam metuerent si aut dicerent nomina omnia in A, primæ declinationis esse Masculini generis, quod poëta sit dignioris sexus: aut omnia verba passivo destituis, quod passivum nullum verbum Sto agnoscat: & xviij quoque Iudei vincerent; dicere enim, imo probare possent, benedictum nostrum Salvatorem (absit dicto blasphemia) falsum Messiam fuisse, quod impostor fuerit Simon Magus, cum Magnus verusq; Messias à sectatoribus suis agnosci cuperet. Nolo consulto novæ Philosophiæ alumnis ullam injuriam facere: Ipse, Lector, expende an non æq; ridiculum Medicus se præbeat in editis etiam Thesibus ac publice in Academia Vltrajectina excussis: ita enim loquitur disput, Med: secunda pag. 17. *Cum hæc restauratio sit continua, & sine intermissione fiat: falsum itaque est aliquos, per multos annos, sine alimento vixisse: cui*



*sententia, fallacia Evæ Vliogene in Comitatu Meursensi anno 1628. detecta, luculentum præbet testimonium. Quasi vero propterea omnes historiæ sint mendaces, quæ de variis hominibus testantur, quod multos per annos in ediam pertulerint, quia Eva Vliogene puella Meursensis fumos orbi vendidit. Historias quas per Evam Vliegenam fide exuere Medicus laborat, quisquis diligenter excussas videre optat, consulat eximium opus Fortunii Liceti; his qui diu vivunt sine alimento, & alterum; de feriis altricis anima. Similium argumentorum plaustra ex Medici Thesibus dictatisque, nec non ipsius Cartesii scriptis, si animo lubitum esset onerare possem: sed religio est innoxias chartas nugarum locis cõmunibus destinare. Securis Brutorum Cartesii fulminum futuri sunt, quotquot exploratam habent Methodum secundum quam à Salmonei fraterculo jactari solent: quem moneo in tempore, ne propediem per intoierandam jactantiã publicum orbis ludibrium fiat, ut diligenter expendat quid sodali suo Joanni Phrygi evenerit, de quo ex re est consulere Synesii epistolam 104. Ut vero*

*amplius*

amplius cognoscas, Lector, quam periculosa alea plena sit nova philosophandi Methodus unam adhuc Sectionem subjicio.

## SECTIO QUARTA.

### CAPVT I.

*Cartesii nova philosophandi Methodus ad Scepticismum viam sternit,*

**D**E Archasio quo refertur, quod tam fortis ejus imaginatio esset, ut eam uniuscujusque eruditi ac prudentis hominis scientiam atque prudentiam attraheret. Enimvero si tanta efficacia imaginationibus ac Meditationibus ex Cartesii methodo institutis inesset, author essem omnibus qui in Scholis & Academiis à præceptoribus informantur, ut curriculo ad illius delubrum properarent, dictum factum enim in illo sine impensis & libris eos thesauros consequerentur, quos vix pauci post assiduos difficilesque multorum annorum labores inveniunt. Sed secus se res habet, Alumni novę philosophiæ pro speratis

thesauris, in attos inutilesque carbones incidunt, ac à Pansophiæ doctore non ad sacrarium Sophiæ, sed Ignorantiæ, si non Moriæ, deducuntur. Vt hinc enim incipiamus; quanquam Cartesius videri vult ἀσπονδονπρόχαιμον Scepticorum filiis indixisse, methodus tamen Philosophandi ipsi peculiaris, non per ambages, sed recta, ad Scepticismum ac Pyrrhonorum deliria ducit: imo ipse, ut ut dissimulet in Scepticorum statione hæret, non quidem eorum, qui ex Academia aut Pyrrhonis schola progressi fuerunt, sed Semi-Scepticorum, sive eorū, qui vocari possunt Sceptici per consequentiam, quorum hic mos potissimum esse solet; in speciem contra primæ notæ Scepticos denotare, certissimam evidentissimamque variarum rerum scientiam jactare, ac denique nova verit̃ περιήγῃα circumferre, talia scil., quæ nulli scientiæ ab aliquo homine, quisquis etiam sit, per subsidium naturę applicari possint. Ejus commatis morosophos citra ullam injuriam Semi-Scepticis accenseri posse vel hinc manifestissimum; Quod eque grande piaculum sit omnem scientiam de mundo tollere, ac talem  
aut



Aut jactare, aut ab iis, qui eruditis accensentur, efflagitare, quæ in nullum hominem cadere potest. Quemadmodum enim per certissimam consequentiam omnis fortitudinis gloria ab illo, hominibus eripitur, qui nullum fortem existimat, nisi qui cum instructo efferatorum leonum agmine congredi aufit; ita scientiæ lucerna in omnibus ab illo æque extinguatur, qui eam post lapsum tam clare in cunctis mortalibus lucere vult, ac ante lapsum in Adamo fulsit, aut quatenus hodie adhuc in angelis radiat. Candide ago, hominemque agnoscere cupio ex iis, quæ ipse proponit in Methodo Gallica pag. 20. ubi hunc in modum loquitur: *Primum* (quod mihi serio philosophaturo præceptum proposui) hoc erat, nullam unquam rem ut veram amplecti, quam non scirem quam evidenter talem esse: hoc est, sollicite evitando præcipitantiam & preventionem, nihil amplius iudicio meo amplecti, quam quod adeo dilucide ac distincte se intellectui meo offerret, ut nullam amplius dubitandi de eo occasionem haberem. Quibus verbis, oppido quam evidentibus & dilucidis novæ Philosophiæ dictator fatetur, se



nihil ut verum velle amplecti, nisi circa quod nulla dubitandi occasio oboriri possit. Sed dum hoc docet, aperte sibi ipsi larvam detrahit, omnesque, qui corde non carent, docet se in statione Sēmi-scepticorum, de quibus loquuti fuimus, hærere. Quid enim adeo evidenter ut verum cognoscitur, circa quod aliquando animus non posset fluctuare, aut saltem dubitandi occasionem offendere? Provoco ad ipsam Cartesii conscientiam, (modo, quod abominor, cauterium illam non adusserit) an non volens nolens fateri cogatur, ea, quæ ut aperte vera in solis rebus naturalibus scire videtur, in dubium vocari posse, si aut experimenta contra veritatem illam militantia (quod facile fieri potest) ab aliquo libro nature vacante depromantur, aut à quo in philosophicis sacris exercitatissimo tales rationes adferantur, quæ pertinacissimum quem opinionis suæ patronum turbare possent. Si existimet nullas hastas à tam valida dextra amentari posse, ut iis lædatur, aperte nimis & ante diem ingenium suum prodit. Nulla veritas (ne quidem ea, quæ ab ipso Deo infallibili veritatis Doctore in ipsa Scriptura docetur

cetur) tam certo ullius hominis animo alligatur, ut non possit sæpissime ejus possessori occasio, etiam præter expectationem, oboriri de ea dubitandi, & quidem cum gravi periculo. Quis non credat Spiritus Sancti discipulos Iobū, Asaphum, & Ieremiam certissimos veritatis hujus fuisse; Dei providentiæ omnia esse subiecta, nihilque, ne minutissimum quidem, præter voluntatem ejus accidere: turbati tamen fuerunt, & serio apud se disputare inceperunt, an quæ Dei providentia esset, cum viderent contra carnis prudentiam, bonis in hoc mundo omnia ut plurimum male, malis vero plerumque cuncta bene succedere. Sciendi principia natura non tam nota, quam omnium mortalium mentibus insculpta ab ingeniosissimis etiam sæpe tacite in dubium vocantur, si aut experimentum quod illis adversari videatur, aut, ut sæpe accidit, delirum aliquod caput, Cartesio forte non dissimile, commenta sua in speciem probabilia contra illud adferat & velut in acie disponat. Immota sciendi principia nullis machinis, ne quidem Cartesianis everti possunt, & tamen variarum obje-

ctionum fuligine ac nebulis ita obscurari, ut doctissimi etiam & à prurigne novaturiendi alienissimi circa illa turbentur, sed periculose quoque, ut quotidiana experientia docet, animo fluctuēt. Vnus Cartesius, si præ omnibus, quotquot vixerunt, hominibus, prærogativa gaudere debeat, feremus, nec quod invidi facere solent, privilegii bullam ac sigillum exhiberi nobis jubebimus. Interim tamen dum hanc ad sapientiam viam, in gratiam sectatorum quoque, quos sperando expectat, complanare laborat, aperte totum orbem docet se professione Semi-Scepticum esse, & ad deliriorum semi-Pyrrhonorum ἀποψίαν invitari, quotquot oculos claudere volunt, & in errorum vertiginumque præcipitium ruere. Nec sic tantum semi-scepticus Renatus alios ad Σέψιν & Pyrrhonia sacra manuducere laborat, sed manifestius ac periculoso magis conatu idem agit, quando in Meditationibus sectatores suos de omnibus rebus, omnigenisque veritatibus dubitare docet. Ad rem vero non facit, quod in Responsionibus quintis pag. 410. dicit: *Novit philosophus saepe falsa pro veris utiliter*



*aliter sic assumi ad veritatem illustrandam.*  
 Quamquam enim libenter damus philo-  
 sopho licere aliquando ex falsis hypo-  
 thesibus in veritatis gratiam, quam u-  
 nam intendit, progredi, nullam interim  
 aut injuriam Deo facio, aut quo præju-  
 dicio ea, quæ indubitatae veritatis sunt,  
 gravare laborat. Deum, à quo omnis  
 falsitas remotissima est, quis citra flagi-  
 tium meditando, ut fit à Cartesio Me-  
 ditatione prima, *deceptorem* fingere po-  
 test? Quod Apostolus 1 Cor. 15. Ex  
 Menandro docet, mores nempe bonos  
*prava colloquia* corrumpere, verissimum  
 est: mentis autem intrinsecum collo-  
 quium meditatio est, quæ ubi sana non  
 est, etiamsi animi integritatem lædere  
 non affectet, eam tamen collutulat, &  
 nescio quid latentis vitii affricat. Multo  
 minus apologia proposita in sequenti-  
 bus verbis, occurrentibus in Epistola ad  
 Dinetum pagæ 158. auctori prodesse po-  
 test: *Scripti initio meæ responsionis ad ter-  
 tias Objectiones, Nempe nullas dubitandi  
 rationes fuisse à me propositas, eo fine ut ip-  
 sas persuaderem, sed contra ut refutarem:*  
*eodem plane modo quo Medicina scriptores  
 morbos describunt, quorum curandarum*



*Methodum volunt docere.* Sed author, cui familiare est infeliciter ex loco similium argutari, meminisse debuisset dubia non à se methodice proponi, quo solide & dilucide refutari ac cujusque animo eximi possint; sed suo exemplo quemque ex sectatoribus monere & hortari, ut per dubiorum vortices, lubricamque ac fragilem glaciem, ad scientiæ arcem enitatur. Quotusquisque autem hoc facere potest? Per lutosam & paludosam viam si agmen meare debeat, non tantum multi ex militibus calceis mulctantur, sed varii quoque ad talos usque cæno immersi, hostibus præda fiunt. Haud uno loco author fatetur, methodum suam non nisi *solidioribus ingeniis* convenire. Quot autem homines inveniri existimamus qui tuto in omnium dubiorum gurgites se præcipitare possint, & postea secure ex iis emergere? De Sebastiano Franckio Enthusiastarum patre vir Dei Lutherus dicere solet, eum omnium olera perreptasse, ac postea in proprio sterquilinio suffocatum fuisse. Quam vereor ne multi in hoc Cartesianarum dubitationum fimeto & sinuoso fluctuationum Laberyntho, si Magistrū  
• ducem

ducem sequi velint, suffocentur, & ante inter Orci caneros irretiti hæreant, quam se illaqueatos esse animadvertant. Vulcani catenæ, quibus Martem Veneremque illaqueavit, non æque subtiles sunt, ac quibus quis à veritatis statione per Scepticismum ad Atheismi præcipitium trahitur. Ne quis vero existimet hac altera tantum arte, quos dementavit, ex Dogmaticis in Scepticos Cartesium transformare laborare; sed in propatulo amplius Scepticismum eos docet, quando sensuum iudicium in dubium vocare docet. Ne enim ad suffragium vocemus ipsas Meditationes, in quibus velut in speculo ostenditur, quomodo quis Academicorum & Pyrrhonorum exemplo sensus certitudinem, (quæ si debita *κρίσις* observentur, facile à quibuscunque fallaciis vindicari potest) infirmare debeat; amplius in Respōsionibus sextis pag. 486. Edit. Elz. ubi mentem suam explanat, sensuum iudicia docet similia esse iis iudiciis, *quæ à primæ infantia, & absque ulla consideratione formavimus*; quæ ipsissima Scepticorum sententia fuit, ut prolixius docuimus *Disputatione secunda contra Scepticos.*  
Inju-

Injuriam homini facere non intendo ; Dogmaticisque eum accensere quidem velim, si fieri posset; interim idem de eo ego judicare cogor quod de Socrate, (dignus opinor Atheniensis senex est, ut cum dæmonio hominis Cartesio componatur) quem quamvis Cicero Tullius lib. 2. Acad. Q. Dogmaticis accenseat, eodem tamen teste lib. 1. Acad. Quæst. proclamare publice privatimque solet, *nihil cognosci, nihil percipi, nihil sciri, angustos sensus, imbecillos animos, brevia curricula vite, opinionibus & insomniis omnia teneri, nihil veritati relinqui, & omnia tenebris circumfusa esse.* Non volo quidem Renatum nostrum in propatulo Scepticum esse, in recessu talem esse sufficit. Audacter autem hoc dico, nec tantum dico, verum etiam sufficienter, ut existimo probo : si possit, se expediat, in meam sententiam non tantum discedent; quibus placuerit caput hoc legere, sed etiam omnes, qui judicio haut oscitante expendent ea, quæ aut à Flavio nostro in sex Meditationibus, aut in libro Gallico, qui inscribitur *La Methode*, docentur.

CA.



CAPUT II.

*Eadem Methodus recta ad Enthusiasmum ducit.*

**S**Cepticismum & Semi-scepticismum Enthusiasmus excipit, cujus consortem non dico quidem Cartesium esse, sed ad eum ducem esse philosophiam, quam profitetur. Nihil homini affingere cupio. Docet ergo sectatores suos in Respons. ad Objectiones secundas pag. 181. & seq. vetera non tantum omnia abdicare, sed & advertere quam debiles sint rationes ob quas sensibus suis hactenus crediderunt, & quam incerta sint omnia judicia, quæ illis superstruxerunt: deinde considerare mentem propriam, cunctaque ejus attributa, nec non sedulo examinare propositiones per se notas, & ita per examen idearum, sedulamque entis summe perfecti contemplationem accedere ad veram intelligentiâ eorum axiomatum, quæ ipse omnium mentibus, ut indubitata, insculpta esse sine teste & ratione pronunciat. Periculose vero alcæ plenissima hæc methodus



dus est. Mens enim sive intellectus ob  
 caligantes, quos habet oculos, sensibus  
 externis ut ducibus, haut aliter indiget  
 ac cæcus suo ductore: ipsa axiomata  
 solis radiis clariora, ut indubitata non  
 amplectitur, nisi sensuum ministerio e-  
 orum instituerit examen illorumque  
 certitudinem in praxi manibus quasi  
 palpaverit. Sic verbi causa tum demum  
 certe ac citra ullam hæsitantiam totum  
 quaque sui parte majus esse credit, quā-  
 do sensuum subsidio axiomatis ejus cer-  
 titudinem tum oculis contemplatur,  
 tum manibus tractat. Quando primo  
 enim à sensibus abducitur ad contem-  
 plationem eorum axiomatum, quæ ei  
 insculpta videntur, exuitur amissi ac  
 norma sua, sibi que relicta facile axioma  
 quod fingere potest, quod si normæ ex-  
 hibeatur, postea falsum ac sublestæ fidei  
 deprehendatur: quoniam nihilominus,  
 vero prærogativa ei defertur, (quasi e-  
 jusmodi iudice cum regula non indige-  
 ret) pertinaciæ callo obducitur. audet-  
 que se munire per axiomata contem-  
 plando adinventæ contra quascunque  
 rationes & apertissimam etiam verita-  
 tem. Quod *αὐτοδιδάκταις* accidere solet,  
 qui

qui opinionum Helenas, à se inventas, præ amore comprimendo enecare quã derelinquere malunt, contemplantibus talibus accidit: axiomata quæ mens abstracta ab omnibus sensibus dictare videtur, haut aliter retinent ac proximam pilam claudi. Quam facile vero erroneum quod axioma, inimicum pietati, adversarium scripturæ, menti sibi relicte & iudice suo carenti obrepere potest? Antiqui & recentiores Enthusiastæ, præ cæteris David Georgii, Thomas Muncerus, Henricus Nicolai, & Sebastianus Franckius contemplationibus ejusmodi vacantes, Scripturam contemnere inceperunt, & vice divinorum oraculorum ea obtrudere quæ mens dictabat. Fateor quidem, hos inter Enthusiastas antesignanos, pro mente jactasse internum hominem, Spiritum, Deum loquentem, somnia, & quæ alia fanaticorum hominum mystica vocabula esse solent, sed unius rei, mentis nempe variæ tantum denominationes fuerunt. Quæ dictabat iis ratio, circa axiomata iudice destituta fabricanda occupata, amplexi fuerunt, & ut supra rationem esse viderentur, spiritus, aut verbi

verbi interni, titulo, incrustarunt. Op-  
 pido vereor ne diabolus, qui abstracti-  
 vis magistris & superbis meditantibus  
 quam vicinus esse solet, Cartesians si-  
 militer imponat, doceatque mentem,  
 quæ natura non intelligit ea quæ Dei  
 sunt, adorare. *κρυπταὶ τῆς εὐσεχίας* nec-  
 dum detecta sunt: dies aliquando plene  
 ea revelabit. Deinde, quis periculum  
 ab Enthusiasmo manifestarium non vi-  
 deat, quando author vult pag. 182. iam  
 laudata, mentem sic abstractam, *diu*,  
*multumque in natura Entis summe perfecti*  
*contemplanda immorari, quo absque ullo*  
*discursu cognoscat Deum existere.* Enim-  
 vero mens profundę meditationi im-  
 mersa, Deique existentiam in se absque  
 ullo discursu, hoc expresse enim Rena-  
 tus vult, inveniens, Deum sibi inexisten-  
 tem aut immediate, aut mediante idea  
 (quemadmodum Meditationum author  
 docere videtur) invenire debet, quam  
 facile vero sic ad profanissimum Enthu-  
 siasmum ei aditus datur. Deum sibi in-  
 existentem Cartesians quis deprehen-  
 dit per ideam, cur non ergo instar En-  
 thusiastæ sic etiam concludat: Deus in  
 me est, & ego in Deo, ergo per Deum  
 inex-



inexistentem omnia ago & consequenter neque pecco neque peccare possum, quia per Deum inexistentem omnia ago, non dico hæc consuetaria in ipsis Cartesianis Meditationibus inveniri, aut proxime procedere ex iis, quæ ab illo in editis scriptis, velut axiomata proponuntur: sed periculum tantum indicare volo, cui se exponunt omnes quotquot ex novæ methodi præscripto progredi intendunt. Non tantum Enthusiastarum impurissimus Sebastianus Franciskus pro symbolo Ovidianum illud adoptavit:

*Est Deus in nobis agitante calefcimus illo,*

eiusque socius Henricus Nicolai, teste Theodoro Coornhertio ejusdem com-matis impostore ad has extremas furoris Enthusiastici lineas accessit, ut illoto blasphemoque ore diceret: *Ego sum Deus:* verum etiam ex ordine practico-Meditantium teste Ruysbroeckio in Apologia sua cap. 2. eo usque meditando quidam accesserunt, ut affirmarent, *se nullum habere Deum, sed usque adeo se sibi esse mortuos ac Deo unitos, ut ipsimet Deus effecti*



*effecti sint.* Etenim per speculativas Cartesianæ meditationes longe facilius quis ad harum blasphemiarum catadupa abripi potest, quam per pratico-speculativas Monachorum. Mitto quod Renatus vult, mentem abstractam *diu multumque in natura Entis summi perfecti contemplanda immorari*: sed quomodo noctuæ oculi solem adeo purum ac defæcatum intueri poterunt? Vult mentem intueri Deum ut *ens summe perfectum*, ergo ut ens simplicissimum, infinitum, æternum, omnipotens; sed experientia vel in solis Vorstianis & Socinianis docet, eos, qui volunt mente quâ mente sive secundum rationis humanæ regulam contemplari supremi entis perfectionem; maximam imperfectionem ei affingere. Quoniam enim mens præ angustia capax non est summæ perfectionis, eam, pro suo modulo ordinat dirigitque Deum cogitando imperfecte simplicem, infinitum, æternum ac omnipotentem. Si vir ille, de quo alibi in Physicis Melanthon loquitur, in absurdissimas de rebus naturalibus, maxime iride, opiniones incidit, quod de iis ex unius mentis dictamine philosophari præ-

præsumeret, quid non homuncioni circa Deum accidet, si eum ut ens summe perfectum contemplari instituat.

CAPVT III.

*Atheismi muros dum subvertere Cartesius laborat, sulcit ac edificat.*

**D**E Crasso alicubi Plutarchus memoriae mandavit, quod cum bipedum avarissimus esset, avaritiam tamen in omnibus quam maxime insectari ac redarguere soleret. Simile quid, non sine gravibus causis de Cartesio suspiceris; dum enim videri vult Atheismo quam maxime infestus esse, eum docere & propagare laborat. Præ ignorantia si faciat, commiseratione dignum esse iudico; præ malitia vero si peccet, rogo eos, qui Atheismum proserpentem sistere ac sufflaminare debent, ut ad hominis conatus attendant, seduloque in ejus molimina Philosophicarum dissertationum velo palliata inquirent. Etenim si verba semper virtutem arguerent, iisque tuto fides adhiberi deberet, ab Atheismi levissima etiam suspicione homo

homo noster alienissimus esset: ut alia enim multa loca passim in sex Meditationibus occurrentia omittamus, in ipsa Dedicatoria epistola ad Sorbonam Parisiensem evidenter ac audacter satis ostendit se Atheismi suspicione nequaquam laborare velle. Quid volunt enim sequentia verba, quibus gloriatur de invicto argumentorum contra Atheos adductorum robore: *Addam* (rationes meas) *tales esse, ut non putem ullam viam humano ingenio patere, per quam meliores inveniri unquam possint: cogit enim me causa necessitas, & gloria Dei, ad quam totum hoc refertur, ut hic aliquanto de meis liberius loquar, quam mea fert consuetudo.* Sed tam speciosis λόγους, nequaquam iis, quibus Atticus nasus, & sensus in de- tegendis his mysteriis exercitati sunt, satisfieri potest. Similibus verborum ampullis Atheismi suspensionem à se aver- tuncare laborabat Cæsar Vaninius, & tamen publice Tolosæ est combustus non tantum quod Atheus esset, sed Atheismi Apostolus. Cartesius femur ferire non debet, quod cum Vaninio cō- ponatur, per omnia enim idem fere quod ille agit. Vaninius scribebat con- tra



tra Atheos, ipse Atheorum maximus; similiter Cartesius: Vaninius jactabat iis argumentorum machinis se obfirmatos Atheorum animos pulsare, contra quas nullum pertinaciæ scutum, aut clypeus consistere posset, similiter Cartesius: Vaninius antiqua & vulgata argumenta tribu submovere, & in eorum locum sua reponere satagebat, idem omni studio & conatu Cartesius agit, qui suas tantum rationes, ut liquet ex epist. Dedicatoria modo ad partes vocata, *omnium optimas* esse existimat: Postremo Vaninii argumenta, quæ Atheis ut Achilles & Hector quis opponebantur, penitus inspecta & examinata, elumbia & ficulnea deprehendebantur, ejusdem per omnia farinae Renati des Cartes rationes sunt, ut non tantum obiter sectione tertia hujus tractatus ostendimus, sed ipse etiam innuit: In dicta enim dedicatoria Epistola de successu & fructu suarum Meditationum desperans excipere contra earum obscuritatem incipit, laboratque docere propterea forte parum eas apud Atheos valituras esse, quod pauci eas capere queant. Ne videar homini quid voluisse affingere, ipsa  
ejus



eius verba repræsentabo , quæ ita habent : *Quemadmodum in Geometria multa sunt ab Archimede , Apollonio, Pappo, aliisque scripta (demonstrationes) quæ etsi pro evidentibus etiam , ac certis ab omnibus habeantur , quia nempe nihil plane continent quod seorsim spectatum non sit cognitu facillimum, nihilque in quo sequentia cum antecedentibus non accurate cohereant, quia tamen longiuscula sunt, & valde attentum lectorem desiderant . non nisi ab admodum paucis intelliguntur : Ita quamvis eas , quibus hic utor , certitudine & evidentia Geometricas æquare , vel etiam superare existimem , vereor tamen ne à multis satis intelligi possint , tum quia etiam longiuscula sunt, & alia ab aliis pendunt : tum præcipue quia requirunt mentem à præjudiciis plane liberam : & quæ se ipsam à sensuum consortio facile subducatur. Sed si tales Cartesianæ contra Atheos Meditationes ac Demonstrationes , quorsum ut omnium optime jactantur & ab ipso authore plenis buccis ut tales omnibus ostentantur ? Etenim, quisquis animis Atheorum machinas admoveere cupit, talibus, quibus vinci possint , uti debet. Quemadmodum*

dum enim in castris nulli alii arietes probantur, quam quibus mœnia concuti queunt: similiter contra Atheos nullæ aliæ rationes valent, quam quibus vinci ac converti possunt. Nulla ergo injuria Renato fit, quando cum subtilissimo Atheismi patrono Cæsare Vaninio comparatur, iisdem enim artibus, quibus ille, in imperitorum animis Atheismi thronum erigere laborat. Ut enim suspecta redditur veritas, quando ostenditur nullis eam rationibus niti; ita & Atheismus docetur, quando argumentis, quibus solis, aliis repudiatis, nitendum esse jactatur, omnis efficacia ac successus eripiuntur. Nec *primo* quicquam ad rem facit, quod multi benignius de Cartesio, quam de Cæsare Vaninio sentiant, ipseque religionem Catholico-Romanam in propatulo profiteatur. Idem versipellis Sisyphus Vaninius faciebat, qui aliquando quem religiosum ordinem fuerat amplexus, Tholosæ plurimas conciones habuerat, semperque se pro Catholico Theologo gerebat. Qualis vero Catholico-Romanus Cartesius sit, quibusque exercitiis publice privatimque religionem illam

M

profi-

profiteatur, hætenus nondum proditum est: saltem me latet. Qui occultos cordis recessus exploratos habet, ut spero, suo tempore hominem deteget, conatuque ejus clementer impedit. *Secundo*, prodesse non potest homini, quod dicat se contra Atheos scribere. *Iis* enim bellum quoque (quemadmodum diximus) Vaninius indixerat, nec coram tantum cum iis disputare solebat; verum signatis etiam tabulis, editisque libris, in quibus argumenta solida, & antiquitus ab omnigenæ professionis Theologis ac Philosophis probata, aut in dubium vocando, aut submovendo, straminea & infirma substituebat, quo tutius & subdole magis Atheismum propagare posset. Quantum vero Renati nostri qualibuscunque contra Atheos argumentis tribuendum sit, præterquam quod solide varii ejus antagonistæ ostenderunt, nos amplius ex eo ipso, modo probavimus. *Tertio*, non excusari quoque potest Renatus, quod Theologis religioni suæ adversantibus, & nominatim Voetio, quem scil. Theologi Academia Lovaniensis pro hæretico habet, se opponat; idem enim à Vaninio in  
Gallia

Gallia fieri solet, qui ut apud eos, quorum religionem mentiebatur, aliquam sibi fidem conciliaret, cum Reformatæ religionis Concionatoribus sæpe congregiebatur, viderique volebat Zelotes pro ea religione, quam profitebatur. *Quarto* & postremo, non expediet quoque se Cartesius, si dicat se à multis pro strenuo Atheorum antagonista haberi; Accidit enim & hoc Vaninio, quem à multis stropharum diaboli ignaris probatum, pauci ita detexerunt, ut à supremis potestatibus debito supplicio opportune sublatus fuerit. Deum rogo, ut homini, si quid sequius forte machinetur, in tempore resipiscentiam largiatur, aut, si ipse philosophiæ suæ pericula ignoret, oculos mentis ei aperiat, quo per antiquas potius semitas, quam novas & periculosæ aleæ plenissimas in posterum incedere malit.



## CAPVT IV.

*Nova Cartesii Methodus non tam philosophos, quam deliros phreneticosque gignere potest.*

**M**enecratem Syracusanum Medicum & monstrose fastuosum, aucthores referunt, tanta fuisse vanitate & superbia, ut se non tantum Iovis nomine indigetare, sed etiam nunquam in publicum prodire solitus fuerit, nisi suis, quos curaverat, habitu Deorum vestitis stiparetur, ipse vero purpura amictus, aureaque corona decoratus, sceptrum manibus gestaret. Egregie vero superbia hominis aliquando à Spartæ rege ludibrio exposita fuit; cum enim ad Agésilauum scripsisset: Menecrates Iupiter Agésilao salutem: rescripsit; Agéfilaus Menecrati seu Iovi sanitatem. Menecrati haut sine ratione Renatum Cartesium compares, sive ejus fastum & jactantiam, superius aliquoties à nobis prodita, sive importunitatem in omnibus cujuscunque notæ viris doctis irritandis consideres. Non quidem pro Iove

ve apud Agesilaum quem se gerit , sed pro infallibili in philosophia magistro , qui possit citra pulverem è vestigio ea expedire & clarissime explicare, quæ hætenus summis viris crucem fixerunt. Quanquam vero tanta superbia non nisi hellebore cyatho expelli & curari deberet hominisque amici pro bona mente vota nuncupare ; cum tamen Menecratis instar non tantum ipse sponte insanire velit , sed maxime sectatores suos, per certam methodum ad vesaniæ, si nō phreneseos , lineas adducere ; non possumus non periculum annotare , cui se exponunt , quotquot ex ejus præceptis ad sapientiæ arcem contendunt, ne dum videantur sapere , deprehendantur insanire. Nolo autem exempla colligere eorum, qui nuper ex sophiæ sacerdotibus per authoris philosophiam transformati fuerunt aut in Moriæ epoptas , aut deliriorum mystas, excipere enim posset Renatus eos tum methodi, tum philosophiæ suæ incapaces fuisse : non dicam quoque, ut sæpe justo Dei judicio accidit, superbissima ingenia , dum omnem sibi solis vindicant sapientiam, confundi & prostitui : quanquam interim verissi-

num est quod Herodotus dicit:

*φιλέειν κόλιν ὁ θεὸς τὰ ὑπερέχοντα πάντα.*

Vnam hominis methodum attendi cupio: Ex ejus autem præscripto mens à sensibus abstrahenda est, sibi que relicta ac omnibus præsidiis sciendi destituta, circa axiomata per sensuum judicium maxime innotescencia, & quæ inde educi possunt consecutaria, exercenda. Sed quomodo per compendiosiore viam quis aut ad delirium, & inde propullulantem vesaniam ac phrenesin cōtendere potest? Nam 1. qui ex methodi hujus præscripto progredietur, mentem siue in abstractione siue contemplatione occupatam, maxime intentam, unius rei velut immobiliter cogitando insistentem continere debebit. An experientia unumquemque docere potest (si libeat vel phreneticorum carceres invisere) plerosque quibus de statione mens dimota est, per unius alicujus rei fixam nimis cogitationem, primo delirium, & quæ illud, si remedium non adhibeatur, subsequi solent, vesaniam & phrenesin incurrisse. Vt oculus enim  
uni

uni colori arte diu inhærens hebescit & caligare incipit; ita intellectus sibi relictus, omnibusque subsidiis destitutus quasi læditur per turbatas phantasticas species, si circa unum objectum hæreat, maxime si de eo cognoscere velit, quod aut humano ingenio apprehendi non potest, aut saltem non ab eo, qui tali speculationi indulget. 2. Author sic abstrahi mentem à sensibus vult, ut simul etiam abstrahatur ab ideis sive imaginibus in phantasia depictis. Sed quantum non periculum iis imminet, qui tali abstractioni indulgent? Etenim qui supra phantasie species, mentis suæ ideas abstrahunt, phantasie species seponere & ad tempus non curare debent, quemadmodum & exemplo suo in Meditationibus præire Renatus studet, sed species adeo neglectæ an non aut ipsius phantasie inserviunt confusione, aut quia negliguntur, putantur ad solam mentem turbendam phantasie inhærere. Quid vero hinc sequitur; aut phantasiam esse semper suspectandam, hoc est, strenue delirandum? aut phantasiam per mentem supra eam abstractam esse regendam, hoc est, lepide insaniendum. Cum



enim intellectus, siue mens, indigeat phantasticis speciebus, quo iis contemplandis inhærens, ex illis species intelligibiles efformare queat, non potest ita supra illas abstrahi, ut eas pro arbitrio tanquam domina ordinet. Hoc enim qui faciunt, insanorum & mente carentium exempla sequuntur. Quemadmodum videre est quosdam, qui Phreneticorum aulam exornant, stramen putare esse aurum, quod mens phantasiæ species sensibiles conservanti non obsequens, sed supra eam dominari cupiens, rem nihili metallorum pretiosissimo æquivalere pronunciet. 3. Quoniam author omnium obliviscendum esse pronunciat, solamque mentem à sensibus abstractam audiendam, quantum in se memorialem potestatem obliterat, hoc est proximam ad insaniam viam sternit. Cui bono enim illa, si unius mentis nullius rei memoris dictamina audienda sunt. Ipsa enim omnium rerum ignara, à sensibus abstracta, & supra phantasiam subiecta secure & citra reprehensionis metum luteam domum palatium, festucam trabem, pulverem aurum, &c. vocare poterit: sic enim

cen-

cenſet & opinatur, quoniam neque ſenſus curat, neque ullius rei præſumit eſſe memor. Sed an non quotidie ſecundum ſimilem methodum philoſophantur, quibus hellebori pocula, præ Falcrni cyathis, ſalubria ſunt; Si dicat Cartefius me ineptire, & pericula ejusmodi tantum mihi meæque ſarinæ hominibus imminere: ipſi ex animo à Deo ſanæ mentis in corpore ſano cōſtantiam cum omnibus ſeſtatoribus precor, ſimulque rogo, ne novis ſuis ſpeculationibus, in poſterum Academica ſtudia turbare inſtituat.

F I N I S.

---

M S

SYL-

# SYLLABUS

*Rerum in hoc libro digestarum.*

Numerus prior Sectionem,  
medius caput, posterior pag. signat.

**Q***uomodo omnes capaces non  
sint philosophia Cartesiana.*  
I. I. 14.

*Sectator Cartesii omnium obli-  
visci debet.* I. I. 14.

*Discipulus Cartesianus libris  
bellum indicere, aut lectio-  
nem eorum dissimulare tene-  
tur.* I. 2. 26.

*Cartesius hoc agit, ut affectis suis  
Pythagoræ alterius loco sit.*  
I. 3. 31.

*Spe alitur Cartes. Philosophia  
sectator.* I. 4. 45.  
Omni-

## I N D E X.

*Omniū magistrorum contemptui studeat, pax & lex est summa.* I.5.52.

*Dogmata philosophica principiis natura notis respondere, demonstratur.* II.1.59.

*Philosophicorum dogmatum evidentia aperitur, ejusque à Cartes. obtrusum fucum esse, & quo fine.* II.2.70.

*Frustra discipulorum suorum progressus admirandos Cartesiani jactant ad asserendam Philosophiæ evidentiam, &c.*

II.3.79.

*Immota permanet recepta sanæque Philosophia, non obstantibus inanibus Cartesii machinis.* II.4.87.

*Varii, & quinam veram philosophiam*



## INDEX.

*sophiam oppugnandi modi à  
variis adhibiti recensentur.*

II. 4. 87.

*Inanium Cartesianorum cum  
Orthodoxa Philosophia con-  
gressuum causa produntur.*

II. 5. 97.

*Cartesiana philosophia amissi  
quomodo dicatur experien-  
tia, eaque infelicissima.*

II. 6. 106.

*Ratio à Cartesio toties decanta-  
ta non est ratio dicenda ab-  
stractivè sed subjectivè.*

II. 7. 117.

*Frustra Cartesiani suæ philoso-  
phie perfectionem à Geome-  
tria aut Algebra sperant.*

II. 8. 122.

*Mechanica Cartesiana physio-  
logiae fundamentum & nor-*

*ma*

## INDEX.

*ma quomodo ineptè statua-  
tur.* II. 9. 130.

*Narrationes simplices aut citra  
probationem hypotheses quo-  
modo absurde demonstratio-  
num vice à Cartesianis ob-  
trudantur.* II. 10. 138.

*Similitudines non esse demon-  
strationes.* II. 11. 146.

*Modus & methodus disputandi  
aut argumentandi novatu-  
rientium Cartesianorum de-  
scribitur.* Ibid.

*Effugia Cartesianorum ad ad-  
versariorum argumenta quæ  
sint celebria & frequentata  
magis.* II. 12. 155.

*Vbi inveniatur aut stabuletur  
nova Cartesii Philosophia; an  
in particulis insensilibus, aut  
in vortice.* II. 13. 167.

*Argu-*

# INDEX

*Argumentum Cartesii contra  
Scepticos expenditur.*

III. 1. 172.

*Examinatur primum Cart. ar-  
gumentum contra Atheos.*

III. 2. 177.

*Sic & reliqua contra eosdem.*

III. 3. 185.

*Quam feliciter probet Cartesius  
mentem à Corpore esse di-  
stinctam.*

III. 4. 189.

*Examinantur principia consti-  
tutiva rerum naturalium  
ficta apud Cartesianos.*

III. 5. 195.

*Expenditur sententia de Carte-  
sianorum particulis insensi-  
bilibus, deque materia ex il-  
lis ficta.*

III. 6. 212.

*Quam stolidè Cartesiani sentiāt  
circa*

I N D E X.

*circa definiendum Calorem.*

III.7.224.

*Sententia Cartesii de magnete  
excutitur.*

III.8.228.

*De aestu maris quam ridicula  
Cart. sententia.*

III.9.234.

*Ratio redditur cur non plura  
novaturientium dogmata  
excutiantur.*

III.10.240.

*Quomodo nova Cartesii philo-  
sophandi methodus ad Scep-  
ticismum viam sternit.*

IV.1.245.

*Eadem methodus ad Enthusias-  
mum ducit.*

IV.2.255.

*Atheismum fulcit & struit.*

IV.3.261.

*Nova Cartesii Methodus non  
tam philosophos, quam deli-  
ros phreneticosque gignere  
potest.*

IV.4.268.

F I N I S.















